

COGITATIONES RATIONALES  
DE  
VIRIBUS  
INTELLECTUS  
HUMANI

EARUMQUE USU LEGITIMO  
IN  
VERITATIS COGNITIONE

CUM IIS,  
QUI VERITATEM AMANT,  
COMMUNICATÆ

ET NUNC

EX

SERMONE GERMANICO IN  
LATINUM TRANSLATÆ

A

CHRISTIANO WOLFIO,

POTENT. SVECOR. REGIS, HASSIÆ LANDGRAVII CON-  
SILIARIO REGIMINIS, MATHEM. ET PHILOSOPH.  
IN ACADEMIA MARBURG. PROF. PRIMARIO PROF.  
PETROPOLIT. HONOR. ACADEM. REGIÆ SCIENT.

PARISIÆ, SOCIETATUMQUE REGIARUM BRI-  
TAN. ET BORUSS. MEMBRO,

---

CUM PRIVILEGIIS

EDIT. SECUNDA.

---

FRANCOFURTI & LIPSIAE ANNO 1735.

PROSTAT IN BIBLIOP. RENGIERIANO.



**VIRO**  
**PER-ILLUSTRI**  
**ATQVE**  
**EXCELLENTISSIMO**  
**DN. JOANNI**  
**JUSTO**  
**HARTMANNO**  
**SCHEFFER,**

**SERENISSIMI HASSIÆ LANDGRA-**  
**VII CANCELLARIO ET CONSILIA-**  
**RIO STATUS INTIMO,**

**DOMINO ET PATRONO**  
**SUO VENERANDO.**



VIR PER-ILLUSTRIS  
ATQVE  
EXCELLENTISSIME.



Um rationes  
complures  
me tandem  
permoverint,  
ut Tracta-  
tum de viribus intellectus  
humani eorumque usu le-  
gitimo in veritatis cogni-  
tione ex Germanico Ser-  
mone in Latinum trans-  
fun-



## DEDICATIO

funderem ; non e longin-  
quo mihi petenda fuit ra-  
tio, cur Nomem Tuum per-  
illustre eidem præfigerem.  
Qui enim eruditioni ac do-  
ctrinæ solidæ impense fa-  
ves, meum quoque ardo-  
rem non improbas, quo  
hactenus usus fui viam ad  
recte ac utiliter philoso-  
phandum aliis monstratu-  
rus. Meum igitur erat gra-  
tum Patrono probare ani-  
mum publico aliquo docu-  
mento. Exemplum dein-  
de Tuum præclaris ingeni-  
is incitamento erit, ut ad  
solidam ac Reip. utilem do-  
ctrinam sibi comparandam

## DEDICATIO.

---

omnibus viribus annitantur, ac ut inprimis intelligant, quantum referat ad tractanda negotia publica habere intellectum probe excultum. Patere igitur, Vir Per-Illustris atque Excellentissime, ut præsentem Tractatum submissa animi veneratione Tibi offeram, Deum Ter Optimum Maximum humillime precatus, ut Te diu fospitem salvumque servet, de patria plurimum Tibi devincta in posterum quoque præclare meriturum! Dabam Marburgi die 15. Martii 1730.

PER-ILLUSTRIS  
ATQUE  
EXCELLENTISSIMI  
NOMINIS TUI

Custor devotissimus  
CHRISTIANUS WOLFIUS.



## PRÆFATIO.



**I**n intellectu nihil melius a Deo homini datum est: quam primum enim homo mente capitur, aut in statum infantis, aut feræ prorsus bestię deicitur, ineptus ad Deum colendum hominibusque inserviendum. Idcirco nomine hoministanto magis quis dignus censendus est, quanto majori habitu utendi facultatibus mentis pollet: ut adeo unusquisque mortalium, inprimis si inter eruditos nomen aliquod affectat, acri studio in illum sibi aquirendum incumbere deberet. Enimvero exiguus est eorum numerus, qui hanc sibi curam datam esse existimant, plerisque in historica rerum cognitione memoriæ demandanda senescen-

## PRÆFATIO.

scientibus & meditationem omnem cane  
& angve pejus fugientibus. Oderunt ita-  
que, quæ non sine meditatione addiscun-  
tur & in acuendo intellectu vice eotis fun-  
guntur: grata sunt, quæ instar fabulæ  
absque profunda attentione comprehen-  
duntur, nec ipsos a pristino cogitandi mo-  
do abducunt, quem cum vulgo commu-  
nem experiuntur. Quænam vero sint  
vires intellectus humani, non alia ratione  
reperire licet, quam ubi earum usum in  
nobis experimur. Quamobrem impossi-  
bile est, ut ejus aliquam notionem habe-  
ant, quotquot in compilandis aliorum co-  
gitatis subsistunt, nec unquam inveniendi  
periculum ipsi fecerunt, immo per o-  
mnem vitam ne unicam quidem verita-  
tem demonstratione rigida munitam pro-  
pius adspexerunt, nisi forte inciderint in  
librum aliquem doctrina solida refertum,  
quales tamen in bibliopoliis non magno  
numero prostant, nec facile intelligun-  
tur ab hominibus in scientia hospitibus.  
Non alia igitur ad cognitionem virium  
intellectus & modi iisdem utendi via pa-  
tet, quam ubi in veritatibus legitime de-  
monstratis comprehendendis operam  
collocaveris, quomodo eadem inveniri  
potu.

## PRÆFATIO.

potuerint, sollicitare inquisiveris & habitum quendam meditandi nactus veritatem tibi adhuc vel aliis quoque latentem proprio Marte eruere tentaveris; tandem rationes, cur demonstrationes adeo assensum cogant & ex quibusdam veritatibus cognitis aliæ incognitæ deducantur, pervestigaveris. Impudentiæ aut ignorantiae notam non effugit, qui aliis persuadere non erubescit, quasi extra Mathesin istiusmodi demonstrationes & certa inventa prostant, qualia in Mathesi obvia sunt. Si enim a Mathesi discesseris, aut alia prorsus quam mathematica methodo scribitur, aut eam imitari conantur autores. In casu primo acutioribus multa apparet confusio: etenim nunc conqueruntur, terminos aut prorsus non, aut male definiri, nunc reprehendunt multa sine probatione sumi, quæ per se evidentia non sunt, alia vero non sufficienter, alia non rite probari. In casu altero res nondum ex voto successit mathematicas demonstrationes in disciplinis ad Mathesin minime spectantibus imitari conantibus. *Cartesius* Mathematicus merito suo magnus, nunquam clarius ostendit, quid adhuc desit suæ

## PRÆFATIO.

de existentia Dei demonstrationi, quam cum *Mersenno* aures benignas præbens eam ad formam demonstrationum geometricarum reducere tentaret. *Spinoza* in *Ethica* sua demonstrationes molitus, quantum ascopo abfuerit, norunt intelligentes: nec *Raphsonus* in Demonstratione de Deo eum affecutus, etsi ingenio non careret ac in *Mathesi* multum esset versatus. Nimirum ipsi quoque Autores, qui mathematicam methodum ad alia applicare conati sunt, in eo haud raro peccant, ut terminos per vocabula alia æquipollentia explicent, sine probatione sumant quæ probatione maxime indigebant atq; ratiocinia inter se legitime non connectant. Solæ igitur disciplinæ mathematicæ hæcenus supersunt, ex quibus genuinus operationum mentis in veritate cognoscenda usus addisci potest. Quamobrem in *Elementis Matheseos universæ*, quæ patrio sermone edidi, methodo analytica omnia proponere conatus fui, & in publicis privatisque lectionibus data quolibet occasione artificia methodi auditoribus meis insinuare soleo, ut eos, ad meditandum manuducam, multis præsertim obstaculis undiquaque iisdem ob-

jectis.

## PRÆFATIO.

jectis. Absit vero ut quis existimet, me ex nimio in Mathesin amore talia in medium proferre: qui enim me propius norunt nec conscientia suæ contradicere volunt, ultro fatebuntur, nihil amore veritatis mihi esse antiquius, nec erit quisquam, qui coram dicere ausit, me unquam aliquid in docendo, multo minus in scribendo affectui dare. Mihi potius in more positum est veritatem retinere & lucrum licitum contemnere, quoties quis suspicari posset me veritatem sincero animo non profiteri. Quare in præsentī quoque, ad aliorum potius testimonia, quam experientiam domesticam provocare libet. *Lockius* etiam inter nos autoritate pollet & quidem penes eos ipsos, qui Anglorum merita non agnoscunt. Enimvero quo medio acumen suum se consecutum esse fatetur vir doctus & quodnam aliis medium commendat in Tractatu de dirigendo intellectu in veritatis cognitione, qui inter opera posthuma Londini 1716. edita lucem adspexit? Nonne unice hic laudat studium Matheseos, præsertim Algebrae, quam iis encomiis ornat, quæ ego ob inveterata multorum præjudicia, animique

## PRÆFATIO.

que passionēs, mea facere nollem. Aliorum testimonia non repeto, quæ in præfatione ad discursum de methodo mathematica Elementis Matheseos præmissum adduxi. Atque ea potissima ratio fuit, cur tam acri studio in Mathesin addiscendam incubuerim: nunquam enim mihi animus fuit ad dignitatem Professoris Matheseos adspirandi, quam uti prima vice ad docendam Mathesin præter omnem expectationem vocatus fui, quam ideo, vocationem divinam interpretatus sum. Quæ igitur lectione librorum mathematicorum & multiplici meditatione de usu operationum mentis sui consecutus, eorum facillima & scitu præceteris necessaria in præsentē Tractatu expono, ne plura proferenstyronum conatibus obsem, quibus unice hic seritur metiturque, & ne steriles nugas proferre videar iis, qui diu attentionem in aliqua re conservare nondum didicerunt. Nec hæc postrema est ratio, quæ me impulit, ut hæc Logicæ principia idiomate Germanico conscriberem, cum non ignorem, esse inter externos haud paucos, quibus solida doctrina probatur. Alio igitur tempore Latino sermone de eodem



## PRÆFATIO.

dem argumento uberius & solidius dicam, quemadmodum in Elementis Mathematicis Latinis uberiores theoriam, quam in Elementis Germanicis propono. (a) Propria experientia edoctus fui, quid valeant regulæ, quas inculco, in veritate dijudicanda & investiganda: neque ullus dubito fore, ut idem experiantur alii. Expeditus autem evadet regularum usus, ubi quis minimum in Elementis meis Mathematicis assiduus attenderit, quomodo ibidem illis satisfactum fuerit. Exercitiis comparatur habitus: exercitia vero in demonstrationibus legitimis perpendendis consistunt. Sola regularum notitia nec corporis habitus acquiritur, etsi ab optimo artifice hausta fuerit: accedat opus est exercitium, si eo potiri volueris. Multo minus autem ejusdem compos unquam redderis, si quis ipse artem non caller, a quo eam edoceris. Equidem hodie in Germania juvenus studiosa raro ad solidam rerum cognitionem manuducitur, iis præsertim in locis, ubi doctores ignorantia

---

(a) Prodiit Logica Latina, quæ hic promittitur. A. 1728. in 4to.

## PRÆFATIO.

rantia<sup>z</sup> dominatum affectant & prudentia<sup>z</sup> singularis laude ma<sup>z</sup>stantur, quotquot non discunt nisi quæ sunt de pane lucrando : quoniam tamen hoc pacto non artifices evadunt in arte sua, tempus fore arbitror, quo damnum in genus humanum inde redundans perspiciant ignorantia<sup>z</sup> ac eruditionis superficialia<sup>z</sup> patroni. Non admittantur ad Facultates, quas vulgo vocant, superiores, nisi qui in Mathesi & philosophia cum laude versati sunt, quemadmodum fert seria Regis potentissimi ac Domini nostri longe clementissimi voluntas: nec multo tempore opus erit, ut appareat, quam sint in ceteris addiscendis feliciores, quam minore studio ac labore, quanto melius eadem comprehendant. Ad propriam provocare poteram experientiam, nisi verendum mihi esset, ne malevolorum censuram quamvis immeritam incurrem. Neque opus est, ut meo exemplo doceam alios: cum non desint viri egregii, qui de se idem publice professi sunt, nec deerunt alii, qui idem in posterum confitebuntur. Et si quis fidem habuerit verbis meis, is eorum veritatem in seipso experietur. Unicum adhuc

## PRÆFATIO.

---

huc restat, de quo mihi in præsentī dicendum est. Si quis qua in re a me dissentit, non ingrātum mihi erit, ubi vel privatis ad me litteris, vel, si tanti videbitur, publice dissensum suum declararet, modo modestiam cum acumine conjungat. Si cui vero litigare & convivari volupe fuerit, cum eo mihi nihil erit negotii: nullus enim dubito fore, ut intelligentes ac prudentes malitiam cum ignorantia conjunctam me tacente perspiciant. Quodsi objectiones eas deprehendero, quæ attentionem merentur, eadem modestia respondebo modestis, qua in diluendis Anglorum quorundam & Gallorum objectionibus usus sum, spe certa fretus fore, ut perinde ac illi nihil in ea desiderent. Neque hic silentio prætereundum, cum initio meditationum de viribus intellectus in cognitione veritatis non pauca viderentur perplexa, immo alicubi in ambages inutiles incidissem, *Leibnitii* meditationes ingeniosas de cognitione, veritate & ideis, quæ in Actis Eruditorum A. 1684. p. 537. leguntur, lucem inexpectatam mihi affudisse, ut adeo non

)(

parum

## PRÆFATIO.

---

parum miratus fuerim, cur non alii, qui de eodem argumento postea commentati sunt, illarum rationem habuerint. Nil magis in votis habeo, quam ut lectores dociles eum ex labore hoc qualicumque meo fructum percipiant, qui a me intenditur. Ubi voti compos factus fuero, omnem movebo lapidem, ut in ceteris quoque philosophiæ partibus eandem ipsis lucem accendam. Halæ Saxonum, die 18. Octobris A. 1712.

---

## MONITUM DE EDITIONE SECUNDA.

**E**revifum mihi fuit plura addere exempla ex omni scientiarum genere ad regulas illustrandas, ut facilius & rectius etiam ab illis intelligantur, qui lectionibus meis interesse nequeunt: nemo enim ignorat, exempla non modo prodesse ad regularum intelligentiam, verum etiam ad earundem applicationem. Hæc inprimis tenenda sunt de capite primo, quoniam doctrina in eodem contenta maximi momenti est ac  
alibi

## PRÆFATIO.

---

alibi frustra quæritur eodem studio pertractata. Hac vero ratione me obtenturum spero, ut quilibet perspiciat, regulas a me propositas esse universales, nectantummodo in Mathesi valere, sed ubique, ubi solida doctrina expetitur. Quoniam in Capite de Syllogismis eorum inveniendū usum defendo, siquidem ordine ac sine lapsu progredi vo-  
lueris; non inconsultum fore duxi, si idem capiti tertio de judiciis subjungentur, antequam docerem modum propositiones sive a posteriori, sive a priori investigandi. Ita enim ea præmittuntur, quæ in sequentibus usui sunt. Caput primum de notionibus & quartum de Syllogismis facile palmaria sunt: ubi enim solida rerum cognitio curæ cordique fuerit, omne profecto momentum in notionibus distinctis & demonstrationibus ordinatis situm est. Equidem non ignoro esse aliquos, qui tam de his, quam de istis minus præclare sentiunt. Sed ii sunt, qui contemnunt, quæ non intelligunt. Nec male faciunt, cum non intelligentium quarant applausum, sed eorum, qui verum rebus pre-

## PRÆFATIO.

---

tium statuere nesciunt, famamque ex utilitate metiantur. Ego vero, cui veritate nihil est antiquius, sensu suo eos abundare jubeo: absit autem ut lucri gratia superficialiariam cognitionem solidæ præferam! Qui regulas de notionibus distinctis & demonstrationibus ordinatis dextre applicare voluerit, is cum studio Logico, quod jam aliquoties me inculcasse memini, mathematicum conjungat: ita enim expeditus evadet illarum usus, neque illorum more, quibus sensus loco intellectus est, inter perpetuas fluctuationes vita omnis erit transigenda. Halæ die 5. Martii A. 1719.

## MONITVM DE TERTIA EDITIONE.

**Q**Uæ in libello hoc mole parvo leguntur, maximi semper feci: usum enim illorum in investiganda & judicanda veritate, in ipsa etiam Mathesi, multiplici experimento didici, immo adhuc quotidie eundem experior. Immo affirmare ausim, vix esse aliud, in quo trutinan-

## PRÆFATIO.

---

tinando plus temporis consumserim, quam in doctrinis palmariis, in hoc libello propositis, ita ut non sine ambagibus tandem repererim genuina Logicæ verioris fundamenta. Quemadmodum vero non alio fine operam dedi ut de regulis, quibus dirigitur intellectus in omni veritatis cognitione prorsus essem certus, ne ad veritatem solide ac certo cognoscendam deessent vires; ita easdem regulas publici juris feci, ut aliis monstrarem regiam ad scientiam humano generi utilem viam, eundem usum experturis, quem mihi adeo proficuum intelligo. Haud parum itaque gaudeo, postquam certior factus sum, ab aliis quoque illarum usum agnosci easdemque in pretio haberi. Non vero est quod dubitent de felici earum in dato quolibet casu applicatione, ubi meum exemplum secuti in mathematicis demonstrationibus multi fuerint, aut, ubi hoc non datur, in scriptis meis philosophicis attentam mente perlustrandis aliquod tempus consumere voluerint. Ne regularum logicarum applicatio in legenda philosophia difficultatem facessat; in

## PRÆFATIO.

---

nova hac editione fundamentales præsertim pluribus exemplis illustravi, ut clarius intelligantur, & loca indicavi, in quibus exempla reperiuntur regulis aliquam lucem affusura. Et hæc unica fuit ratio cur tertiam hanc editionem effecerim auctiorem. Equidem perpauca sunt, quæ hinc inde addita fuere; pauca tamen ista pluris fieri debent exiguo isto pretio, quo libellus mole adeo parvus venit. Circa divisionem in capita & articulos nihil prorsus immutavi, eadem de causa quæ me permovit ut in nova editione Cogitationum de Deo, mundo & anima humana nihil ea in re immutarem. Quemadmodum autem in prima statim editione sollicitus cavi, ne traderem nisi ea, quæ explorati usus ac per omnem vitam memoria tenenda sunt, ubi in scientiis feliciter progredi volueris; ita nec ulla mihi ratio est, cur in præsentia ab ista sententia me dimoveri patiar. Quamvis enim non desint plura, quæ sua utilitate non destituuntur, etsi non usus prorsus indispensabilis quemadmodum ea, quæ hic proposui; a præsentetamen instituto ea aliena iudico, quibus non omnes



## PRÆFATIO.

---

omnes habent opus. Dabitur alias occasio satisfaciendi inexatiabili regularum cupidini, qua nonnulli tenentur, (b) addendique ea quæ ultra ordinarios terminos progressuris conducunt. Nunc in iis acquiesco, quæ apprime necessaria sunt, præsertim cum ad veritatem cognoscendam non regularum multitudo, sed paucarum crebra applicatio aliquod afferat momentum. Exercitio plus efficitur quam regulis. Qui paucas regulas dextre applicare didicit, is plures proprio Marte detegit, ubi iis habuerit opus. Qui Algebræ ea methodo operam navavit, qua ego eam tradere suevi, dictis fidem haud denegabit; ceteri autem cum die experientur, penes ea stare veritatem: id quod unicuique veritatem sitienti animus apprecor! Halæ die 10. Febr. 1722.

---

(b) Liberavimus fidem nostram in Logicæ Opere Latino.

# PRÆFATIO.

---

## MONITUM

DE

EDITIONE QUARTA

ET

QUINTA.

**C**UM A. 1725. quarta editio lucem publicam adspiceret, adversariorum protervia ansam mihi dabat capite decimo quarto nonnulla inferendi, de quibus ante non cogitaveram, qui, cum haberem animum ab altercationibus alienum, scripta eristica nunquam legeram. Nimirum cum domestica experientia edoceret, consequentiariorum artem male sanam cum methodo demonstrandi per indirectum confundi, cum tamen plurimum referat in refutandis aliorum sententiis unam ab altera probe distingui; quænam sit utriusque differentia clarissime exponebam, quamvis mox sese occasio offerret eandem plenius delineandi in scripto apologetico, quod sub titulo: *Demonstrationis evidentis idiomate patrio Buddeo* opponebam, p. & seqq. Immo cum non minus intelligerem, scripta apolo-

## PRÆFATIO.

---

pologetica cum eristicis confundi & ad illa trahi, quod de his scripseram; e re esse judicabam, ut hunc errorem animo lectoris eximerem & sub finem capitis paulo ante laudati modum cum persecutoribus agendi, delinearem, quem similiter deinceps in *Demonstratione evidente* uberius exposui. Cum igitur utilitatem libelli perspiciant longe plurimi, ut quinta jam editione opus sit, eam amplificaturus non modo hinc inde pauca quidem, sed quæ non exigui sunt momenti, addidi, verum etiam integrum caput decimum quintum adjeci, in quo docetur, quomodo quis sibi habitum utendi Logica comparare valeat. Inter ea, quæ nonnullis in locis addidi, haud postremum locum sibi vindicat discrimen inter essentialia & attributa, quod §. 48. insertum ad definitionum indolem intelligendam haud parum facit & cujus ignorantia definitiones accuratæ rejiciuntur. Quamvis autem ignorantia ista in causa fuerit, ut horrenda in me convicia, calumnias prorsus abominandas virulento animo evomerent, qui sunt hostili adversus me animo præditi; ita tamen verba

## PRÆFATIO.

---

huc spectantia inserui, ut ea primitus cum ceteris ex calamo fluxisse videantur. A meo enim me nunquam dimoveri patior more, ut convitiantes doceam & alterationes omni, quo possum, studio evitem. In ceteris nihil mutatum est a prima usque ad hanc editionem: nihil enim a me dictum, quod non multiplici documento verum expertus jam tum fueram, ubi prima prodiret editio. Idem experiuntur, quotquot hoc libello duce scientiis operam navant. Neque est quod magis optem, ut plurimi idem experiantur: ita enim cum scientia virtutem conjungent eruditi & ego scopum assequar quem labori multiplici ac diffuso præfigendum esse duxi. Dabam Marburgi Cattorum d. 5. April. 1727.

## MONITUM

DE

## VERSIONE LATINA.

**C**Ur operum philosophicorum hactenus patrio sermone editorum versionem latinam adornarer, causa potissima

## PRÆFATIO.

---

ma hæc fuit, ut multorum desiderio satisfacerem, qui vel linguæ Germanicæ usu destituti; vel Latinam eidem in philosophando præferentes utilitatem illorum in præparando animo ad lectionem operum majorum, quæ Latino Sermonē evulgare cœpi, agnoscunt. Cur vero ipse tot negotiis aliis implicitus, immo tantum non obrutus, ad eam adornandam animum appulerim, non alio fine factum est, quam ut nullum superesset dubium, eam ex assē ad mentem meam factam esse, sicque opera minora concordarent cum majoribus, nec esset ullibi aliquis dissensus. Etenim cum opera Germanica genium linguæ Germanicæ sapiant, qui a Latino prorsus diversus est, & terminis ipsis, Scholasticorum barbaris, vocabula Germanica pura, non quod vulgo fieri solet ad imitationem Latinorum ficta fuerint substituta; in nostra tamen philosophia constans esse debeat sermo: versio non tam facilis est, quam videri poterat. Atque hinc intelligitur, quare in vertendo hoc Tractatu rerum magis, quam verborum rationem habuerim. Quamvis autem versio  
Lati-

## PRÆFATIO.

---

Latina proſtet, non tamen ideo opera Germanica nullius ſunt uſus: ex iis enim diſcitur, de rebus philoſophicis pure loqui, quando patrio ſermone philoſophandi occaſio datur, ut taceam eorum lectionem hætenus non parum profuiſſe plurimis, & in poſterum quoque profuturam eſſe, qui ſtudiis litterariis operam navant. Dabam Marburgi d. 12. Martii 1730.



# PROLEGOMENA DE PHILOSOPHIA.

§. 1

**P***hilosophia* est scientia possibilium, qua- *Philosophi-*  
renus esse possunt. *a definitio.*

§. 2. Per *scientiam* intelligo habitum asser- *Scientia de-*  
ta demonstrandi hoc est, ex principiis certis *nitio.*  
& immotis per legitimam consequentiam in-  
ferendi. Quænam principia sint certa & im-  
mota, quænam consequentia legitima, in hoc  
tractatu de usu virium intellectus in cogni-  
tione veri docemus.

§. 3. *Possibile* hic appello, quod contradi- *Possibilis*  
ctionem nullam involvit, seu, quod existere *definitio.*  
potest, sive actu existat, sive minus.

§. 4. Ea, quæ sunt vel fiunt, sua non de- *Necessitas*  
stituuntur ratione unde intelligatur, cur sint, *rationis*  
vel fiant: id quod alibi (§. 30. 31. *Met.*) de- *sufficientis.*  
monstramus. Hic nobis sufficit non affir-  
mari, nisi quod experientiæ consentaneum,  
(*Wolffii Logica.*) A nec

nec offerri posse exempla, ubi quid sit sine ratione sufficiente, etsi talia afferri queant, in quibus ratio sufficiens latet.

*Cognitio  
philosophi-  
ca qualis.*

§. 5. Ea de causa philosophus non solum nosse debet, esse quid possibile. Sed rationem quoque reddere tenetur, cur quid esse vel fieri possit (§. 1.2.) E. gr. philosophus non modo nosse debet pluere posse; Sed insuper explicare tenetur, quomodo & quæ de causa pluat.

*Ejus differe-  
rentia a  
communis.*

§. 6. Atque hoc ipsa *cognitio philosophica a communi* (quam & *historicam* dicimus) differt. Philosophiæ nimirum ignarus experientia duce multa, quæ fieri possunt, cognoscere valet; sed rationem reddere nescit, cur ea potius sint, quam non sint. E. gr. Quod subinde pluat, experitur; haud quamquam tamen alteri explicare valet, quomodo fieri possit, ut pluat, & quænam sint pluviae causæ.

*Utilitas  
cognitionis  
philosophi-  
cæ.*

§. 7. Equidem non dubitamus fore plurimos, qui existimantur sunt, cognitionem communem ad felicitatem nostram promovendam abunde sufficere: enimvero cum subiecto non conveniat prædicatum nisi sub certa conditione, sive ea a definitione, sive aliunde petatur, quemadmodum inferius ostendemus; qui historicam saltem cognitionem habet, sæpius ad conditionem istam vel prorsus non attendit, vel minimum non integram perspicit, atque adeo pro universali venditat, quod nonnisi in casu particulari verum est. Experientia hoc satis superque



perque loquitur. E. gr. Misericordia miseri tangimur, cognita ejus miseria. Hoc observans, sed rationem ignorans, adeoque philosophica cognitione destitutus (§. 5.) facile sibi persuadet, alios ad misericordiam permoveri posse sola miseriæ expositione: Spem vero fallit eventus, in aliis casibus misericordia deficiente, in aliis irrisione excitata. Similiter observans turculos roris marini altero suo extremo in terram defixos radices agere atque in fruticem excrefcere, opido falleretur, si eundem eventum in arborum quarumcunque surculis sibi promitteret.

Enimvero philosophus non habet, quod vereatur, ne in applicandis propositionibus a vero aberret, cum rationem norit, cur & quando veræ sint. Ita in exemplo primo perspicit, expositione miseriæ tum demum aliquem ad misericordiam permoveri, ubi animus ipsius dispositus est ad voluptatem ex felicitate miseri percipiendam; atque in exemplo secundo intelligit, surculum terræ infixum tum demum radices agere, si nodus aliquis terræ committatur, nec surculus facile flaccescat, cortex denique a radicibus emittendis haud difficulter perforetur. Præterea philosophus ex veritatibus cognitis alias incognitas eruere valet ac ex cognitione, quæ ipsi est, tantam percipit voluptatem, quantam ex re alia percipi prorsus impossibile.

§. 8. Mirabuntur forsitan nonnulli, obje- *Obje-ctio*  
ctum philosophiæ constitui possibilia in uni- *contra de-*  
*fini-cto.*  
ver.

*nam philo-  
sophia.*

versum omnia, cum tamen nemo mortali-  
um, quantamcunque cognitionem rerum  
fuerit consecutus, negare aufit, se nonnisi  
minimam illorum partem comprehendisse.  
Nonne igitur consultius foret definitionem  
philosophiæ condi minus fastuosam?

*Responsio.*

§. 9. Si cuius animum subeat istiusmodi  
cogitatio, is perpendat vclim, consultius  
omnino esse, ut definitioni philosophiæ  
omnis tribuatur amplitudo, quam habere  
potest, quam ut ejus veluti mensura consti-  
tuatur ea, quam hic vel ille consecutus fue-  
rit, notitia. Hoc pacto enim scientiæ non  
præter necessitatem præfiguntur limites, quo  
ipso multi ab ulterioribus disquisitionibus  
deterrentur, sicque multa utilia, quæ adhuc  
latent, in apricum non protrahuntur; id  
quod illa secula abunde loquuntur, quibus  
persuasum erat eruditis Aristotelem in philo-  
sophia ultimam metam attingisse, ad quam  
intellectus humanus pertingere valet. Quin  
potius unusquisque ad progrediendum ulte-  
rius incitatur, probe perspicuens, quam  
multa adhuc detegenda supersint: id quod  
nostro inprimis tempore Mathematicorum  
exempla probant. Humiliatur simul ani-  
mus, ne quis ob præclaras, quas sibi conse-  
cutus videtur, dotes sese efferat, optime  
gnarus maximam partem ejus, quod scimus,  
esse minimam eorum, quæ nescimus. No-  
tum vero est ingenere, in definitione rerum,  
quæ diversos gradus admittunt, nullius  
prorsus gradus rationem haberi. E. gr. tem-  
peran-

perantia singulorum non est ejusdem gradus. Quod si jam temperantia definiri debet, non ad gradum; qui hujus vel illius subjecti est, respicimus. Sed talis potius definitur hæc virtus, qualis esse debet, ubi supremum gradum attigerit, ita ut nihil amplius in ea desiderari possit.

§. 10. Quod si ad nosmetipsos attendamus, facultatem in nobis deprehendimus concipiendi possibilia, quam *intellectum* appellamus. Quousque eadem extendatur & quinam sit ejus usus cum in veritate latente per proprias meditationes eruenda, tum in eruta ab aliis dijudicanda, non unicuique manifestum. Quamobrem ut constet, utram ad philosophandum apti simus, nec ne; primum inquiremus in vires intellectus humani earumque usum in veritate cognoscenda. Ea philosophiæ pars, in qua hæc docentur, *Logica* appellatur. *Pars prima philosophia.*

§. 11. Inter ea, quæ sunt, ens unum necessarium esse ac propria virtute existere debet: alias enim admittendum quid foret, cuius nulla ratio dari posset, cur potius sit, quam non sit: id quod principio supra stabilito (§. 4.) adversatur. Ens illud a se, quod propria virtute existit, *Deum* appellamus; entia vero cetera, quæ existentiae suæ rationem in ente necessario habent, *creaturas* nuncupamus. Quoniam philosophia rationem reddere debet eorum, quæ sunt, cur potius sint, quam non sint (§. 5.); doctrina de Deo ante pertractanda, quam creatura-

*Institutum  
Auctoris.*

§. 17. Quoniam vero non cujusvis est tantam philosophiæ operam impendere, ut ad cognitionem rerum mathematicam progrediatur. In his philosophiæ elementis eam insuper habebimus contenti cognovisse vires rerum ac inde deduxisse, quæ per eas fieri possunt. Quibus vero ulterius progredi volupe fuerit, iis alio loco alioque tempore, si Deo visum fuerit, satisfacere conabimur: ut taceamus, plurima huc spectantia tradi in Elementis Matheseos universæ, præsertim Latinis.

*Finis Prolegomenorum.*



# COGITATIONES RATIONALES DE VIRIBUS INTELLECTUS HUMANI & EARUM USU IN COGNITIONE VERITATIS.

## CAPUT I.

### *De Notionibus rerum.*

#### §. I.

**U**Nusquisque in se ipso experitur, se- *Sentire*  
res multas sensu percipere. Dico *quam*  
autem, nos *quid sentire seu sensu dicamur.*  
*percipere*, si ejus tanquam nobis præsentis  
conscii simus. Ita sensu percipimus dolo-  
rem, sonum, lumen & cogitationes nostras.

§. 2. Illa animæ operatio, qua nobis con- *Quid co-*  
scii sumus, *cogitatio* appellatur: quilibet e- *gitationis*  
nim ait se nihil cogitare, quando nullius rei *nomine ve-*  
sibi conscius esse videtur. Hac ratione sen- *niat.*  
sationes sunt cogitationes rerum nobis præ-  
sentium. Hic loci non explicamus nisi ter-  
minos, ut nemo ignoret, quemnam iisdem  
tribuamus significatum. Res iisdem deno-  
tatas in Metaphysica explicamus.

§. 3. Facultas sensu percipiendi res exter- *Sensus quid*  
nas dicitur *sensus*. Numerantur autem sen- *dicatur.*  
sus quinque *Visus, Auditus, Tactus, Odoratus,*  
*Gustus.*

§. 4. *Notionem* appello repræsentationem *Notionis*  
rei in mente. E. gr. Notio mihi est *Solis, definitio,*

## PRÆFATIO.

---

Latina proſtet, non tamen ideo opera Germanica nullius ſunt uſus: ex iis enim diſcitur, de rebus philoſophicis pure loqui, quando patrio ſermone philoſophandi occaſio datur, ut taceam eorum lectionem hætenus non parum profuiſſe plurimis, & in poſterum quoque profuturam eſſe, qui ſtudiis litterariis operam navant. Dabam Marburgi d. 12. Martii 1730.

PRO.



# PROLEGOMENA DE PHILOSOPHIA.

## §. 1

**P***hilosophia* est scientia possibilium, qua- *Philosophi-*  
tenus esse possunt. *a definitio.*

§. 2. Per *scientiam* intelligo habitum asser- *Scientia de-*  
ta demonstrandi hoc est, ex principiis certis *finitio.*  
& immotis per legitimam consequentiam in-  
ferendi. Quænam principia sint certa & im-  
mota, quænam consequentia legitima, in hoc  
tractatu de usu virium intellectus in cogni-  
tione veri docemus.

§. 3. *Possibile* hic appello, quod contradi- *Possibilis*  
ctionem nullam involvit, seu, quod existere *definitio.*  
potest, sive actu existat, sive minus.

§. 4. Ea, quæ sunt vel fiunt, sua non de- *Necessitas*  
stituuntur ratione unde intelligatur, cur sint, *rationis*  
vel fiant: id quod alibi (§. 30. 31. *Met.*) de- *sufficientis.*  
monstramus. Hic nobis sufficit non affir-  
mari, nisi quod experientiæ consentaneum,  
(*Wolffii Logica.*) A nec

nec offerri posse exempla, ubi quid sit sine ratione sufficiente, etsi talia afferri queant, in quibus ratio sufficiens latet.

*Cognitio  
philosophi-  
ca qualis.*

§. 5. Ea de causa philosophus non solum nosse debet, esse quid possibile. Sed rationem quoque reddere tenetur, cur quid esse vel fieri possit (§. 1.2.) E. gr. philosophus non modo nosse debet pluiere posse; Sed insuper explicare tenetur, quomodo & quæ de causa pluat.

*Ejus differ-  
rentia a  
communis.*

§. 6. Atque hoc ipsa *cognitio philosophica a communi* (quam & *historicam* dicimus) differt. Philosophiæ nimirum ignarus experientia duce multa, quæ fieri possunt, cognoscere valet; sed rationem reddere nescit, cur ea potius sint, quam non sint. E. gr. Quod subinde pluat, experitur; haud quamquam tamen alteri explicare valet, quomodo fieri possit, ut pluat, & quænam sint pluviae causæ.

*Utilitas  
cognitionis  
philosophi-  
cæ.*

§. 7. Equidem non dubitamus fore plurimos, qui existimantur sunt, cognitionem communem ad felicitatem nostram promovendam abunde sufficere: enimvero cum subiecto non conveniat prædicatum nisi sub certa conditione, sive ea a definitione, sive aliunde petatur, quemadmodum inferius ostendemus; qui historicam saltem cognitionem habet, sæpius ad conditionem istam vel prorsus non attendit, vel minimum non integram perspicit, atque adeo pro universali venditat, quod nonnisi in casu particulari verum est. Experientia hoc satis su-  
perque



perque loquitur. E. gr. Misericordia miseri tangimur, cognita ejus miseria. Hoc observans, sed rationem ignorans, adeoque philosophica cognitione destitutus (§. 5.) facile sibi persuadet, alios ad misericordiam permoveri posse sola miseriæ expositione: Spem vero fallit eventus, in aliis casibus misericordia deficiente, in aliis irrisione excitata. Similiter observans turculos roris marini altero suo extremo in terram defixos radices agere atque in fruticem excrecere, oppido falleretur, si eundem eventum in arborum quarumcunque furculis sibi promitteret.

Enimvero philosophus non habet, quod vereatur, ne in applicandis propositionibus a vero aberret, cum rationem norit, cur & quando veræ sint. Ita in exemplo primo perspicit, expositione miseriæ tum demum aliquem ad misericordiam permoveri, ubi animus ipsius dispositus est ad voluptatem ex felicitate miseri percipiendam; atque in exemplo secundo intelligit, furculum terræ infixum tum demum radices agere, si nodus aliquis terræ committatur, nec furculus facile flaccescat, cortex denique a radicibus emittendis haud difficulter perforetur. Præterea philosophus ex veritatibus cognitis alias incognitas eruere valet ac ex cognitione, quæ ipsi est, tantam percipit voluptatem, quantam ex re alia percipi prorsus impossibile.

§. 8. Mirabuntur forsitan nonnulli, obje- *Objectione*  
ctum philosophiæ constitui possibilia in uni- *contra de-*  
*finitis.*

*nam philosophia.* versum omnia, cum tamen nemo mortalium, quantamcunque cognitionem rerum fuerit consecutus, negare ausit, se nonnisi minimam illorum partem comprehendisse. Nonne igitur consultius foret definitionem philosophiæ condi minus fastuosam?

*Responsio.*

§. 9. Si cujus animum subeat istiusmodi cogitatio, is perpendat vclim, consultius omnino esse, ut definitioni philosophiæ omnis tribuatur amplitudo, quam habere potest, quam ut ejus veluti mensura constituatur ea, quam hic vel ille consecutus fuerit, notitia. Hoc pacto enim scientiæ non præter necessitatem præfiguntur limites, quo ipso multi ab ulterioribus disquisitionibus deterrentur, sicque multa utilia, quæ adhuc latent, in apricum non protrahuntur; id quod illa secula abunde loquuntur, quibus persuasum erat eruditis Aristotelem in philosophia ultimam metam attigisse, ad quam intellectus humanus pertingere valet. Quin potius unusquisque ad progrediendum ulterius incitatur, probe perspicuens, quam multa adhuc detegenda supersint: id quod nostro imprimis tempore Mathematicorum exempla probant. Humiliatur simul animus, ne quis ob præclaras, quas sibi consecutus videtur, dotes sese efferat, optime gnarus maximam partem ejus, quod scimus, esse minimam eorum, quæ nescimus. Notum vero est ingenere, in definitione rerum, quæ diversos gradus admittunt, nullius prorsus gradus rationem haberi. E. gr. tem-  
peran-

perantia singulorum non est ejusdem gradus. Quod si jam temperantia definiri debet, non ad gradum; qui hujus vel illius subjecti est, respicimus. Sed talis potius definitur hæc virtus, qualis esse debet, ubi supremum gradum attigerit, ita ut nihil amplius in ea considerari possit.

§. 10. Quod si ad nosmetipsos attendamus, facultatem in nobis deprehendimus concipiendi possibilia, quam *intellectum* appellamus. Quousque eadem extendatur & quinam sit ejus usus cum in veritate latente per proprias meditationes eruenda, tum in eruta ab aliis dijudicanda, non unicuique manifestum. Quamobrem ut constet, utram ad philosophandum apti simus, nec ne; primum inquiremus in vires intellectus humani earumque usum in veritate cognoscenda. Ea philosophiæ pars, in qua hæc docentur, *Logica* appellatur. *Pars prima philosophia.*

§. 11. Inter ea, quæ sunt, ens unum necessarium esse ac propria virtute existere debet: alias enim admittendum quid foret, cuius nulla ratio dari posset, cur potius sit, quam non sit: id quod principio supra stabilito (§. 4.) adversatur. Ens illud a se, quod propria virtute existit, *Deum* appellamus; entia vero cetera, quæ existentiae suæ rationem in ente necessario habent, *creaturas* nuncupamus. Quoniam philosophia rationem reddere debet eorum, quæ sunt, cur potius sint, quam non sint (§. 5.); doctrina de Deo ante pertractanda, quam creatura- *Pars secunda philosophia.*

rum cognitio a priori tradi possit accurata, in prima sua principia resolvenda vel potius ex iis deducenda, etsi non negemus, cognitionem illorum communem præmittendam esse, quam tamen ex philosophia peti minime opus est, cum quotidiana experientia duce a prima statim juventute ad eam perveniatur (§. 6). Ea philosophiæ pars, quæ de Deo & creaturarum a Deo orru agit, *Theologia naturalis* salutatur.

*Pars tertia  
philosophia.*

§. 12. Creaturæ activas sese probant vel per motum, vel per cogitationes. Illas corpora; has vero *spiritus* vocamus. Quoniam itaque philosophia rationem reddere debet omnium eorum, quæ esse possunt; tum vires & effectus corporum, tum spirituum expendere decet. Atque ideo philosophia docet, quænam per vires tam corporum, quam spirituum fieri possint. Illa philosophiæ pars, quæ docet, quænam per vires spirituum fieri possint, *Pneumatica*; quæ vero explicat, quænam per vires corporum fieri queant, *Physica* dicitur.

*Quarta  
pars philosophia.*

§. 13. Ens, quod in nobis cogitat, *animam* appellamus. Quoniam itaque anima in numerum spirituum referenda (§. 12.) & præter intellectum voluntate quoque prædita est, a qua multa in universo pendent; in philosophia quoque doceri debet, quidnam per voluntatem animæ fieri possit: quo pertinent omnia, quæ vulgo de *Jure natura*, *Ethica*, *Politica* &c. dicuntur.

*Pars quinta.*

§. 14. Quoniam inter entia omnia, sive corpora-

corpora sint, sive spiritus, cognatio quæ-<sup>ta philosopha</sup>dam intercedit; ea quoque trutinanda sunt,<sup>phia.</sup> quæ entibus in universum omnibus in genere conveniunt & in quonam differentiæ eorundem generales consistent. Pars illa philosophiæ, quæ cognitionem entis in genere offert, *Ontologia* vocatur. *Ontologia*, *Pneumatica* & *Theologia* naturalis communii nomine *Metaphysica* appellantur.

§. 15. Dum res naturales contemplamur,<sup>Mathesis</sup> aut pedem figimus ubi nobis innotuit, per quid sibi<sup>velis.</sup> quasnam vires aliquis in natura effectus producat, aut ulterius progredimur & tam quantitatem virium, quam effectuum metimur, ut evidentissime appareat, effectum datum a viribus datis proficisci posse. E. gr. aut in eo acquiesco, quod norim vi aëris compressi in fonte artificiali aquam ad insignem altitudinem propelli posse; aut accurate inquirō, quanta sit vis aëris compressi, prout a compressione spatium subduplum, vel subtripulum, vel subquadruplum &c. primitivi occupat, & ad quot pedum altitudinem in quolibet casu aquam propellat. Posterior cognitionis gradus supponit modum magnitudinis dimetiendi: quo fine *Mathesis* inventa fuit, cujus partes admodum diversas in Elementis Matheseos universæ explicavi.

§. 16. Hac ratione *Mathesis* ad accuratissimam & perfectissimam rerum cognitionem<sup>ejus.</sup> nos manu ducit, quam consequi licet.

*Institutum  
Auctoris.*

§. 17. Quoniam vero non cujusvis est tantam philosophiæ operam impendere, ut ad cognitionem rerum mathematicam progrediatur. In his philosophiæ elementis eam insuper habebimus contenti cognovisse vires rerum ac inde deduxisse, quæ per eas fieri possunt. Quibus vero ulterius progredi volupe fuerit, iis alio loco alioque tempore, si Deo visum fuerit, satisfacere conabimur: ut raceamus, plurima huc spectantia tradi in Elementis Matheseos universæ, præsertim Latinis.

*Finis Prolegomenorum.*



# COGITATIONES RATIONALES DE VIRIBUS INTELLECTUS HUMANI & EARUM USU IN COGNITIONE VERITATIS.

## CAPUT I.

### *De Notionibus rerum.*

#### §. I.

**U**Nusquisque in se ipso experitur, sentire res multas sensu percipere. Dico *quam* autem, nos *quid sentire* seu *sensu dicamur*. *percipere*, si ejus tanquam nobis præsens conscii simus. Ita sensu percipimus dolorem, sonum, lumen & cogitationes nostras.

§. 2. Illa animæ operatio, qua nobis consci sumus, *cogitatio* appellatur: quilibet enim ait se nihil cogitare, quando nullius rei sibi conscius esse videtur. Hac ratione sensationes sunt cogitationes rerum nobis præsensentium. Hic loci non explicamus nisi terminos, ut nemo ignoret, quemnam iisdem tribuamus significatum. Res iisdem denotatas in Metaphysica explicamus.

§. 3. Facultas sensu percipiendi res externas dicitur *sensus*. Numerantur autem sensus quinque *Visus, Auditus, Tactus, Odoratus, Gustus*. *Sensus quid dicatur.*

§. 4. *Notionem* appello repræsentationem rei in mente. E. gr. Notio mihi est *Solis*, definitio,

quando mihi eandem in mente mea vel sub imagine quadam repræsentō, non secus ac si eandem coram intuerer; vel mediantibus verbis, quibus significo, quæ de sole a me observata fuere, veluti quod sit corpus illud in cælo interdium fulgens, quod fulgore suo oculos percellit, & in terra lucem atque calorem producit; vel signis quoque aliis, qualis est in Astronomia signum ☉. Similiter notio *nuptiarum* mihi est, ubi mihi veluti sub imagine quadam repræsentō duas personas promissum matrimonii contrahendi more usitato adimplentes. Aut sive verbis, sive signis aliis (inter quæ etiam picturis locus est) aut mihi, aut alteri declaro, nuptias esse consummationem solennem promissi de matrimonio ineundo. Notio mihi est *boni*, ubi constiterit, bonum esse illud, quod naturam meam & statum externum perficit. Notio mihi est *Dei*, dum cogito, eum esse ens, in quo ratio sufficiens continetur existentiae universi. Notio est mihi *minorennis*, dum cogito personam, quæ ob infirmitatem ætatis sibimetipsi victum atque amictum nondum quærere, nec actiones suas rite componere valet.

*Quomodo  
sensuum o-  
pe ad noti-  
ones dedu-  
camur.*

§. 5. Quoniam igitur sensuum ope perducimur ad cogitationes rerum. quæ extra nos sunt (§. 2. 3.); eorum quoque ope ad notiones deducimur. Ita ope visus nanciscimur notionem luminis atque colorum; ope auditus notionem soni; ope tactus notionem mollitiei ac duritiei; ope odoratus no-  
tio-



tiones odorum & fœtoris; ope gustus denique notionem dulcis atque amari.

§. 6. An vero notiones rerum per sensus in animam tanquam receptaculum vacuum deferantur, an vero in essentia animæ veluti sepultæ jaceant & vi ipsi propria occasione mutationum a rebus externis in organis sensoriiis corporis nostri factarum producantur; id in præsentè Tractatu decidi nequit. In Cogitationibus rationalibus de Deo, anima & mundo, & ejus quidem capite quinto demum ostendere licet, posterius esse veritati consentaneum. Neque etiam præsentis instituti est quæstionis illius decisio. Etenim ad notiones rerum externarum pervenire & ex iis de iisdem judicare datur, etsi ignoretur, quænam sit illarum origo, quemadmodum manu utimur ad varia facienda, etiamsi structuram ipsius internam ignoremus nec explicare possimus, quomodo hoc vel isto modo moveri queat.

§. 7. Sufficit diligenter attendere ad cogitationes nostras, quas sensuum ope habemus: id quod fit, ubi sollicitè a se invicem distinguimus, quæ tanquam diversa percipimus, & simul, quantum quidem datur, notamus, quidnam illud sit, ob quod unum ab altero diversum judicamus. E. gr. Duas simul conspiciamus figuras, triangulum & quadratum. Triangulum tanquam diversum percipimus a quadrato. Quodsi jam ex nobis ipsis quæsierimus, cur triangulum a quadrato diversum pronunciamus;

*Modus cur  
hic non ex-  
plicandus.*

*Quid a na-  
bis fieri de-  
beat.*

mus; id ideo fieri intelligimus, quod triangulum tribus, quadratum lineis quatuor terminetur. Quod in triangulo deprehendimus, idem in quadrato non deprehenditur, & quod in quadrato observamus, idem in triangulo non observatur. Unum alteri substituere non licet. Et hoc ipso assignamus differentiam figurarum. Similiter si ex nobismetipsis quænaverimus, quidnam tandem illud sit, quo permoti affirmamus, adesse lucem? non aliud esse deprehendimus, quam quod objecta circumstantia visui pateant. *Lux* igitur dicitur, quod objecta præsentia visibilia efficit. Pari modo reperimus, *emere* idem esse ac rem alterius ipsius consensu pro certo pretio suam facere; *Plethoram* consistere in quantitate sanguinis majore, quam quæ ad conservandam sanitatem requiritur; *tumorem* esse incrementum extraordinarium quantitatis partium in corpore humano, vel animali.

*Difficultas  
pervenien-  
di ad no-  
tionem.*

§. 8. Sensu duce non multo labore ad notionem rei pervenitur, si singula in eum incurrunt, per quæ agnoscitur & ab aliis distinguitur, nec simul eidem obijciuntur, quæ notionem ingredi non debent, (quo spectat exemplum trianguli & quadrati paulo ante allatum) saltem ea, quæ notionem ingredi debent, in sensum magis occurrunt, quam peregrina ex eadem arcenda: quo spectat exemplum lucis. In casu opposito nascuntur difficultates, cum notionem formemus ex iis, quæ eam ingredi non debebant, aut quæ-

quædam omittimus, quæ omittenda non fuerant, aut superflua adjicimus admiscentes peregrina. E. gr. ponamus me vidisse Titium tabernam mercatoris violenter effringentem ac merces inde auferentem, vel factum hoc ex alio didicisse. In idea, quæ animo obversatur, continetur notio furis in genere; sed quæ ad eam pertinent sub peregrinis adeo sepulta sunt, ut facile cum his confundantur, quando ea inde protrahere volueris. Neque enim mercator cum taberna & mercibus suis, neque violenta tabernæ effractio notionem furis in genere ingreditur, ita ut non quivis videns aut audiens factum Titii *furem* sibi repræsentet, tanquam personam, quæ rem alterius incito ac invito Domino suam facit, utut singula, quæ hic enarramus, in exemplo præsentem non aliter sese habeant. In istiusmodi autem casu facilitatur labor, exemplis singularibus diversis inter se collatis: facta enim collatione apparet, quid ipsis sit commune & quænam circumstantiæ singulares sint præsciendæ, ut ea relinquantur, quæ notionem ingredi debent. Ita si exemplo furti anteriori jungatur alterum, scilicet quod Sempronius descendens in hortum alterius inde abstulerit mala citrea; facilius quam ex priori solo eruitur notio furis, quod sit persona rem alterius ipso incito ac invito suam faciens. Titius enim atque Sempronius non nisi in eo conveniunt, quantum ad hoc factum, quod domine rem suam ipso incito

ac

ac invito auferant suamque faciant. Quotidie experimur nos aliosque amari: sed non quilibet advertit, amorem esse dispositionem animi ex alterius felicitate voluptatem percipiendi, utut eadem in omnibus exemplis amoris obvia sit. Plura exempla præbent tempus (§ 94. *Met.*) spatium (§ 46. *Met.*), locus (§. 47. *Met.*), continuitas (§. 58. *Met.*) & conscientia (§. 73. *Mor.*), scrupuli conscientiae (§. 76. *Mor.*), cognitio viva (§. 169. *Mor.*) &c. Facilitatur meditatio, si utrumque exemplum collationem facturum ita in charta scribat, ut singula, quæ à se invicem differunt, in linea peculiari scribantur: ita enim multa facilius inter se conferuntur, quæ sibi mutuo respondent, & quæ in iis eadem sunt, ipsis veluti oculis patent.

*Differentia  
notionis  
clara &  
obscura.*

§. 9. Si notio, quæ nobis est, sufficit ad rem oblatam agnoscendam, veluti cum novimus esse eam, cui id nominis tribuitur, vel quam in certo quodam loco vidimus; *clara* dicitur: ex adverso *obscura* vocatur, quæ non sufficit ad rem oblatam agnoscendam. Ita notionem claram habemus *colorum*, eos enim agnoscimus & a se invicem distinguimus. Similiter notionem claram habemus *ira*: agnoscimus enim irasci alterum, dum ira commovetur. Notionem quoque claram habemus *tubis*, hominem enim ea laborantem contuentes iudicamus, eum hoc morbo esse infectum. Contra si in horto plantam exoticam contuentes non satis recordamur utrum eadem sit nec ne, quam vidimus

dimus alibi, vel cui hoc aut istud nomen tribuitur, illius nonnisi obscuram notionem habemus. Ita multis obscuræ sunt notiones terminorum mathematicorum & philosophicorum.

§. 10. Dantur autem obscuritatis hujus di- *Gradus ob-*  
 versi gradus. Etenim subinde rem præsen- *scuritatis.*  
 tem contuentes reminiscimur, nos multa in eadem obvia in re alibi visa itidem observasse; subinde autem nonnisi paucorum memoriam habemus. E. gr. Oculorum aciem in plantam exoticam dirigentes reminiscimur, alteram, cujus obscura nobis notio est, habuisse itidem folia oblonga, cuspidata & perimetro serrata terminata, quemadmodum præsentem; non tamen meminimus, an folia absentis foliis præsentis in cæteris quoque similia sint. Notio igitur nostra magis minusve obscura est, prout multarum, vel paucarum notarum memoriam habemus.

§. 11. Notiones obscuras omnium termi- *Exempla*  
 norum habemus, quorum significatum non *notionum*  
 ex asse intelligimus, licet ipsi nobis fuerint *obscura-*  
 familiares nec ad eos attenti omni prorsus *tum.*  
 notione destituamur. E. gr. Nemini non notum est virtutis nomen, cumque multas hominum actiones ad virtutem referamus, alias ex adverso eidem repugnare affirmemus, notione virtutis omni non destituimur. Enimvero notio virtutis valde obscura adhuc est, si quis vitia in virtutum numerum & virtutes in vitiorum numerum refert. Sermo mihi est de eo casu, quando quis serio judicans  
 non

non vero sciens ac volens ob extrinsecas quasdam rationes, errorem committit, verbis notionibus consonis.

*Cautio in  
notionibus  
obscuris di-  
judicandis  
adhibenda.*

§. 12. Cavendum vero, ne aliis notionem rei claram denegemus, cujus nos nonnisi obscuram habemus. Alias enim in se obscurum existimabimus, ubi obscuritas cognitionis nostræ defectum arguit & terminos tanquam sine mente sonos rejiciemus, quorum determinatus est significatus. Ita nonnulli rejiciunt vires centripetas & centrifugas philosophorum modernorum quod terminorum significatum ignorent. Alii infinite parvum Mathematicorum false rident, quia destituuntur notione termino jungenda. Immo multi eadem de causa terminos bene multos, præsertim methaphysicos Scholasticorum, obscuros appellant, quod eos explicare non possint.

*Differentia  
notionis  
distinctæ &  
confusæ.*

§. 13. Quodsi notio nostra fuerit clara, aut notas recensere valemus, per quas rem agnoscimus, aut minimum eas in re ipsa distinguimus; aut idem in potestate nostra positum non deprehendimus. In casu primo *notio clara distincta* est; in altero *confusa*. E. gr. notionem claram & distinctam *horologii* habet, qui quæsitus, quid sit horologium, respondere valet, esse machinam, quæ ope indicis in gyrum acti, vel sonitus campanæ horas indicat. Notio distincta *illuminationis* est, quod sit convictio supernaturalis veritatum ex principiis rationis non demonstrabilium. In eundem censum referri debet, quod *matrimonium* sit societas maris

maris ac fœminæ sobolis procreandæ ac educandæ gratia inita; quod *virtus* fit habitus se aliosque perficiendi, quantum datur. Quod *pluvia* sit copia guttarum, simul & successive ex nube per aërem destillantium; quod *omnipotentia* sit facultas impertiendi existentiam omni possibili; quod *sal* sit corpus durum, quod in aqua solutum efficitur fluidum. Plura exempla qui desiderat, is evolvat omnes philosophiæ partes, quas in publicum emisi: in iis enim prima semper cura mihi fuit afferendi notionem distinctam ejus, de quo sermo instituendus. Econtrario claram quidem notionem habemus coloris rubri, sed non distinctam. Nam colorem rubrum nobis obvium agnoscimus & ab aliis coloribus distinguimus; alteri tamen explicare non valemus, unde eum agnoscamus. Ita multi notionem claram, sed confusam habent arborum ac plantarum, cum earum species a se invicem distinguant, alteri tamen explicare nequeant, in quonam earum differentia consistat. Istiusmodi notio confusa est soni a vento vel fluctibus maris excitati. Immo differentias saporum & odorum clare tantum, non tamen distincte percipimus.

§. 14. Notio distincta solis verbis cum al- *Notio*  
tero communicari potest; confusa non ali- *num cum*  
ter, nisi si res præsens sistatur. E. gr. Nullis *aliis com-*  
unquam efficies verbis, ut cæcus habeat no- *municatio.*  
tionem coloris rubri.

§. 15. Notio distincta vel completa est, vel *Differentia*  
(*Wolffii Logica.*) B in notio.

num com-  
pletarum  
& incom-  
pletarum.

incompleta. *Completa* est *notio*, si notæ, quæ enarrantur, ~~non~~ sufficiunt ad rem constanter agnoscendam & ab omnibus aliis distinguendam: ex adverso *incompleta* est, si notas non omnes, sed saltem aliquas recensere valeamus, per quas res ab aliis distinguitur. E gr. notionem completam habemus cognitionis vivæ, ususfructus, colicæ, intellectus, roris, avaritiæ &c. ubi novimus: *cognitionem vivam* esse eam, quæ fit motivum voluntatis; *usum fructum* esse jus utendi fruendi re aliena salva ejus substantia; *colicam* esse dolorem acutissimum & fixum in intestino colo; *intellectum* esse facultatem concipiendi possibilia; *rorem* esse congeriem vaporum subtilissimorum, Sole absente successive ex aëre præcipitatorum, & superficiiei superiori corporum terrestrium adhærentium; *avaritiam* esse cupidinem plura habendi, quam quæ vitæ necessitati sufficiunt & legitime acquiri possunt &c. Evolvantur singulæ philosophiæ partes, quæ me autore in publicum prodire, atque plura in iisdem exempla notionum completarum reperientur, quam ad differentiam notionum completarum & incompletarum perspiciendam requiruntur. E contrario *notio corporis* Cartesianorum incompleta est, quando affirmant corpus esse substantiam extensam. Hac enim nota sola corpus a spatio nondum distinguitur, quod etiam ideo a corpore non differre existimant. Plura exempla notionum incompletarum in scriptis plerorumque eruditorum obvia.



§. 16. Denique notio distincta vel ad-<sup>Differentia</sup> æquata est, vel inadæquata. <sup>notionis</sup> *Adæquata est* <sup>adæquata</sup> *notio*, si notarum, per quas res agnoscitur, <sup>& inadæ-</sup> <sup>quata.</sup> notiones claras & distinctas habemus. Ex adverso *inadæquata est notio*, si notarum, per quas res agnoscitur, notiones nonnisi confusas habemus. E. gr. Si quis non modo novit, horologium esse machinam, quæ sonitu campanæ horas indicat; verum etiam sonitus campanæ, horæ & motus indicandi denovo notiones distinctas habet: notio horologii ei adæquata est. Quod si vero earum rerum notiones ipsi fuerint tantummodo confusæ; horologii notio eidem inadæquata est. Notio *voluptatis* adæquata evadit, si quis non modo novit eam esse sensum perfectionis; verum etiam sensum ac perfectionem distincta notione comprehendit. Similiter notio cognitionis vivæ, paulo ante (§. 15.) proposita, fit adæquata, si quis ulterius distincte explicare valet, quid sit cognitio, voluntas & motivum. Notio ususfructus distincta redditur, ubi quis juris, rei alienæ, usus & fructus, substantiæ salvæ notiones distinctas consequitur. Et eodem modo sese res habet in exemplis ceteris allatis. Exempla notionum adæquatarum non commode afferre licet, cum nimis prolixa sit notarum continuata explicatio. Quid sibi velint notiones adæquatæ, non rectius addiscitur, quam ubi definitiones in Elementis Mathematicis præsertim Latinis cum cura evolvuntur, cum, in definitionibus consequentibus nulla

occurrat vox, quæ non in antecedentibus fuerit definita. Quodsi tandem voces aliquæ non definitæ sumuntur, tales omnino deprehenduntur, ut notione clara iis respondente contenti esse possimus, vel definitiones ulterius in Metaphysicis reperiamus. Eundem usum præbent definitiones in Metaphysica, philosophia morali, Politica & Physica obviæ. E. gr. Virtutem (§. 64. *Mor.*) definitio per habitum actiones suas determinandi juxta naturæ legem. Explico autem præterea, quid sit habitus (§. 1. *Mor.*) quid actio humana (§. 17. *Mor.*), quid lex naturæ (§. 17. *Mor.*). Quæ in his definitionibus continentur, ea ulterius explicantur. Ita in definitione legis naturalis mentio fit obligationis & actionis liberæ; explicatur autem, quid sit obligatio (§. 8. *Mor.*), quid actio libera (§. 1. *Mor.*), quid libertas (§. 519. *Met.*) quid natura (§. 629. *Met.*). Si cui volupe fuerit, is hanc analyfin ulterius continuare valet, ac tum demum videbit, qualem ipsi in philosophia offero cognitionem.

*Gradus  
notionis  
ad æquata.*

§. 17. Dantur autem gradus notionum ad æquatarum, propterea quod notiones notarum ulterius resolvi possunt. E. gr. in notione horologii per horam intelligimus partem vigesimam quartam diei. Notio igitur horæ ulterius resolvi potest in notiones numeri 24., partis & diei. Cumque hæ notiones suas contineant notas, eadem adhuc ulterius resolvi possunt. Et idem tenendum est de ceteris exemplis paulo ante allatis.

§. 18. Neque vero opus est, nec plerumque possibile, ut analysis ista ad finem perducarur, hoc est, eo usque continuetur, donec ad notiones in se irresolubiles perventum fuerit, propterea quod in iis non contineantur, quæ discerni possint. Sed contenti esse possumus, ubi eo usque continuata fuerit, ut scopo nostro potiamur. Utimur nimirum notionibus distinctis vel ad mentem nostram alteri significandam, vel tanquam principio demonstrandi. In priori itaque casu scopo nostro potimur, si alter mentem nostram ex assè intelligit, hoc est, si analysis continuetur, donec ad notas perveneris, quibus alter notiones claras jungit, etsi confusas; in casu autem posteriori, si nihil amplius probandum supersit: id quod ex infra dicendis intelligitur. E. gr. *Euclides* absque definitione sumit terminos æqualitatis, majoris & minoris, contentus notionibus clavis, utut confusis, propterea quod propositiones suas omnes demonstrare possit sine definitione æqualium, majoris atque minoris. Ex ad verso nos in *Elementis Arithmeticæ Latinis* (§. 15. 20.) dedimus eorundem terminorum notiones distinctas, propterea quod eas propositiones demonstravimus, quas *Euclides* instar axiomatum sine probatione sumit, ac præterea in nonnullis casibus demonstrationes ad principia ulteriora reduximus quam *Euclides*, cum non solum animus mihi fuerit docendi lectorem veritates geometricas; verum etiam in meditando ac demonstrando eum exercendi.

*Modus per-  
veniendi ad  
notionem  
distinctam.*

§. 19. Ad notionem distinctam pervenitur, si quidem res, quæ nobis exhibetur, non multa a se invicem distincta amplectitur, ea vero, quæ in eadem deprehendimus, probe a se invicem distingui possunt, tandemque singula, quæ quomodoçunque a se invicem distinguere valemus, primo sigillatim contemplamur, deinde inter se conferimus, & ad ordinem nexumque eorum cum cura attendimus. E. gr. Intueamur mensam, in qua differt tabula a sustentaculo, cui illa incumbit, ita ad hoc firmata, ne huc illucve moveri possit. Quod si notionem desideres magis adæquatam porro inquirendum est, quænam in tabula, quænam in sustentaculo, quænam denique in modo, quo tabula sustentaculo jungitur, distingui a se invicem possint: de quibus plura dici nil attinet. Similiter si notionem voluntatis desideremus distinctam; exemplum perpendere tenemur, quo quid prima vice voluimus, & attendere ad ea, quæ in mente accidunt, donec id velimus. E. gr. *Titio*, qui studiis haud contemnendam operam impendit, ut aliquando in ampliorem gradum promoveatur, munus aliquod offertur a viro quodam illustri, cujus favore in eum promoveri potest, in ædibus suis obeundum. Munus igitur hoc, quod tanquam medium promotionis considerat, acceptat. Habemus igitur hic 1. quod *Titius* trutinatur, nempe munus oblatum in ædibus viri illustris; 2. modum, quo idem sibi repræsentat nempe tanquam medium publico

blico quodam munere potiendi; 3. statum animi, dum hoc sibi repræsentat, quod scilicet non modo propter spem publici obtinendi, munus placet privatum, verum etiam ad idem acceptandum inclinatur. Singulis istis simul sumtis pater, voluntatem esse inclinationem animi in objectum, quod nobis tanquam bonum repræsentamus. Modus perveniendi ad notiones distinctas binis exemplis illustribus docetur in Metaphysica (§. 133. 543.), ubi in notionem ordinis & universi inquirimus, ceteræque notiones distinctæ, quæ in Metaphysica, Ethica, Politica & Physica magno numero offeruntur, eodem modo illustrari possunt.

§. 20. Ex his simul liquet, quomodo ad *Modus per-* notionem adæquatam perveniatur, cum non *venienti* alia re opus sit, quam ut eorum, quæ in *ad notio-* notionibus distinctis continentur, notiones *nem adæ-* distinctas nobis comparare porro studeamus *quatam,* (§. 19.). Inprimis hic usui erit, si quis notiones eorum, de quibus in ceteris philosophiæ partibus tractatur, juxta has regulas examinet. Quæ paulo ante (§. 16.) de notionibus adæquatis annotavimus, non sine fructu hic repetuntur.

§. 21. Ex iisdem porro intelligitur, *Quando* quando notionem obtineamus nonnisi *notionem* confusam, scilicet si vel in re nimis multa a se *obtinemus* invicem diversa occurrunt, quæ a nobis *confusam,* singula distingui a se invicem non possunt, vel si absente hoc obstaculo nostram desiderari patimur ad singula, eorumque ordinem ac

nexum attentionem. E. gr. non impossibile est, ut mensæ notionem habeamus distinctam, immo adæquatam; multi tamen nonnisi confusam habent, utut illa quotidie oculis ipsorum objiciatur. Similiter fieri potest, ut notio sapientiæ nobis sit distincta, plura enim discernibilia continet, per quæ ab aliis animæ habitibus distinguitur; multi tamen ipsius notionem nonnisi confusam habent, propterea quod nunquam ex actionibus a sapientia orris, collatione facta (§. 8), eliciunt, quæ ejus notionem ingrediuntur. Neque repugnat, ut notionem temporis distinctam acquiramus; optime enim intelligi potest differentia, qua a rebus aliis differt: plurimi tamen nonnisi confusam habent, propterea quod non attendunt ad ea, quæ in successione perceptionum nostrarum & phænomenorum in mundo ad spectabili notionem temporis animo nostro insinuant. Idem dicendum est de ratione ac innumeris rebus aliis. Et si autem insectum exile ex multis organis sit compositum, quæ non minus ac in animalibus majoribus a se invicem differunt; notionem tamen distinctam, adeoque multo minus adæquatam, consequi haud possumus, propterea quod illa oculorum acie distingui nequeant. Similiter notiones colorum, saporum, odorum, itemque sonorum confusæ permanent, quod in iis contineantur innumera adeo exilia, ut ea a se invicem discernere non valeamus: cuius rei ratio alibi redditur (§. 769. 771. *Met.*).

§. 22. Ea de causa sapissime microscopio-<sup>vsus mi-</sup>rum beneficio notionem distinctam conse-<sup>croscopio-</sup>quimur, quam absque iis nunquam conse-<sup>rum &</sup>cuturi fuera-<sup>medul-</sup>mus. Ita nobis innotuit <sup>telescopia-</sup>*medul-*<sup>rum.</sup>*lam* in plantis esse congeriem vesicularum exilium: *scintillam* ex chalybe vi pyritæ elisam esse particulam vel candentem chalybis vel pyritæ in vitrum conversam; *ustionem urticae* esse puncturam aculeorum per superficiem folii disseminatorum. Plura exempla in litteris *Leeuwenhoekii* & *Micrographia Hookii* reperire licet. Eundem usum subinde telescopia habent, quibus in cognitione Systematis mundi plurima accepta ferimus, e. gr. quod via lactea sit congeries minutissimarum stellularum; quod dentur in Luna montes, quod in Venere & Mercurio perinde ac in Luna dentur luminis crescentis ac decre-scentis phases.

§. 23. Denique notio fieri debet obscura, <sup>Quando</sup>  
 1. si res perceptæ nimis exiguae vel nimium <sup>notio fit</sup>  
 remotæ fuerint, ut visus acie nihil in iisdem <sup>obscura.</sup>  
 distinguatur, nec ipsæ ab aliis rebus discernantur, veluti cum in crepusculo e longinquo albi quid videmus, ac quid sit dicere non audemus: 2. si ea, quæ ad notionem rei spectant & per quæ eadem ab aliis distinguenda venit, sub peregrinis quasi sepulta jacent, veluti cum quis ex nobis quærit, quid sit *causa*, *finis*, *essentia*; 3. si ad rem perceptam non satis attendimus, vel attentionem non quantum sufficit in ea defigimus, veluti cum in horto ambulantis planta ex-

otica occurrit, cujus nomen ab hortulano prolatum audimus, magis tamen animum & oculos ad personam nobiscum deambulantem, quam ad plantam referimus; vel etiam, si a planta una statim ad alteram nos convertimus. Ex horto enim egressi in utroque casu non satis recordabimur, qualis planta fuerit, & nos excusaturi hanc allegabimus rationem, quod eam non contemplati fuerimus, vel qualis fuerit jam obliti simus. Exinde autem intelligitur, quænam fuerit hætenus tantæ in disciplinis obscuritatis causa; inprimis altera obscuritatis notionum ratio docet, cur in Metaphysica tantæ fuerint tenebræ, quas ceteris quoque disciplinis offudit. Patet etiam, quomodo caliginem illarum levaverimus ac Metaphysicæ ipsi lucem clarissimam affuderimus.

*Quomodo  
notiones  
deteriores-  
tur.*

§. 24. Quoniam itaque facile oblivioni tradimus ea, quorum non sæpe meminimus, vel super quibus non reflectimus, quantum opus, vel a quorum contemplatione nos statim ad alia convertimus; notæ, per quas res distinguimus, memoria nobis excidere possunt, atque ita accidit, ut notiones adæquatæ fiant inadæquatæ, distinctæ abeant in confusas, confusæ autem in obscuras, immo obscuræ prorsus oblitterentur, ut rem absentem nullo modo nobis repræsentare valeamus.

*Modus de-  
terioratio-  
nem*

§. 25. Ne igitur notiones semel acquisitæ deteriorescent; sæpius in nobis excitandæ sunt atque sollicitè cavendum, ne simultanea

rerum



rerum multarum tractatione confusione nos <sup>impediendi</sup> involvamus. Inprimis qui scientias tractant, <sup>di</sup> notiones distinctas, quas sibi compararunt, in chartam conjicere debent, cum in charta difficilius, quam in mente oblitterentur. Regulæ eadem studiosis utiles sunt, ut diligenter repetant, quæ didicerunt; ne varietate discendorum sese obruant, & singula eo ordine tractent, quemadmodum cognitio unius a cognitione alterius dependet; quicquid denique cognitu utile ac necessarium vel legunt, vel audiunt, vel quod meditantibus in mentem venit, diligenter in charta annotent.

§. 26. Notiones rerum diversarum inter se conferentes aut in iis deprehendimus quædam communia, vi quorum similia sunt; <sup>Modus secundus perveniendi ad nosiones.</sup> aut singulis propria, per quæ a se invicem differunt. E. gr. Si notionem trianguli rectilinei, cum notione quadrati conferimus, utramque figuram lineis rectis terminatam deprehendimus. Ex adverso si notionem gaudii, quod sit affectus ex fruitione boni præsentis ortus, cum notione coloris rubri comparamus; nihil inter se commune habent. In casu primo quod in utraque notione idem est inde separari, & ex eo nova notio condi potest utrique rei communis, v. gr. in dato exemplo notio figuræ rectilineæ quod sit spatium lineis rectis terminatum. Eodem modo abstraximus notionem universalem *animalis* ab hominibus & brutis; notionem *vivi* ab animalibus & vegetabilibus; notionem *virtutis* a pietate, liberalitate & animo

animo grato: quamvis non negem, etiam alio adhuc modo, inprimis in Ethica, Politica, Oeconomica, notiones universales ex principiis certis antea cognitis deduci posse, quemadmodum capite quinto docebimus. Ejusdem *Speciei* vel *generis* esse dicuntur, quæ notionem communem habent. Sunt nempe ejusdem *speciei* si quæ notionem communem habent, fuerint res singulares: ejusdem vero *generis*, si notio fuerit diversis speciebus communis. Ut adeo *Species* sit rerum singularium, quæ *individua* appellantur; *Genus* autem specierum similitudo. Similitudine generum ulteriori continentur *Genera Superiora*.

*Uterior  
preceden-  
tium expli-  
catio.*

§. 27. Nimirum, quicquid in rebus singularibus, quæ existunt, obvium est, omnimode determinatum est: atque hoc ipso ens singulare seu *individuum* constituitur, quod cum singula; quæ eidem insunt, tum etiam singulæ relationes ad alia simul existentia determinata sunt. Quid enim est, triangulum, quod nunc describo, efficit triangulum singulare? Non aliud profecto, quam quod determinata hæc latera hosque determinatos angulos habet, hoc præcise tempore & in hac charta hac plumbagine describitur. Quod si jam præcisis determinationibus extrinsecis ex intrinsecis retineantur, quæ in diversis casibus diversimode determinari possunt, veluti quod figura tria latera tresque angulos habet; notionem habemus nonnisi rebus singularibus communem,

nem, nempe trianguli. Quodsi vero ultiores quoque determinationes præscindantur, veluti numerus ternarius laterum & angulorum, notio communis est integris speciebus rerum. In casu igitur priori consequimur notionem *speciei*; in posteriori notionem *generis*. Me non monente apparet, determinationum intrinsecarum tot posse omitti, quot omitti placuerit, ut ad *genera superiora* continuo ascendatur. E. gr. Ex notione trianguli rectilinei, quod sit spatium tribus lineis rectis terminatum, omitti potest linearum species; ita relinquitur notio trianguli in genere. Si numerus laterum omittitur; relinquitur notio figuræ rectilineæ. Si & species & numerus laterum omittitur; relinquitur notio figuræ planæ in genere. In præfatione ad editionem secundam Metaphysicæ ostendi, quomodo præsens doctrina formulis numerorum polygonorum aliisque algebraicis omnium clarissime illustretur, propterea quod hic singula in sensum occurrunt, quæ determinari possunt, & quomodo determinari possint manifestum est; cum in rebus aliis eadem maximam partem lateant, inprimis ubi nobis cum singularibus negotium fuerit. Illustrandæ tamen doctrinæ eidem serviunt, quæ de speciebus legum (§. 17. *Mor.*) & conscientiæ (§. 74. & seqq. *Mor.*), nec non diversarum formarum Reip. (§. 233. & seqq.) dicta sunt, si modo conveniente expendantur, hoc est, si in casu ultimo *Rerump. formæ* vel olim usitatæ, vel hodie

hodiernum receptæ inter se conferantur & notiones universales methodo præscripta inde eliciantur. Præsentī argumento plurimum lucis affundunt, quæ de principio individuationis, differentia specifica & generica in Annotationibus ad Metaphysicam (§. 53.) nec non de essentia (§. 16.), imprimis autem in Philosophia prima Latino idiomate conscripta pluribus capitibus tradidi.

*Cur quædam notiones sint universales.* §. 28. Notiones dicuntur universales, quatenus singulis individuis ejusdem speciei, vel generis conveniunt. Pauciores adeo determinaciones in eadem continentur, quo fuerit universalior, consequenter notiones universales tanto facilius expenduntur, quanto major est rerum numerus, quibus conveniunt, modo rerum abstractarum meditatio fuerit familiaris, ne eadem conturbemur.

*Vfus notionum universalium.* §. 29. Notionibus autem universalibus studemus, quod per eas limites cognitionis nostræ mirifice extendantur. Quicquid enim ex notione universali deducitur, id rebus omnibus convenit, quibus eadem communis est. Ita omnibus triangulis rectilineis convenit, quod ex notione trianguli rectilinei deducitur; affectibus singulis, quod ex notione affectus in genere fluit; omnibus corporibus fluidis, quod ex notione corporis fluidi in genere colligitur, & ita porro.

*Modus tertius* §. 20. Quemadmodum vero notiones novas consequimur, si ex iis, quas habemus, deter-

determinationes quasdam omittimus intrin-<sup>pervenien-</sup>  
secas; ita non minus quæ certo modo de-<sup>di ad noti-</sup>  
terminata sunt aliter determinare licet, &<sup>onem.</sup>  
quæ nondum determinata sunt, modo quo-  
dam possibili determinare valemus. E. gr.  
In notione trianguli rectilinei, quod sit spa-  
tium tribus lineis comprehensum, magnitu-  
do linearum determinata non est. Quodsi er-  
go ponamus, tres lineas spatium compre-  
hendentes æquales esse debere; notionem tri-  
anguli æquilateri habemus. Quodsi lineis  
rectis substituantur curvæ, notio trianguli  
curvilinei inde resultat. Similiter si in no-  
tione gaudii supra (§. 26.) allata determi-  
netur ulterius, cui bonum acceptum refer-  
re debeam; notionem habemus gratitudinis,  
aut, si mavis, animi grati, quatenus est af-  
fectus, in nobis ortus ex eo, quod alterum  
tanquam causam boni nobis præsentis con-  
sideremus. Simili modo constituuntur spe-  
cies intellectus, nec non virtutum & specie-  
rum, nimirum si in casu primo modus re-  
præsentandi possibilia (cum enim intellectus  
sit facultas possibilia repræsentandi, in di-  
versis repræsentandi modis species consistere  
debent); in altero diversæ circumstantiæ &  
rationes actionum determinantur. Huc et-  
iam trahi possunt exempla de speciebus le-  
gum & diversarum Reip. formarum (§. 27.)  
Eodem pertinent species entium immateria-  
lium, quibus cum mente nostra aliqua simi-  
litudo intercedit (§. 900. & seqq. Met.)

§. 31. Quodsi sensu duce notionem ali-<sup>Vnde not-</sup>  
quam<sup>tionum</sup>

*possibilitas innotescat.* quam consequimur, eam esse possibilem nullo modo dubitari potest. Ecquis enim dubitet talia esse posse, quæ actu esseprehendimus. Istiusmodi adeo notiones firmum præbent cognitionis veræ fundamentum.

*Possibilitas notionum uniuersalium.* §. 32. Cumque notiones universales, nil in se contineant, quod non contineatur in illis, a quibus abstrahuntur: ipsæ etiam possibiles sint necesse est, si a possibilibus abstrahuntur.

*Possibilitas notionum arbitrarium.* §. 33. Quodsi vero quid arbitrario determinamus (§. 30.) tum non constat, utrum notiones sic formatæ sint possibiles, num vero inania fundamus verba. In istiusmodi adeo casibus demonstrandum est, notiones esse possibiles, seu quæ in iisdem continentur sibi mutuo non repugnare. Neque sufficit adeo determinationes esse in se possibiles, sed requiritur præterea, ut simul in eodem subiecto esse possint. E. gr. Æque possibile est duas lineas esse rectas, ac eas esse curvas: Quodsi vero addatur, eas spatium comprehendere, seu earundem extrema coincidere debere, id quidem in casu altero, sed non in primo succedit.

*Quomodo notionum realitas a posteriori probetur.* §. 34. Notiones esse possibiles vel per experientiam cognoscimus, vel vi demonstrationis. Experientia eorum possibilitatem nos docet, si res existentes contemplati attendimus, utrum inter eas sint, nec ne, quibus istæ conueniunt. E. gr. Si nosse aveo, num detur affectus, cui notio animi grati supra formatæ.

formata convenit (§. 30.); statum meum præsentem expendo cum cura attendens, cui nam acceptum feram bona, quibus fruor. Ubi hæc cogitatio animum meum subit, mentis aciem in se ipsam convertens observo mutationem, quæ in eadem contingit. Ita notionis possibilitatem in me ipso experior. Notandum vero, ne irritus sit conatus, nos vel convictos, vel minimum persuasos esse debere, quod bono quodam fruamur, idque cuidam personæ acceptum ferre teneamur. Alibi enim ostendam notiones non cedere appetitum, nisi veritatis earum fuerimus vel convicti, vel persuasi. Diversæ Rerum publicarum formæ earumque commixtiones (§. 233. & seqq. *Polit.*) per determinationes numeri, & potestatis atque potentia personarum imperantium arbitrarias formantur (§. 30.) Istiusmodi autem Rerum formas esse possibiles, per experientiam probatur, dum eas perlustramus, quæ vel olim fuerunt usitatæ, vel hodiernum usu receptæ. Eodem modo probatur possibilitas diversarum specierum entium simplicium (§. 900. & seqq. *Met.*)

§. 35. Vi demonstrationis eruitur notio-<sup>Quomodo</sup> num possibilitas, vel dum modum exponi-<sup>eadem de-</sup> mus, quo res formari potest, cui ea conve-<sup>monstra-</sup> nit; vel dum alia inde deducimus, quæ<sup>itur.</sup> utrum possibilia sint, nec ne, jam aliunde constat. Quod si enim noverimus, quomodo res formetur; de ejus possibilitate dubium nullum superest. Si ex notione fluunt,  
(*Wolffi Logica.*) C qua

quæ impossibilia sunt, nec ipsa possibilis esse potest: quod si vero ex eadem non nisi possibilia fluunt, ipsa quoque possibilis sit necesse est. Quod enim ex altero fluit, id ideo est, quia alterum esse ponitur. Ita *Euclides* demonstrat, triangulum æquilaterum esse possibile, dum ejus super data recta constructionem docet: Similiter innotescit, machinam esse possibilem, quamprimum ejus constructio docetur. Non absimili modo virtutum possibilitatem in moralibus evinco, dum modum demonstro, quo in mente humana gignantur. E contrario bilineum rectilineum impossibile intelligitur, quod inde sequatur, duas lineas rectas in duobus punctis se mutuo interfecare posse, cum tamen aliunde certum sit, quod nonnisi in unico puncto se interfecent. Plerarumque definitionum moralium Possibilitatem juxta has regulas demonstro.

*Quid sit definitio & descriptio.*

§. 36. Si notio distincta fuerit completa, hoc est (§. 15.) ita comparata, ut nonnisi individuis ejusdem speciei vel generis conveniat, atque adeo eadem vi ejus omni tempore a rebus omnibus aliis, quandam affinitatem cum ipsis habentibus, distingui possint; *Definitio* dicitur, quæ adeo est notio distincta completa speciei vel generis. Quod si vi notionis illius dato saltem tempore a rebus aliis præsentibus sub datis circumstantiis rem quandam discernere vales; eam *Descriptionem* appello, quæ adeo est notio distincta completa rei singularis, aliis dato tempore coexistentis. Ita notio *eclipsis lunaris*, quod



quod sit privatio luminis in plenilunio, definitio est; per eam enim eclipsin lunarem ab omnibus aliis phænomenis cœlestibus distinguere valemus; Similiter *intellectus* definitio est, quod sit facultas possibilia distincte repræsentandi; per hanc enim a ceteris animæ facultatibus distinguitur. Et huc spectant exempla bene multa superius ad illustrandum notiones distinctas in medium adducta (§. 13.) Et in singulis philosophiæ partibus a me explicatis tot extant exempla, quot res diversæ ibidem considerantur. Quod si vero jubens alterum, qui mala citria nondum vidit, ut malum citrium ex Musæo meo arcessat, dixero; esse fructum coloris flavi & figuræ oblongæ, quæ in mensa parva ad dextrum conclave ingredientis latus constituta jacet; notio descriptio quædam est: neque enim servit malo citrio agnoscendo nisi in dato casu singulari, quamdiu nempe in mensa jacet, quæ in illo conclavi immota manet.

§. 37. Definitiones adeo notas istiusmodi *Requisita* continere debent, quæ simul sumptæ rei alteri *utriusque.* non conveniunt, nisi quæ definiri debet: ex adverso descriptioni sufficiunt notæ, quæ simul sumptæ rei alteri non conveniunt tempore dato, quo res agnoscenda & ab aliis distinguenda

§. 38. Utraque autem istiusmodi continere debet notas, quæ alteri; cui res definienda, *Requisita* vel describenda, perspectæ sunt. Alias enim *ulteriora,* vi definitionis vel descriptionis rem agnoscere impossibile foret. Quod si id fieri non possit; definitio vel descriptio ab eo intelligi nequit.

*Requisita  
definitionis  
in specie.*

§. 39. In disciplinis itaque nullus definitionem ingredi debet terminus, qui non cum ratione alteri cognitus præsupponitur, vel in anterioribus explicatus fuit. E. gr. Ubi in Politica (§. 234.) Monarchia definitur per eam Reip. formam, qua cura salutis & tranquillitatis publicæ illimitata committitur personæ uni; in antecedentibus jam definivimus formam Reip. in genere (§. 233. *Polit.*) salutem & tranquillitatem publicam (§. 213. *Polit.*) personam (§. 924. *Met.*) illimitatam curam (§. 234. *Polit.*) Jure autem tanquam cognitum præsupponitur quod in alia disciplina traditur, ex qua altera principia sua mutuatur, vel quod quotidianæ experientiæ obvium. Ita in Astronomiæ studio præmittendum est studium Geometriæ. Reprehensionem adeo minime incurrit, qui in definitionibus adhibet terminos in Geometria definitos. Qui Ethicam per modum scientiæ tractare voluerit, ita ut virtutum & vitiorum requisita ex intimiori animæ cognitione deriventur, qualem in Metaphysica dedi; is ante Metaphysicam addiscere tenetur. Quamobrem non peccat, qui in definitionibus virtutum & vitiorum utitur terminis absque ulteriori explicatione, qui in Methaphysicis jam fuerunt explicati. Qui Politicæ solidam cognitionem curæ cordique habet, is philosophiæ morali primum operam navare debet, propterea quod Politica ex Ethica plurima mutuatur principia, quemadmodum ex Politica a me publici juris facta

facta apparet. In Politica adeo admittuntur termini absque definitione, qui in Ethica fuere explicati. Similiter in definitione superiori eclipsis lunæ definiri haud debet, quid sit lux, cum unusquisque idem quotidie visu percipiat.

§. 40. Neque verbis impropriis locus concedendus est in definitionibus, nisi peculiari definitione ad significatum proprium fuerint reducta. E. gr. *Obligatio* definiri nequit per vinculum juris, quo quis adstringitur ad aliquid faciendum, vel omittendum, nisi significatus termini vinculi juris fuerit explicatus, cum hic in propria significatione vinculum non sumatur. Neque intellectus definiri potest per lumen mentis, nec ratio per catenam veritatum, nisi ante fuerit explicatum, quid sibi hic velit lumen, quid catena.

§. 41. *Definitiones* dividuntur in *nominales* & *reales*. Sunt autem *nominales* enumeratione quarundam proprietatum, per quas res ab omnibus aliis distinguitur: *reales* declarant modum, quo quid fieri potest. E. gr. *Definitio nominalis* est horologii, quod sit machina horas indicans: *distincta* autem *structuræ* ejusdem *notio realis* est. Similiter *rationis definitio nominalis* est, quod sit facultas perspicendi veritatum universalium nexum: *distincta* vero explicatio, quomodo istiusmodi facultas animæ inesse possit, *definitio realis* est.

§. 42. *Definitionem* adeo *nominalem* ingredi

*definitiones  
nominales.* gredi nequit, nisi quod rei constanter con-  
venit. E. gr. Sine beneficiorum memoria  
animus gratus concipi nequit. Ea igitur  
definitionem animi grati ingreditur (§. 469.  
*Met.*) Ut igitur constet, quid rei con-  
stanter insit, in rationem inquirere debemus,  
*eur* eidem insit. Quodsi enim rationem in  
re ipsa deprehendimus, quod id eidem con-  
stanter conveniat certi sumus: quodsi vero  
ratio extra eam quærenda, id eidem conve-  
nire nequit, nisi sub data conditione. Quo-  
niam itaque nihil in alterum immediate agit,  
nisi eidem fuerit contiguum; ex contiguitate  
earum rerum, inter quas existit, in contigui-  
tatem aliarum transferenda. Ita enim mox  
palam fiet, utrum eidem quid sub data tan-  
tummodo conditione conveniat, nec ne. E.  
gr. Ponamus te non vidisse ceram, & tempo-  
re æstivo portionem quandam ejus ad fene-  
stram positam reperiri, ab æstu solis emol-  
litam. Quodsi nosse aves, utrum ratio mol-  
litiei in eadem, an extra eam sit quærenda;  
non alia re opus est, quam ut in cella aëri  
frigido exponatur: ita enim indurabitur  
sicque constabit, ceram non semper esse  
mollem, sed tantummodo calori expositam.  
E contrario lapis durus est, sive aëri calido,  
sive frigido exponatur. Ratio igitur duri-  
tiei in ipso, non extra ipsum quærenda.

*Primum  
vitium  
definitio-  
num no-*

§. 43. Inprimis autem cavendum, ne  
definitiones nominales consent terminis,  
quibus simul sumtis non alia notio confusa  
respondet, quam definitio. Ita enim non ma-

is quam ante intelligerem, quid res sit, nec *minalium*.  
 adem uti possem tanquam demonstrandi,  
 nullo minus tanquam inveniendi principio.  
 E. gr. Si quis *infinitum* definit per id, quod  
 imites non habet; is nullam infiniti tradit  
 notionem distinctam: neque enim clarius est  
 imites seu fines non habere, quam infin-  
 itum esse. Similiter si quis vim attracticem  
 magnetis definiturus: magnetis, ait, vis attra-  
 trix est vis, qua ferrum attrahit; pluribus  
 verbis enunciat, quod ante dixerat paucio-  
 ribus.

§. 44. Cavendum præterea, ne commit-*Vitium al-*  
 tur circulus in definiendo, uno reciproce *termina*  
 efinito per alterum: quod notioni distinctæ  
 contrariatur. E. gr. Si quis horam definit  
 per partem vigesimam quartam diei; diem  
 ero per tempus constans 24. horis; ex his  
 efinitionibus nec intelligitur, quid sit dies,  
 nec quid sit hora. Similiter si quis *homi-*  
*em doctum* definit per personam, quæ lit-  
 teris operam dedit, & quæsitus, quid sit  
*litteris dare operam* respondet idem ac ope-  
 am dare, ut doctus evadas: ex his defini-  
 tionibus nec intelliges, quid sit homo do-  
 ctus, nec quid sit litteris dare operam. Cir-  
 culus in definiendo facillime committitur,  
 ubi nobis cum iis rebus negotium fuerit,  
 quæ a sensu procul sunt remotæ, præsertim  
 cum eadem extra systema definiuntur, e. gr.  
 si virtus extra philosophiam practicam defi-  
 nitur, alio autem tempore juxta naturæ. Ni-  
 hil enim facilius est, quam ut virtus definiatur

tur per habitum actiones suas legi naturali conformandi, & jus naturæ per normam actionum virtuosarum: quæ definitiones tamen simul in systemate non tolerantur.

*Usus definitionum nominalium.*

§. 45. Definitionum nominalium non modo is est usus, ut per eas res in vita communi obvias vero suo nomine compellemus; sed in disciplinis inter demonstrandi principia locum haud postremum tuentur: id quod ex singulis Matheseos, nec non philosophiæ, prout a me tractatur, partibus satis superque apparet. Immo mox ostendemus, quomodo ex definitionibus nominalibus reales inveniantur (§. 54.)

*Quanam definitione nominali explicari possint.*

§. 46. Omnium rerum definitio nominalis dari nequit. Cum enim definitio nominalis constet enumeratione notarum, quibus res ab aliis distinguitur, singula autem notæ singulis indigentur nominibus; aliter omnino fieri nequit, quam ut verba quædam, notarum nomina, absque definitione admittantur, quæ nobis innotescunt, dum res præsentibus nominantur, & quibus adeo notionem claram, etsi confusam jungimus (§. 5. 9. 13.)

*Quanam reali.*

§. 47. Quoniam vero, si ab ente a se discesseris, singula entia cetera rationem sufficientem habent, cur potius sint, quam non sint; definitione reali explicari possunt ea, quorum definitio nominalis dari nequit. E. gr. Nullæ dari possunt notæ, seu determinationes intrinsecæ, quibus voluptas distinguitur ab aliis mentis mutationibus; hoc tamen

tamen non obstante ostendi potest, quomodo oriatur, scilicet ex sensu perfectionis sive veræ, sive apparentis.

§. 48. Primum, quod de re concipitur, *Essentia rei in quo-*  
& in quo ratio continetur ceterorum, quæ *nam consi-*  
eidem insunt; *essentia* appellatur. Nimi-*stat.*  
rum quæ in omni ente finito distinguimus  
duplicia sunt, alia constantia, alia mutabilia.  
Cum mutabilibus in definitionibus nihil nobis negotii est; sed tantummodo cum iis, quæ constanter insunt (§. 42.) Ea, quæ constanter insunt, itidem duplicia sunt. Aut enim talia sunt, quæ sibi mutuo non repugnant, non tamen per se invicem, nec per alia, quæ simul insunt, determinantur, seu ut simul eidem subiecto inesse possint, non tamen necesse sit inesse unum, quia inest alterum, aut aliud quid ab iis diversum; aut talia, quæ per se invicem determinantur, ita ut, si unum insit, necessario inesse debeat etiam alterum. Quoniam igitur posteriorum ratio, cur subiecto insint, in prioribus continetur, priorum vero ratio nulla datur, \*cur eidem potius insint, quam non insint, sed ea potius inesse debent, ut cetera vel actu insint, vel mutabilia inesse possint; ideo priora *essentialia* sunt, posteriora vero *rei attributa*. Jam vero modo formationis nihil prius de ente concipi potest, quo palam sit essentialia sibi mutuo non repugnare. Essentiam adeo rei intelligimus, si modi formationis, seu quo esse potest, notionem distinctam habemus. Unde porro consequi-

tur, definitiones reales explicare essentiam rei (§. 41.) E. gr. Essentiam horologii intelligimus, si distinctam structuræ notionem habemus, ut alteri explicare valeamus, ex quibusnam rotis aliisque partibus machina hæc componatur, & quomodo invicem combinentur. Neque enim partes istæ necessario simul existunt, sed fieri saltem potest, ut in eodem subiecto simul existant, & quamprimum perspicimus, quales eadem sint & quomodo inter se combinentur, rationem reddere valemus eorum, quæ in horologio contingunt, vel eidem accidunt. Eadem ratione intelligimus essentiam voluptatis, ubi constiterit, quod sit sensus perfectionis sive veræ, sive apparentis. Similiter essentia oculi nota est, ubi noverimus, ex quibusnam runicis atque humoribus & quomodo ex iisdem oculus componatur. Et idem tenendum est de essentia corporis nostri. Quod si vero saltem essentialia enumerentur; v. gr. quod triangulum tria habeat latera; non vero simul ostendatur, quomodo per ea res oriri queat; definitionem nonnisi nominalem habemus, propterea quod nondum intelligitur, utrum essentialia ista simul in eodem subiecto esse possint, nec ne, consequenter num res definita possibilis sit. De argumento hoc arduo plura reperire licet in opere logico majore & Philosophia prima.

*Quanam  
ad defini-  
tionem*

§. 49. Quoniam ex definitione reali intelligi debet genesis rei (§. 41.); ideo duo ad eandem requiruntur. Primo ea nobis co-  
gnita



gnita esse debent, quæ ad genesin rei concurrunt. Deinde porro constare debet, <sup>realem re-</sup> quidnam unumquodque eorum ad genesin rei conferat. E. gr. Si quis explicare debet vaporum genesin, is non modo norit opus est, aquam, calorem & aërem ad eam requiri; verum præterea perspicere tenetur, quid singula ista ad vaporum genesin conferant.

§. 50. Variis autem viis ad definitiones <sup>Quot mo-</sup> reales pervenitur. Etenim aut rei, <sup>dis ad eam</sup> cujus definitio expetitur, vel notionem quandam <sup>perveniat-</sup> jam habeo, aut omni prorsus destituor. <sup>tur.</sup> Fieri enim potest, ut ea mihi innotuerit per definitionem nominalem.

§. 51. Si nihil prorsus rei mihi innotuit; <sup>Modus pri-</sup> talia assumenda sunt, quæ mihi cognita at- <sup>mus.</sup> que perspecta, atque dispiciendum, quidnam eorum combinatione prædeat. E. gr. in Geometria puncta & lineas assumimus & lineam v. gr. unam juxta alteram quiescentem motu sibi semper parallelo ferri deorsum, vel lineam quandam circa punctum fixum in gyrum agi concipimus: ita obtinemus definitiones reales in priori casu parallelogrammi, in posteriori circuli. Multa istiusmodi exempla reperire licet in *Barovvii* Lectionibus geometricis p. 14. & seqq. Simili modo ex combinatione machinarum simplici, variis modis facta, resultant machinæ nobis antea incognitæ. Qui in Chymia, philosophia experimentalis & officinis artificum versatur; hac regula sæpius magno cum commodo utetur. In Ethica quoque, Oeconomica &

& Politica deprehendemus, definitiones reales ibidem obvias hoc modo fuisse repertas.

*Quid hic  
fortuna sit  
tribuenda.*

§. 52. Plurimum quoque hic fortunæ subinde tribuendum. Etenim vel casu, vel consilio talia conjungimus, quorum conjunctione quid prodire debeat prævidere non valemus, atque tantummodo observamus, quid prodeat iis conjunctis. Ita telescopia fuere inventa, fortuita lentis concavæ & convexæ combinatione facta. Simili modo inventus fuit pulvis pyrius, carbonibus, sulphure & nitro casu quodam invicem permixtis & scintilla in massam delapsa. Eodem modo inventus fuit phosphorus, narrante *Leibnitio* in *Miscellaneis Berolinensibus* p. 91. & seqq. Immo pleraque inventa artificum non aliunde ortum suum trahunt.

*Quomodo  
desegatur  
num res,  
cujus defini-  
tionem  
eruiamus,  
actu sit.*

§. 53. Quod si istiusmodi arbitraria nonnullorum combinatione genesis rei cujusdam fuerit detecta atque nosse avemus, utrum ea jam nota sit, nec ne, & quodnam ei tribuatur nomen; ex definitione reali aliqua ejus attributa deducimus, atque deinde dispiciamus, num alicubi occurrat res aliqua, cui ista attributa conveniunt. Quicquid enim ex definitione rei colligitur, id ei ideo convenit, quia convenit definitio. Ita in *Mathesi* procedimus. Inquisituri num curva a nobis reperta Geometris sub peculiari nomine jam sit nota, ex ejus genesis aliquam ejusdem proprietatem eruiamus attendentes, num inter curvas Geometris notas aliqua ejusdem

dem attributi occurrat. Ita in Elementis Analyseos finitorum ostendi, lineam, quam fornicibus construendis aptam commendat *Serlius*, esse ellipsin, nec diversas ab ea esse *Düreri & Hartmanni* curvas eidem usui destinatas. Similiter (§. 900.) ostendi, primam speciem simplicium animæ affinium esse monades *Leibnitii*. Et in Moralibus sapientissime demonstratur, virtutes, quas ex principiis juris naturalis ante demonstratis, deduxi, esse illas ipsas, quibus hoc aut istud nominis tribuitur. E. gr. *Leibnitii* scientiam felicitatis esse eandem cum sapientia a me definita demonstro (§. 325. *Mor.*)

§. 54. Si data definitione nominali realis *Modus se-* investiganda; notiones distinctæ quærendæ *cundus per-* sunt singularum, quæ eam ingrediuntur, *veniendi ad* notarum (§. 19.): quas si perpendimus, *definitiones* statim apparebit, quænam ad genesin rei *reales.* requirantur. Quod si jam porro mente recolamus ea, quæ alio tempore nobis innotuerunt, atque inter ea talia nobis offerantur, qualia requiruntur; definitio realis utique reperta. Sint alia non succurrant; ejus inventionem in potestate nostra minime positam esse deprehendimus. E. gr. Si data definitione nominali vaporum, quod sint particulæ aqueæ motu quasi spontaneo in aëre ascendentes, investigari debet eorum genesis; in memoriam revocanda sunt, quæ de aqua, aëre, ascensu corporum in fluidis distincte cognovimus, veluti quod in aqua multum insit aëris, quod aqua ab aëre

in bullulas expandatur, quod aër calore rarefiat, quod specificè leviora ascendant in fluidis specificè gravioribus. Quod si hæc principia legitima ratiocinatione combinentur, haud difficulter patet, Sole radiis suis aquam feriente, vel aqua quomodocunque calori exposita, aërem per aquam dispersum rarefieri, consequenter bullulas formari, non modo aqua, verum ipso aëre specificè leviores, quæ adeo ab aqua amoti, in aëre ascendant.

*Quomodo  
is facilita-  
tur.*

§. 55. Negari omnino nequit difficulter hoc modo definitiones reales investigari: neque enim solum rerum bene multarum prærequiritur notitia, sed meditandi etiam habitus. Tyronum adeo vires superat. Quod si tamen ipsis occurrant definitiones reales, utile erit exercitium, si disquirant, quomodo juxta methodum præscriptam inveniri potuerint. Et quoniam aliter hic procedendum non est, nisi quemadmodum in veritate aliqua ex aliis cognitis, vel in detegendis causis effectuum naturalium procedere solemus; lucem uberiores argumento præsentī affundunt, quæ de investiganda veritate a priori c. 6 docentur.

*Modus ter-  
tius perve-  
niendi ad  
definitio-  
nes reales.*

§. 56. Sed multo facilius definitio realis corporum organicorum detegitur, quorum structuras vel nudo, vel armato oculo patet. Etenim hic non multa meditatione opus est, sed oculorum acie, attentione ad ea quæ in oculos incurrunt, & dexteritate manus ad objecta in suas partes discerpenda.

Hac

Hac ratione consequimur definitiones reales machinarum actu exstructarum, omnium item animalium ac plantarum. Huc pertinet anatomia corporis humani. Ceteroquin hic observanda sunt, quæ de consequendis notionibus distinctis & adæquatis supra (§. 19. 20.) docuimus.

§. 57. Non major difficultas nobis obicitur, si rei, dum gignitur vel formatur, præsentem attendimus. Ita addiscimus opera artis: ita consequimur notiones modificationum animæ nostræ, voluptatis puta, tædii, affectuum & ita porro.

## CAPUT II.

*De usu vocum seu Terminorum.*

## §. 58.

**P**ER voces alteri significamus cogitationes nostras seu notiones. Sunt igitur signa nostrarum notionum, unde alteri innotescunt. E. gr. Si ex me quærenti, quid cogitem, respondeo me cogitare de Sole; voce *Solis* significo objectum, de quo cogito, seu quamnam rem in mente mea mihi jam præsentem.

§. 59. Quodsi itaque duæ personæ colloquentes se mutuo intelligere debent; 1. loquens verbis, quæ profert, singulis notionem quandam jungere, & 2. qui loquentem audit, iisdem verbis eandem notionem jungere tenetur.

§. 60. Vocibus adeo singulis sua responde-

*ius verbo-* re debet notio, consequenter semper quid es-  
*rum neces-* se debet; quod voce data significetur.

*fitas. Quo-* §. 61. Ut itaque experiamur, nos intelli-  
*modo con-* gere quid loquamur, nec sine mente dare  
*stet nos in-* sonos; ad singula, quæ proferimus, verba  
*telligere,* ex nobismetipsis quærere tenemur, quam-  
*quid loqua-* nam cum iisdem notionem conjungamus.

*mur. Ver-* §. 62. Probe enim notandum est, nos non  
*borum ad* semper notionem rei quasi coram intueri,  
*notiones* quoties de ea loquimur vel cogitamus; sed  
*relatio.* contentos esse, quod recordemur, nos alio  
 tempore habuisse notionem huic vel isti vo-  
 ci jungendam, atque ideo abunde intellige-  
 re, quid verba sibi velint, utut rem vocibus  
 denotatam quasi e longinquo, vel non nisi  
 obscure (§. 9.) nobis videre videamur.

*Quomodo* §. 63. Inde est, quod verba combinantes,  
*verba men-* quibus singulis sigillatim sumtis notio ali-  
*te vacua* qua respondet, intelligere nobis videamur,  
*intelligen-* quid loquamur, etsi impossibile sit, quod  
*tur.* per ea denotatur, ubi combinantur, neque  
 adeo ulla ipsis respondeat notio. Quod enim  
 impossibile, id nihilum est: nihili autem no-  
 tio nulla datur.

*Exemplo* §. 64. Exemplo res est manifesta. Auri  
*illustratur.* notionem habemus, itidemque ferri. Impossi-  
 bile autem est, ut aurum simul sit ferrum.  
 Hoc tamen non obstante intelligimus, quid  
 quis sibi velit, dum de auro ferreo vel ferro  
 aureo loquitur.

*Liberior di-* §. 65. In exemplo proposito cuique ma-  
*ctorum ex-* nifestum est, aurum ferreum esse sine mente  
*plicatio.* sonum: sed mille dantur casus, ubi idem  
 non

non patet. E. gr. Si quis ait, *bilineum rectilineum* esse figuram duabus lineis rectis comprehensam; non minus intelligitur, quid sibi velit, quam si affirmet, triangulum rectilineum esse figuram tribus lineis rectis comprehensam. Utriusque figuræ notionem distinctam habere videmur (§. 13.) Quoniam tamen in Geometria demonstratur, duas lineas rectas spatium comprehendere non posse; impossibilis quoque est bilinei rectilinei notio. Verba igitur, quod bilineum rectilineum fit figura duabus lineis rectis terminata sunt sine mente sonus. Eadem tenenda sunt de anima vegetativa plantarum, quam ferunt esse substantiam immaterialem, cujus vi planta vegetatur: etsi enim verba singula per se intelligi possint, nulla tamen datur notio, quæ simul sumtis respondeat. Similiter si quis affirmat, *funiculum attractivum*, quem *Linus* vocat, vel *vim attractivam*, quam recentiores quidam appellant, esse principium immateriale, materiæ superadditum, vi cujus attractiones mutue fiant, seu materiæ pars una moveatur versus alteram, aut, si mavis materiæ partes diversæ veluti in mutuum amplexum ruant; nulla datur notio, quæ verbis istis jungi poterat. In eundem censum veniunt *amor naturalis* & *odium naturale* plantarum; *vinculum juris* in definitione obligationis Jctorum; *principium mali* in mundo existentis *Manicheorum* & alia complura.

*Quomodo  
verba a re-  
bus distin-  
guantur.*

§. 65. Ut igitur verba a rebus distinguantur, neque ea in re fallamur, nulla unquam notio admittenda est, nisi cujus possibilitas ante fuerit evicta (§. 31. & seqq.): id quod est medium certissimum sibi cavendi a notionibus deceptricibus, quæ videntur, & non sunt.

*Differentia  
notionis  
vocis for-  
maliter &  
materia-  
liter confi-  
derata.*

§. 66. Distinguenda vero est notio soni, quo verba efferuntur, a notione rerum istis denotatarum. Sine notione soni, quibus verba efferuntur, fieri non posset, ut ea auditu perciperemus, aut apud animum nostrum recoleremus. E. gr. Notionem habemus soni, quo vox *spiritus attractivus* effertur, alias enim vox ista a vocibus aliis distingui a nobis non poterat, neque certus esse poteram, utrum hanc, an vocem aliam auditu perciperem (§. 4.) Sed nulla rei nobis notio est, quæ voce ista denotari debet.

*Soni sine  
mente in-  
telligibiles.*

§. 67. Ex his luce meridiana clarius est, quod duo verba invicem miscere possint, ac unus mentem alterius assequi valeat, etsi neuter notionem habeat ejus, de quo sermo est, cum de eo loquantur, cui notio nulla respondet, adeoque quod nihilum est. Istiusmodi discursus eruditus non sunt infrequentes; inprimis autem scholasticis in Physica familiares (§. 64.)

*Vocum si-  
gnificatus  
non omni-  
bus perspe-  
ctus.*

§. 68. Quemadmodum vero dantur voces, quibus nulla responder notio; ita ex adverso nil obstat, quo minus etiam tales sint, quarum notio aliqua clara & distincta nobis negatur



negatur, etsi ipsas non ignoremus. E. gr. Nomine *lynxis* denotatur brutum, quod visus acumine pollet, nec venatoribus ignotum. Multi nomen norunt; sed bruti ipsius ne claram quidem, nedum distinctam notionem habent.

§. 69. Quamobrem minime sequitur, ter-  
minos istos nihil significare, quibus ne cla-  
ram quidem, etsi confusam jungere valeamus  
notionem: quemadmodum Antiscripturarii  
vocem *Trinitatis* aliosque terminos, quibus  
mysteria denotantur, pro sonis sine mente  
perperam venditant.

§. 70. Multo minus autem sequitur, si  
nos cum termino aliquo notionem claram at-  
que distinctam conjungere non valeamus,  
nec fieri posse, ut alii talem cum eodem con-  
jungant. Falluntur adeo, qui ex disciplinis  
terminos eliminari jubent, quibus notionem  
claram atque distinctam jungere nesciunt.

§. 71. Quod si alter me loquentem intelli-  
gere debet, nulla utendum mihi est voce,  
nisi cui notionem ab altero jungi eandem,  
quam primum eam auditu percipit, quam  
ego eidem jungo, mihi certum est. Nihil  
enim frequentius, quam ut alter aliam voci  
jungat notionem, quam loquens, etsi ean-  
dem cum loquente eidem jungere posset. E.  
gr. Simplicius, qui a teneris unguiculis li-  
bros facetos legit, & inficetiis histrionum vo-  
luptatem percepit, per acumen judicii  
intelligit habitum, omnia perstringendi &  
deridenda propinandi: Sed *Lyncus*, qui

solida rerum cognitione intellectum mirifice exacuit, acumen iudicii appellat habitum ratiocinia sua in assertis demonstrandis in principia indubitata continua serie resolvendi. Quod si jam Simplicius Thraconi acumen iudicii tribuit; Lynceus eum non intelligit, etsi ipsi sit notio magis adæquata habitus omnia perstringendi & deridenda propinandi, quam Simplicio. Quamobrem opus est, præsertim in disciplinis, ut termini explicentur, & in definitionibus eorundem occurrentes termini ulterius definiantur, donec ad istiusmodi terminos perventum fuerit, quibus respondens notio a rebus obviis abstrahi potest, aut quibus respondentes notiones lectori familiares supponere licet: id quod in superioribus (§. 16.) propositum exemplum notionis adæquatæ abunde illustrat.

*Logomachiarum  
origo.*

§. 72. Inde ortum trahunt logomachiarum eruditorum, quod terminos accuratis definitionibus non explicent, sicque fixum ac determinatum eorundem significatum efficiant; sed alter voci eidem hunc, alter alterum, immo idem Autor nunc hunc, nunc istum tribuat significatum. Quod si enim Simplicius vi notionis suæ Thraconem acumine iudicii præditum esse affirmat; Lynceus idem negabit. Simplicius assertum probabit, quod Thrao eleganter omnia proponere, aliorumque errores palpandos exhibere norit. Sed Lynceus excipiet, Thraconem ignorare, quid ad solidam rerum discussionem requiratur, & in errorem absurdum vertere, quod ob ignorantiam

rantiam, qua laborat, capere nequit. Mox Simplicius sibi persuadens, Thrasonem, quem magni facit, a Lynceo contemni, ad convitia tanquam ad sacram anchoram confugiet, ita ut spes finiendæ controversiæ nulla amplius superfit. Enimvero si Simplicius notionem, acuminis in judicando, quam habet, Lynceo exponeret; nã is Thrasoni histriionis inficeti gloriam minime invideret. Consultum igitur est, ut Lynceus statim ab initio exemplum petat, quo Thraso acumen in judicando probasse Simplicio videtur.

§. 73. Nimirum in genere notandum, si quis in significatum vocis, quem ipsi tribuit usus loquendi, inquirere jubeatur, varios cogitandos esse casus, in quibus illa utimur, & attentione ad singula, quæ in re illa distinguui possunt, cui inest quod voce indigitatur, allata examinandum, quænam sint illa, ob quæ voce ista hic utimur. Ita enim obtinemus notas, per quas res voce ista denotata ab aliis distinguitur. E. gr. Proprium vocis *lux* significatum quærens ad ea attendo, quæ percipio, quando lux adesse dicitur, & disquiro, quænam sint ea, ob quæ lucem adesse affirmamus, tumque deprehendo, nos, quod lux adsit, inde cognoscere, quod corpora circumjecta videre possimus, & quod multum lucis adsit, ubi eadem admodum distincte videre licet: unde constat, voce lucis ex usu loquendi id denotari, vi cujus corpora videri possunt. Eodem modo repertus est significatus spatii, ordinis, con-

*Modus inveniendi  
verum vocum  
significatum.*

tinuitatis, veritatis, somnii, rationis aliarumque vocum (§. 46. 58. 132. 143. 368. Met.) Et in ceteris philosophiæ partibus eadem methodo receptus vocum significarus quæritus fuit.

## CAPUT III.

*De Propositionibus.*

## § 74

*Quando  
nam judi-  
camus.*

**Q**UOD si cogitemus, rei cuiusdam quidpiam inesse, vel inesse posse, vel etiam ab eo proficisci posse; itidemque eidem quidpiam non inesse, vel inesse non posse, vel etiam ab eo proficisci minime posse; *judicare* dicimus. E. gr. de ædificio judicamus, quando dicimus: Hoc ædificium est pulchrum; istud ædificium juxta regulas architectonicas minime exstructum. De ferro judicamus, quando dicimus: Ferrum potest candescere; ferrum non potest aquæ supernatare. De lapide ex alto decidente judicamus, quando dicimus: Lapidis ex alto decidentis impetu capiti vulnus lethale infligi potest; lapidem ex hac altitudine decidentem non esse in frustra dissiliturum. Brevius: judicamus, quando rei aliquid convenire, vel non convenire cogitamus.

*In quonam  
judicium  
consistat.*

§. 75. Quando igitur judicamus, notiones duas coniungimus, vel disjungimus, notionem scilicet rei, de qua judicamus, & notionem ejus, quod eidem convenire vel non

non convenire debet. Dico duas minimum in judicio occurrere notiones : etenim fieri potest, ut iisdem adhuc aliæ superaddantur. E. gr. Quando judicamus: Hoc ædificium est pulchrum ; notio pulchritudinis notioni ædificii jungitur. In hoc igitur judicio nonnisi duæ occurrunt notiones. Ex adverso quando judicamus: Lapis ex alto decidens vulnus lethale capiti infligere potest ; notioni lapidis aliæ superadduntur, veluti altitudinis & lapsus deorsum facti, notioni autem vulneris capiti infligendi notio lethalitatis. Proprietamen loquendo repræsentatio lapidis ex alto decidentis nonnisi unica notio est, etsi composita in plures simpliciores resolvable, quibus omnibus simul sumtis illa resultat. Et similiter sese res habet, si notio ejus, quod rei convenit, ex multis aliis componitur. Est itaque *judicium* vel conjunctio, vel separatio duarum notionum, vel plurium simul duabus æquipollentium.

§. 76. Quoniam notionibus voces substituere debemus, tum judicium nostrum alijs significaturi (§. 58.) ; tum idem nobismet ipsis distincte repræsentaturi (§. 62.) ; judicium duobus minimum terminis effertur, quorum uno denotatur res, de quo judicamus, altero autem illud, quod eidem convenit. Ille dicitur *subjectum* ; hic autem *Prædicatum* : ipsa autem oratio, qua judicium alteri significatur, *Propositio* vel *Enunciatio* appellatur, eaque *affirmativa*, qua rei aliquid convenire dicimus, seu prædicatum

subiecto tribuitur; ē contrario autem *negativa*, qua rei aliquid non convenire dicimus, seu pradicatum a subiecto removemus. E. gr. Si dicimus, cœlum esse serenum; tum aliquid affirmamus: quando vero dicimus, cœlum non esse serenum, tum aliquid negamus.

*Quando-  
nam pro-  
positio in-  
telligatur.*

§. 77. Quodsi ergo propositionem intelligere velimus, notiones, singulis terminis in eadem obviis respondentes, venari debemus. Etenim termini notionibus substituuntur (§. 76.): verba autem sive termini non intelliguntur, nisi eas iisdem jungere noveris notiones, quibus substituuntur in propositione (§. 60.) Quo propius adeo notiones istæ ad adæquatas accedunt; eo plenius propositio data intelligitur.

*Propositio-  
num diffe-  
rentia alia.*

§. 78. Ratio, cur rei cuidam quidpiam conveniat, vel non conveniat, vel in ipso subiecto continetur, & quidem in eo, quod constanter inest, scilicet in essentialibus aut ejus attributis (§. 48.); vel in eo, quod subinde tantummodo sub certa quadam conditione inest, nempe ipsius modo; vel denique extra subiectum in ente quodam alio. E. gr. Ratio, cur lapis gravis, in materia continetur, ex qua constat, adeoque in tali, quod lapidi semper inest, seu sine quo concipi nequit. Quodsi vero quæsieris, cur lapis lectum calefaciat; ratio quærenda est in calore ejus, consequenter in eo, quod lapidi nonnisi sub data conditione inest, nimirum si diu calori expositus, v. gr.

in

in aqua calida detentus aut fornaci calenti propinquus fuerit. Denique si quaesiveris, cur lapis sit calidus, ratio extra eum, v. gr. in aqua calida, vel fornacis calente quaerenda. In casu priore singulis individuis ejusdem speciei vel generis convenit, quod uni convenit; in posteriore autem tantummodo nonnullis, nimirum iis, quorum eadem est vel æquivalens conditio. E. gr. Omnes lapides sunt graves; Sed quidam tantummodo calefaciunt, qui nempe calidi sunt: & quidam solummodo calefiunt, qui scilicet diu calori exponuntur. In casu priori *propositiones* dicuntur *universales*; in duobus autem posterioribus *particulares*. Enimvero si propositio non fuerit singularis; cujus subiectum est individuum; propositiones particulares ad universales reducuntur, si subiecto adjicitur conditio, sub qua prædicatum eidem tribuitur. Propositiones autem singulares universalibus æquipollent, quando prædicatum nonnisi rei singulari competit, quoniam tum ratio perinde ac in propositionibus universalibus continetur in subiecto & quidem in eo, quod ipsi tanquam constanter inexistens considerati potest. Dicuntur autem in hoc casu *propositiones* singulares *proprie*. E. gr. Propositio particularis, quidam lapides calefaciunt, convertitur in universalem, omnis lapis calidus calefacit: similiter particularis altera, quidam lapides sunt calidi, abit in universalem, omnis lapis, calori diu expositus, est calidus. Exemplum propositio-

nis propriæ est: Christus natus est ex virgine. *Æquivalet enim universali: Quicumque est Christus, ille natus est ex virgine. Quodsi vero prædicatum fuerit commune, propositio singularis recte habetur pro particulari, quoniam cum ceteris particularibus sub eadem universali continetur. Ita propositio singularis, hic lapis est gravis, continetur sub hac universali, omnis lapis est gravis, perinde ac particularis, quidam lapis est gravis, utrobique existente eodem prædicationis fundamento. Vox adeo *omnis* est signum propositionis universalis: id quod sæpius omittitur, veluti cum dicimus, lapis est gravis, lapis calidus calefacit, lapis calori diu expositus fit calidus. Dicitur autem tum *propositio indefinita*. Ex adverso vox *quidam* est signum particularitatis.*

*Analysis  
propositionis  
hujus.*

§. 79. Ex hætenus dictis intelligitur, propositionem quamlibet resolvi posse in duas partes. Prima continet hypothesein, sub qua subiecto tribuitur prædicatum, nimirum quod hoc vel istud ipsi insit, vel quod hæc determinatio ipsi superaccedat. Altera est thesis, continens id, quod de subiecto prædicari potest, vel nequit. E. gr. In propositione, lapis calidus calefacit, hypothesis est, quod lapis sit calidus; thesis autem, quod calefaciat. Quamobrem ad hanc quoque formam revocari potest: Si lapis est calidus, calefacit, tumque partes ambæ sensui ipsi obvix sunt; Quodsi conditio, sub qua prædicatum subiecto convenit, disertis verbis exprimitur,



mitur, ut in proposito exemplo, si lapis est calidus, calefacit, *propositio* dicitur *hypothetica*: si vero conditio in subiecto tantummodo latet, eique prædicatum absque expressa conditione tribuitur, veluti cum dicimus, lapis calidus calefacit vel lapis est calidus, *propositio* vocatur *categorica*.

§. 80. *Analysis* ista non omni in casu succedere videtur. Etenim cum ratio, cur prædicatum subiecto tribui debeat, in essentialibus vel attributis continetur, id absolute eidem convenit, absque ulla conditione. Et eadem est ratio propositionum negativarum. E. gr. Omne triangulum habet tres angulos absque ulla conditione. Deus est omnipotens, absque conditione ulla. Enimvero non difficilis est responsio. Quod enim subiecto proprium est, siue in essentialium, siue in attributorum numero sit, conditionis vicem tuetur. Sunt nempe essentialia conditio, sub qua attributum rei convenit, vel etiam attributum unum conditio est, sub qua eidem convenit alterum, quando nempe attributum unum per alterum, sicuti attributum prius per essentialia immediate determinatur (§. 48.); nisi enim id eidem conveniret, quod in essentialium, vel attributorum numero est, nec prædicatum ei tribui posset, quod absolute eidem tribui videtur. E. gr. In datis exemplis vocibus *triangulum* atque *Deus* respondere necessario debet aliqua notio. Ipsa igitur exhibet notio conditionem, sub qua prædicatum subiecto

jecto tribui debeat, nempe in casu primo, quod triangulum tribus lineis terminetur; in altero autem, quod Deo convenient perfectiones omnes in gradu absolute summo. Hinc propositiones datæ convertuntur in sequentes: si figura tribus lineis terminatur, tres angulos habet; &, si ens possidet omnes perfectiones in gradu absolute summo, omnipotens est.

*Ufus ana-  
lyticos pro-  
positionum.*

§. 81. Hæc ipsa propositionum analysi usum multiplicem habet, qui in progressu manifestus evadet. Eaque de causa in Mathesi propositiones propemodum omnes ad formam hypotheticarum reducuntur. In præsentî suffecerit annotasse, quod ex hypothesis non solum appareat ratio, unde demonstrationis initum fieri debet, sed simul innotescant notæ, ex quibus in dato casu colligimus, propositionem ad eum applicari posse.

*Intimior  
propositio-  
num noti-  
tia.*

§. 82. Ex eadem analysi porro liquet, in omni propositione duo occurrere circa idem subiectum, quorum unum eidem tribuimus propter alterum in affirmativa, unum vero eidem tribui nequit propter alterum, in negativa. E gr. in propositione hac, Deus est omnipotens (ubi per Deum cum *Cartesio* intelligo ens perfectissimum) duo enti isti, quod Deum appellamus tribuo, nempe primo perfectionem summam, secundo omnipotentiam: tribuo autem eidem omnipotentiam propter perfectionem summam. E contrario in propositione, nullus lapis fri-  
gidus

gidus calefacere potest; duo quidem occurrunt circa lapidem considerata, nimirum frigus & potentia calefaciendi: sed posterius nempe potentiam calefaciendi eidem tribuere nequeo, si eidem tribuo prius, scilicet frigus. Unum eorum alteri repugnat. Quod si adeo unum alterum ponit, propterea quod hoc per istud determinatur; *notiones consentire* dicuntur: si vero unum alteri repugnat, ita ut simul eidem subiecto convenire nequeant, *notiones dissentire a se invicem*, seu *sibi mutuo contradicere* dicuntur.

§. 83. Si notionum consensum distincte *Explicatio* perspicimus; *Propositionem concipere* dicimur: ex adverso si pugnam propositionum, *phrasium* seu contradictionem distincte perspicimus, *nonnullarum* *rum.* *propositio concipi non posse* dicitur. Quod si vero notionum consensum, vel distinctum distincte minime perspicimus, hoc est, propositio aliqua concipi possit, an vero concipi non possit; *nullum habere* dicimur *conceptum*. Nimirum in casu primo propositioni respondet aliqua notio, qua nimirum subiectum cum prædicato suo repræsentatur etiam absque verborum ope: in casu secundo impossibile est, ut istiusmodi notio eidem respondeat: in tertio denique casu ignoramus, utrum aliqua propositioni notio respondeat, nec ne. Phrases istæ dudum in usu fuere Mathematicis ac philosophis magni nominis. Quid vero ad hoc requiratur, ut aliquid distincte perspiciamus, ex eo intelligi-

telligitur, quod de notionibus distinctis supra (§. 13.) tradidimus; consensum nimirum vel pugnam seu contradictionem notionum distincte perspicio, si ordine recensere valeo ea, unde intelligo, cur notiones istæ vel consentiant, vel sibi mutuo repugnent: qua de re ex instituto differemus capite sequente.

*Modus inveniendi propositiones.* §. 84. Propositiones inveniuntur vel a posteriori, hoc est, experientia duce; vel a priori, hoc est, eas ex definitionibus vel in se consideratis, vel inter se collatis deducendo.

*Differentia propositionum theoreticarum & practicarum.* §. 85. In propositionibus vel enunciatum aliquid convenire subiecto, aut non convenire; vel continetur modus aliquid faciendi aut agendi. Prioris generis exempla dedimus in superioribus (§. 74. 78. 80.); posterioris exemplum est propositio sequens: Si quis alterius animum gaudio perfundere voluerit, is inquiret, quodnam illud sit, cujus desiderio maximo tenetur, intendat porro ipsius desiderium & tale nihil cogitantem rei desideratæ tantopere compotem faciat. *Propositiones* prioris generis dicuntur *theoreticae*; posterioris autem *practicae*.

*Quid sint axiomata & postulata.* §. 86. Propositiones, quæ ex definitione unica adeoque citra ratiociniorum ambagem, manifestæ sunt, dicuntur *Axiomata*, si theoreticæ fuerint; *Postulata*, si practicæ. Communiter Axiomata & Postulata dicuntur *propositiones theoreticæ & practicæ*, quæ

quæ sine probatione sumi possunt, nempe quia iisdem sine probatione assentimur, sive ad definitionem aliquam, sive ad notiones tantummodo confusas terminorum respiciamus: qua de causa affirmatur, eas esse exterminis manifestas. Exempla dabimus inferius capite sexto. Rigorose loquendo *propositiones identicæ*, in quibus subiectum & prædicatum idem est, seu utrique eadem notio respondet, sunt vera axiomata, veluti quando dicimus, omnia animalia sunt animalia, siquidem axioma esse debeat propositio in se indemonstrabilis, non autem ea, cui absque prævia demonstratione assentimur, terminis intellectis propterea quod nobis subiectum repræsentare non valeamus, quin simul in eo nobis objiciatur prædicatum, veluti cum nobis repræsentare nequeamus triangulum, hoc est; spatium tribus lineis terminatum, sine tribus angulis.

§. 87. Propositiones, quæ ex pluribus *Quid sint definitionibus colliguntur, aut colligi sal-* <sup>*theorematum*</sup> <sup>*ta & problemata.*</sup> <sup>*tem possunt*</sup> (nempe ubi a priori invenientur) dicuntur *Theoremata*, si theoreticæ fuerint; *Problemata* vero, si fuerint practicæ. Exempla dabimus inferius capite sexto, & theorematum exempla quædam jam prostant in superioribus (§. 74. 78. 80.), problematis vero aliquod modo proposuimus (§. 85.)

§. 88. In Mathesi ista propositionum *visio* <sup>*usque huius*</sup> sancte custoditur, & unicuique nomen <sup>*dispositio.*</sup> <sup>*dispositio.*</sup> eius speciei adscribitur, ad quam ea refertur,

ut

ut statim appareat, ad quænam sit respiciendum, si eam concipere velimus. In eadem continetur ratio regularum, quæ inferius capite sexto præscribuntur ad propositiones ex definitionibus a priori eruendas. Immo maximus usus, quem Logica in diversis admodum casibus spondet, ab eadem pendet, quemadmodum caput octavum & quæ idem sequuntur, satis superque loquuntur.

## CAPUT IV.

*De Syllogismis.*

§. 89.

*Origo syllogismorum affirmativorum.*

**P**ostquam notiones universales varias consecuti sumus (§. 19. 20. 26. 27. 30.) easque cum nominibus suis jungere suevimus (§. 60.); ex notis rei, per quas ea agnoscitur & ab aliis discernitur, colligimus, esse eam ejus generis vel speciei, cui hoc vel istud nomen convenit. E. gr. Si definitionem condidi, quod illud sit lumen, quod corpora circumjecta visibilia efficit, & experientia duce hoc formo judicium intuitivum, quod Luna corpora circumjecta visibilia efficiat, inde colligo: Lunam esse lumen. Similiter si definitionem condidi, quod is sit virtuti deditus, qui actiones suas ad normam legis naturalis componit, & experientia duce hoc formo judicium intuitivum, Titius actiones suas ad normam legis  
natura-

naturalis componit; inde colligo: Titium esse virtuti deditum. Eodem modo propositiones universales ad casus obvios applicantur. E. gr. si experientia nobis innotuit, quod calidum aërem expandat seu rarefaciat, & porro in hoc iudicium intuitivum incidimus, radios solares esse calidos, inde colligimus radios solares aërem expandere seu calefacere. Similiter si ex philosophia morali didicimus, eum esse avarum, qui cum sint reditus ad vitæ necessitatem ac jucunditatem sufficientes de iis tamen serio conqueritur, atque deinde experimur, Titio esse istiusmodi reditus; hæc tamen non obstante eum continuo conqueri; inde inferimus, Titium esse avarum.

§. 90. Hic modus argumentandi admodum evidens est, utpote huic principio superstructus: *Quicquid singulis sub genere aliquo vel specie aliqua contentis convenit; id etiam huic convenit sub eodem genere, vel sub eadem specie contento.* E. gr. Si fumo, ei nomen luminis convenire debere, quod res circumstantes ut videri possint efficit; nomen quoque luminis Lunæ, quæ idem efficit, tribuendum. Etenim lumen esse & efficere ut res circumstantes videri queant, unum idemque est. De quo igitur unum affirmare licet, de eodem quoque affirmandum est alterum. Eodem modo sese res habet cum exemplis ceteris quibuscunque.

§. 91. Similiter ubi formatum fuerit iudicium universale negativum & postea deprehenditur rem quandam ad istud genus, vel speciem istam pertinere, cui illud destinatur;

(Wolffii Logica.)

E

de

Fundamentum  
horum syllogismorum.

Origo syllogismorum negativorum.

de eadem quoque negatur, quod negatum fuerat de toto genere, vel de tota specie. E. gr. si experientia convictus didici, neminem mortalium opes suas secum auferre, quando ad plures abit, & *Cræsum* superbum numero mortalium eximi non posse cogito; hinc colligo, ipsum etiam nihil opum suarum secum ablaturum, quando ex hac vita discedet. Similiter si qua in re notas definitionem aliquam ingredienti minime deprehendo, aut eas eidem prorsus repugnare adverto; inde infero, nec ipsi convenite nomen, cui definitio respondet. E. gr. Si deprehendo singula perimetri puncta, qua figura plana terminatur, a centro ejus æqualiter non distare; hinc colligo, figuram non esse circulum. Et ubi ex moralibus didici, illum esse avarum, qui de redditibus conqueritur, etiam si eidem sint ampli, consequenter avarum non esse, qui de redditibus nimis tenuibus conqueritur, atque *Titium* de redditibus, quos valde tenues esse constat, conquerentem audio; hinc colligo, *Titium* ea propter non esse avarum.

*Fundamen-  
tum bonum  
syllogismo  
rati.*

§. 92. Hic quoque argumentandi modus admodum evidens est, huic quippe principio superstructus: *Quod de toto genere vel tota specie negatur, idem quoque negandum est de hoc, quod sub illo genere vel specie illa continetur.* E. gr. Si nemo mortalium ex hac vita discedens opes suas secum aufert nec *Cræsus* secum auferet suas: alias enim propositionis prioris universalis tolleretur. Similiter si nulla figura circulus est, in qua non



non singula perimetri puncta a centro æqualiter distant; nec linea ovalis circulus esse potest: alias enim denuo propositionis prioris universalitas infringeretur. Et eodem modo sese res habet cum exemplis ceteris omnibus.

§. 93. Quodsi duo ista syllogismorum principia (§. 90. 92) curatius perpendas; eadem ideo sumi intelliges, quod alias concedendum sit, idem simul esse & non esse posse. Ratio igitur veritatis & evidentie syllogismorum est *principium contradictionis*, quo impossibile pronuntiatur, ut idem simul sit & non sit. *Ratio evidētie syllogismi.*

§. 94. Quodsi hos syllogismos, secundum modos *Syllogismi* unum ex altero colligendi eo modo perpendas, quem ad venandum notiones distinctas præscribimus (§. 19); haud obscure intelliges, syllogismum unumquemque ex tribus constare propositionibus & has propositiones ex tribus terminis componi. E. gr. syllogismus primus erat (§. 89):

*Quicquid corpora circumjecta visibilia efficit, id lumen est.*

*Luna corpora circumjecta visibilia efficit.*

*Ergo Luna lumen est.*

Hic tres propositiones per se in oculos incurunt, quibus ille constat, nec minus in iis obvii sunt tres termini, ex quibus ipsæ componuntur. Terminus unus est, *corpora circumjecta visibilia efficere*, terminus secundus *lumen*, tertius denique *Luna*. Et idem eodem modo deprehenditur in exemplis

ceteris modo allatis (§. 89. 91.). Propositiones, ex quibus tanquam cognitis, colligitur alia, quæ incognita supponitur, appellantur *Premissa Syllogismorum*, ipsa vero propositio, quæ inde colligitur, *Conclusio* salutatur. Ita conclusio Syllogismi nostri est, *Luna est lumen*; ceteræ duæ sunt præmissæ. Terminus præmissarum communis, veluti in nostro exemplo, *corpora circumjecta visibilia efficere*, vocatur *Terminus medius*. In specie illa præmissarum, in qua medius terminus combinatur cum prædicato conclusionis, veluti in nostro exemplo, *quicquid corpora circumjecta visibilia efficit, id lumen est*, dicitur *Propositio major*: ista autem, in qua medius terminus cum subiecto conclusionis combinatur, veluti in nostro exemplo *Luna corpora circumjecta visibilia efficit*, vocatur *Propositio minor*.

*Conclusio  
qualis &  
quomodo  
inferatur.*

§. 95. Ex dictis (§. 64.) intelligitur, terminum medium non posse ingredi conclusionem, & conclusionem ex præmissis colligi, dum termini præmissarum diversi combinantur. Ita in nostro exemplo terminus medius *corpora circumjecta visibilia efficere*, ex conclusione exulat, & conclusio *Luna est lumen* formatur terminis præmissarum diversis combinatis.

*Origo figurarum syllogismorum.*

§. 96. Quoniam deprehensum fuit, terminum medium diversimode collocari posse, nimirum vel loco subiecti in propositione majore, & loco prædicati in minore; vel loco prædicati, vel denique loco subiecti in præ-

præmissa utraque; tria condita sunt syllogismorum genera, quæ *Figura* appellantur, & quidem in specie *Figura prima*, *secunda* & *tertia*, nonnullis quartam superaddentibus, in qua medius terminus est, prædicatum in maiore, subiectum in minore. Exempla primæ figuræ sunt syllogismi supra propositi (§. 89. 91). Exemplum figuræ secundæ est:

*Quicumque sapit, is futura prospicit.*

*Quidam garruli futura non prospiciunt.*

*Ergo Quidam garruli non sapiunt.*

Exemplum tertiæ est:

*Nullus stultus futurorum rationem habet.*

*Quidam stulti sunt divites.*

*Ergo Quidam divites futurorum rationem non habent.*

§. 97. Enimvero cum propositiones sint *Origo Modorum*, quadruplices, vel universaliter affirmantes, vel universaliter negantes, vel particulariter affirmantes, vel particulariter negantes (§. 76. 78); in qualibet figura plures sunt Syllogismorum *Modi*.

§. 98. Ut quantitas & qualitas propositionum in quovis modo determinari queat; id probe perpendendum est, utramque præmissam non posse esse particularem, nec utramque simul posse esse negativam, consequenter in quolibet syllogismo alterutram saltem præmissam esse debere universalem, nec minus alterutram saltem affirmativam esse debere. Etenim aut quibusdam tribuitur, quod toti generi vel toti speciei con-

venit, aut de quibusdam negatur, quod de toto genere vel specie negatur (§. 90. 92). Quare in priori casu una præmissarum aliquid universaliter affirmat; in posteriori præmissarum una affirmatur, quædam sub genere vel specie ista contineri, de qua quid negatur. Exiisdem vero rationibus intelligitur, utramque præmissam affirmativam esse debere, si conclusio affirmativa fuerit. Et quia de tota specie negatur vel affirmatur, quod de omni genere negatur vel affirmatur (§. 9. cit.); utraque præmissarum universalis esse debet, si conclusio universalis est.

*Propositio  
infinita  
quædam.*

§. 99. Probe autem notandum venit, propositionem minorem syllogismi interdum videri negativam, cum tamen revera sit affirmativa. E. gr. si ita argumentamur:

Nullus hominum, qui futura non prospicit, sapit.

Nullus garrulus futura prospicit.

Ergo. Nullus garrulus sapit.

propositio minor negativa videtur. Enimvero quoniam negatio a subiecto propositionis majoris manat, adeoque medium terminum, non copulam afficit, qua nexus prædicati cum subiecto denotatur; affirmativæ eadem equipollet. Perinde enim est, ac si ita argumentarer.

Quicumque est persona, quæ futura minime prospicit, ille non sapit.

Atqui omnis garrulus est persona, quæ futura non prospicit.

Ergo omnis garrulus non sapit, seu Nullus garrulus sapit.

Pa-

Patet itaque, notam eorum, qui non sapient, constitui in eo, quod futura minime prospiciant, & in minore syllogismi affirmari, hanc notam in garrulos convenire (§. 92). Dicitur autem *propositio* istiusmodi, quæ cum negativa appareat, affirmativæ tamen æquipollet, *infinita*.

§. 100. In prima figura idem est subiectum *Regula syllogismo-* conclusionis & propositionis minoris (§. 94. *rum prima* 96). Quare cum in propositione minore aliter cum medio termino connecti nequeat, *figura.* quam in conclusione occurrit, quoniam illa enunciat, quænam sint ea, quæ sub toto genere vel tota specie continentur & quibus adeo idem tribuendum, quod toti generi vel toti speciei tribuitur (§. 90. 92); propositio minor particularis esse debet, si conclusio fuerit particularis; universalis autem, si illa universalis fuerit. In prima igitur figura propositio major semper est universalis (§. 98). Nec minus liquet, in prima figura propositionem minorem semper esse affirmativam: ea enim affirmatur, subiectum referri ad istud genus, vel istam speciem, de quo in maiore quid affirmatur, vel negatur (§. 90. 92).

§. 101. Hoc pacto in figura prima aut utraque præmissa est universaliter affirmans, sicque etiam conclusio universaliter affirmans; aut propositio major est universaliter affirmans, minor universaliter negans; sicque conclusio universaliter negans; aut propositio major universaliter affirmans, minor particulariter affirmans, sicque conclusio par-

ticulariter affirmans ; aut major denique propositio universaliter negans, minor particulariter affirmans, sicque conclusio particulariter negans (§. 98. 100.).

*Sufficientia  
figurae pri-  
mae.*

§ 102. Quoniam conclusio omnis vel universaliter aut particulariter affirmans, vel universaliter aut particulariter negans (§. 76. 78) & omnes istae conclusiones per Syllogismos primae figurae inferuntur (§. 101); omnes syllogismi in prima figura formari possunt. Quare cum superflua doceri tyrones ab instituto meo abhorreat. praesertim talia, quae communi contemptu premuntur; figuram secundam atque tertiam praetermitto. Etenim si syllogismus in secunda & tertia figura offeratur, ex conclusione & medio termino datis formabitur syllogismus in prima, quo magis naturali modo conclusio colligitur. E. gr. Syllogismus figurae secundae erat.

Quicumque sapit, is futura prospicit.

Quidam garruli futura non prospiciunt.

Ergo quidam garruli non sapiunt.

Syllogismus hic statim reducitur ad primam figuram, si medius terminus in propositione majore ex loco praedicati in locum subiecti transfertur, quemadmodum hic factum esse apparet :

Nullus, qui futura non prospicit, sapit.

Quidam garruli futura non prospiciunt.

Ergo quidam garruli non sapiunt.

§. 103. Enimvero ut tyronibus evidentius pateret, in quonam Modo & quo pacto syllogismus formetur, conclusione & medio  
termi-

termino datis, modis singulis nomina essentialia imposuerunt, ex quibus singularum propositionum qualitas & quantitas manifesta fit. Quatuor nimirum Modos syllogismorum primæ figuræ dixerunt BARbArA. CEIArEnt, DArII, FErIO, in quibus nominibus A denotat propositionem universaliter affirmantem, E propositionem universaliter negantem, I propositionem particulariter affirmantem, O propositionem particulariter negantem. Significatus ut memoriæ tenacius infingeretur, hos condiderunt versiculos:

Afferit A, negat E; sed universaliter ambæ.

Afferit I, negat O; sed particulariter ambæ.

§. 104. Modis istis illustrandis inserviant exempla sequentia:

## I.

BAr *Omnes homines sunt mortales.*

bA *Omnes eruditi sunt homines.*

rA *Ergo Omnes eruditi sunt mortales.*

## II.

CE *Cujuscunque intellectus limitatus, is omniscius non est.*

IA *Atqui omnis hominis intellectus limitatus est.*

rEnt *Ergo Nullus homo est omniscius.*

## III.

DA *Qui de omnibus bene loquitur, is multos habet amicos.*

rI *Quidam homines de omnibus bene loquuntur.*

I *Ergo Quidam homines multos habent amicos.*

E 5

IV.

## IV.

FE *Qui affectibus indulget, is virtutem non amat.*

FI *Quidam homines affectibus indulgent.*

O *Ergo Quidam homines virtutem non amant.*

*Enthymema quid sit.*

§. 105. Si alterutra præmissarum fuerit adeo evidens, ut in dubium revocari non possit; ea omitti solet, vocaturque syllogismus una præmissarum truncatus *Enthymema*. E. gr. loco syllogismi primi (§. 104.) utimur enthymemate:

Omnes eruditi sunt homines.

Ergo Omnes eruditi sunt mortales.

Etenim propositio major, omnis homo est mortalis, adeo evidens est, ut nemo eam in dubium revocare possit. Quoniam vero minor propositio non minus evidens est, hac omissa ita argumentari licet:

Omnes homines sunt mortales.

Ergo omnes eruditi sunt mortales.

*Syllogismus hypotheticus quoniam sit.*

§. 106. Subinde loco 'propositionis majoris utimur propositione hypothetica, tumque *Syllogismus* dicitur *hypotheticus*, sive *conditionalis*. Duo ejus modi his formulis generalibus continentur:

## I.

*Si A est, etiam B est*

*Sed A est.*

*Ergo etiam B est.*

## II.

*Si A est, etiam B est.*

*Sed B. non est.*

**Ergo**



Ergo nec *A* est.

E. gr. in modo primo ita argumentamur, qui *ponens* dici solet:

Si omnes homines subinde errant, etiam Titius subinde errare potest.

Sed verum est prius, hoc est, omnes homines subinde errant.

Ergo etiam posterius, hoc est, etiam Titius subinde errat.

Nimirum quod primo loco tanquam conditio ponitur, sub qua alterum admittendum, dicitur *antecedens*; quod vero vi illius secundo loco ponitur, *consequens* appellatur. Atque adeo regula modi ponentis est: Posito antecedente, ponitur consequens:

Similiter in modo secundo, qui *tollens* vocatur, ita argumentamur:

Si lapis non est calidus, non calefacit.

Sed falsum est posterius, hoc est, lapis calefacit.

Ergo etiam falsum est prius, hoc est, lapis est calidus.

Vel:

Si Titius virtutem amat, praves sodales averfatur.

Sed falsum est posterius, hoc est, Titius praves sodales non averfatur.

Ergo etiam falsum est prius, hoc est, Titius virtutem non amat.

Est adeo regula modi tollentis: Sublato consequente tollitur antecedens.

Enimvero syllogismus hypotheticus facile reducitur ad formam categorici, modo ad con-

conclusionem & medium terminum respiciamus. Ita præcedentes abeunt in eos, qui sequuntur:

## I.

Omnēs homines subinde errant.

Titius est homo.

Ergo Titius subinde errat.

## II.

Nullus lapis, qui non calefacit, calidus est.

Sed lapis hic non calefacit.

Ergo lapis hic calidus non est.

## III.

Quicumque prāvos sodales non averfatur,  
is virtutem non amat.

Sed Titius prāvos sodales non averfatur.

Ergo virtutem non amat.

*Syllogismus  
disjuncti-  
vus.*

§. 107. Dantur etiam *syllogismi disjuncti-  
vi*, in quibus major est propositio disjunctiva,  
feu talis; qua affirmatur, ex pluribus prædi-  
catis unum subiecto tribui debere, non au-  
tem determinatur id, quod tribui debet. Ser-  
vant autem has formas:

## I.

Aut A est, aut B est.

Atqui A non est.

Ergo B est.

vel:

Atqui B non est.

Ergo A est.

## II.

Aut A est, aut B est.

Atqui A est.

Ergo B non est.

vel:

Aqui B est.

Ergo A non est.

## III.

Aut A est, aut B est, aut C est &c.

Sed A est.

Ergo B & C non sunt.

## IV.

## IV.

*Aut A est, aut B est, aut C est &c.*

*Sed A non est.*

*Ergo aut B est, aut C est &c.*

## V.

*Aut A est, aut B est, aut C est &c.*

*Sed A non est, B non est &c.*

*Ergo C est.*

Regula nimirum hæc est: Si propositio disjunctiva duobus constet membris, uno posito tollitur alterum & uno sublato ponitur alterum. Si vero constet pluribus membris, uno posito tolluntur cetera & ceteris sublatis ponitur unum; uno autem sublato ponitur indeterminate ceterorum unum.

Exempla hæc habe:

*Petrus aut pœnitens est, aut in peccatis perseverat.*

*Sed Petrus pœnitens est.*

*Ergo Petrus in peccatis non perseverat.*

*vel:*

*Sed Petrus in peccatis non perseverat.*

*Ergo Petrus pœnitens est.*

*Similiter:*

*Aut Deus est injustus., aut blasphemias punit.*

*Sed Deus non est injustus.*

*Ergo blasphemias punit.*

Syllogismi quoque disjunctivi ad formam Syllogismorum categoricorum in prima figura reducuntur, veluti in nostro casu:

*Quicumque pœnitens est, is in peccatis non perseverat.*

*Sed Petrus pœnitens est.*

*Ergo*

Ergo Petrus in peccatis non perseverat.

Item:

Quicumque injustus non est, is blasphemias punit.

Atqui Deus injustus non est.

Ergo Deus blasphemias punit.

*Syllogismorum usus.*

§. 108. Per hos syllogismos invenitur; quicquid ab intellectu humano inveniri potest, aliisque demonstratur id omne, de cujus veritate convincendi, etsi nec in inveniendo, nec in demonstrando formam syllogismorum constanter intueamur. Qui tamen sufficientem affert ad meditationem & demonstrationem attentionem, eam satis clare percipit. Exempli loco esse possunt scripta mea cum mathematica, tum philosophica, quæ de singulis philosophiæ partibus publici juris feci, ipsa etiam Experimenta, quibus ad solidam naturæ cognitionem via sternitur.

*Forma probationis genuina.*

§. 109. Absit autem ut quis sibi persuadeat probationem unico syllogismo absolvi posse. Quoniam enim conclusio admittitur tanquam vera ob veritatem præmissarum; de veritate ejus certi esse non possumus, quamdiu veritatis præmissarum nondum fuerimus convicti. Tamdiu igitur præmissæ prosyllogismis probandæ, donec ad syllogismum perveniatur, cujus præmissæ sunt vel definitiones, vel axiomata, vel experientię principia clara, vel propositiones antea demonstratæ. Neque opus est ut utraque præmissa in medium adducatur; sed enthymematis utimur (§. 105). Ma-  
the

thematici interdum utramque præmissam  
omittunt, quod una per citationem, altera  
per conspectum figuræ in memoriam revo-  
catur. Est adeo *Probatio* congeries enthymematum inter se connexorum. Conne-  
ctuntur autem syllogismi non modo si con-  
clusio Syllogismi præcedentis sit præmissa se-  
quentis; verum etiam si conclusiones pluri-  
um Syllogismorum instar notionis complexæ  
considerentur ac inde iudicium intuitivum  
formetur, quod in syllogismo sequente præ-  
missam largitur. Illustrant hæcenus dictæ  
demonstrationes geometricæ rite ordinatæ,  
quales in Elementis nostris Matheseos & eo-  
rum Compendio reperies. Dicitur autem  
probatio *Demonstratio*, quæ tandem in de-  
finitiones, experientias claras atque propo-  
sitiones identicas resolvi potest. Notandum  
tamen, non semper opus esse ut in prima  
sua principia demonstratio resolvatur; sed  
subsistendum esse in præmissis, quæ ex prin-  
cipiis primis in anterioribus fuere deductæ.  
Quoniam vero perpauci majestatem nominis  
istius intelligunt; in eam injurii sunt, qui  
imperfectas notiones suas, in quibus cum  
obscuritate incertitudo prædominatur pro  
demonstrationibus venditant. Neque pu-  
randum est significatum voci tribui extra  
Mathesin parum receptum: omnes enim uno  
ore consentunt demonstrationem esse proba-  
tionem, quæ nihil prorsus dubii relinquit.  
Principia igitur assumere non licet, quorum  
veritas nondum in aprico posita est. Principia

pia autem evidentia non habemus alia præter definitiones, experientias claras & propositiones aut identicas aut propositiones ex iis legitime collectas. Nec quisquam negare ausit, per syllogismos in forma vitiosos non colligi propositiones veras.

*Cur syllogismos excolat, aut.*

§. 110. Non dubito fore aliquos, qui mirentur, cur syllogismorum formalium utilitatem prædicem, qui hodie tantum non omnium ludibrio expositi sunt. Eos autem scire velim, me nec veterum placita superstitiose colere, nec in iis esse hospitem, quæ a recentioribus memoriæ prodita sunt; mihi a præceptoribus, quibus usus sum, syllogismorum contemptum fuisse implantatum, ut consueto more tyro riserim non satis intellecta; me tamen seria discussione usum aliam prorsus deprehendisse rei faciem, quam quæ per transfennam eam adspicienti apparuerat, nec cum aliis viris magnis nunc ea defendere pudet ex veritatis amore, quæ suggillantur ab iis, qui ea intimius perspicere non valent. Non jam dicemus de eo, quod cum viris quibusdam profundis in nominibus Barbara, Celarent &c. hodie omnium ludibrio expositis specimen scientiæ perfectissimæ (a) deprehendamus, cum talia cap-  
ptum

---

(a) Scientia hæc consistit in eo, ut res ab imaginibus separentur & apta signorum combinatione menti distincte represententur: cujus exempla in Algebra occurrunt, extra eandem vero in disciplinis aliis hæcenus desiderantur, Plura de illa dicuntur alibi (§. 324. Met.).

ptum eorum superent, quorum gratia hæc scribimus & a quibus nos dissentire profite- mur; sed exemplis tantummodo docebimus, 1. demonstrationes geometricas, ubi expen- duntur, in syllogismos formales resolvi, 2. nec in Mathesi quicquam inveniri nisi per syl- logismos; 3. nec in disciplinis aliis ad demon- strationes veri nominis perveniri nisi per syl- logismos; 4. omni denique errori quantum- vis subtili, syllogismorum ope resisti.

§. III. In Elementis Geometriæ Germa- nicis §. 101. sequens theorema; cum de- monstrazione sua continetur: *In omni trian-*



*gulo ABC tres, qui in eo sunt anguli, sunt formales. aequales duobus re- ctis.*

### DEMONSTRATIO.

Ducatur per verti- cem trianguli C recta DE basi AB parallela; erit  $1 = I$  &  $2 = II$ . (§. 97.) Jam vero  $I + 3 + II = 2$  rectis (§. 97.) Ergo  $I + 3 + 2 = 2$  rectis. *Q. e. d.* Hanc demonstrationem si quis animo distin- gte concipit, ut veritatis convincatur; is eam in syllogismos formales actu resolvit. Figura enim conspecta patet; Angulos I & I esse alternos intra parallelas AB & DE. Vi citationis ex §. 97. sumit, omnes angulos al- ternos intra parallelas esse æquales. Inde colligit, Angulos I & I esse inter se æquales. Ecce tibi syllogismum formalem primum, (Wolffii Logica.) F quem

*Resolutio  
demonstra-  
tionis geo-*

*Syllogismos  
in eo sunt anguli, sunt formales.*

quem animo concipere tenetur, quicumque convictus admittere debet, angulos I & 1 esse inter se æquales. Eodem modo ulterius progreditur & ad figuram respiciens denuo hoc format iudicium intuitivum: Angulos II & 2 esse alternos intra parallelas AB & ED. Citatio ex §. 97. denuo insinuat, omnes angulos alternos intra parallelas esse inter se æquales. Et hinc colligit, angulos II & 2 esse inter se æquales. Ecce tibi syllogismum formalem secundum, quem animo concipere tenetur, quicumque convictus admittere debet, angulos II & 2 esse inter se æquales. Ad figuram respiciens ulterius hoc format iudicium intuitivum, Angulos I, 3 & II consistere super eadem recta DE ad idem punctum C. Citatio ex §. 59. insinuat, omnes angulos super eadem recta ad idem punctum constitutos esse æquales duobus rectis. Unde colligit, angulos I, 3 & II simul esse æquales duobus rectis. Ecce tibi syllogismum formalem tertium, quem animo concipere tenetur, qui convictus admittere debet, angulos I, 3 & II simul esse æquales duobus rectis. Ad ea, quæ demonstrata sunt, oculos convertens observat angulos 1 & I, itemque 2 & II esse inter se æquales. Vi notionis æqualitatis communis agnoscit, angulos æquales sibi mutuo posse substitui salva quantitate. Hinc infert, angulum 1 posse substitui pro angulo I, & angulum 2 pro angulo II salva quantitate, hoc est, ut perinde sit ac si substitutio facta non



non fuisset, adeoque videt, facta substitutione angulos, 1, 3. & 2 adhuc duobus rectis æquales esse debere. Ecce tibi syllogismus formalem quartum, quem animo concipere tenetur, qui convictus admittere debet, angulos 1, 2 & 3 simul esse duobus rectis æquales. Demonstratio itaque quatuor syllogismis formalibus constat, quorum præmissæ ideo omittuntur, quia partim per citationes, partim per conspectum figuræ, partim per contemplationem eorum, quæ demonstrata sunt, in memoriam revocantur. Quæro igitur ex unoquoque, annon fateri cogatur nisi conscientiæ contradicere velit, nullam præmissarum prætermitti posse, ubi demonstratio distincte comprehendi debet? Quicumque sibi metipsum attendit, is manifesto deprehendet, se singulas præmissas, quibus syllogismus unusquisque formalis constat, ad animum revocare, utut propositio minor formetur loco priore, major autem posteriore. Et si quando accedit, ut aliquam præmissarum distincte non expendat; severiori tamen attentione usus animadvertet, confusam ejus menti obversatam fuisse notionem, quod discrimen patet per ea, quæ (§. 13.) de notionis distinctæ a confusa differentia docuimus.

§. 112. Equidem facile prævideo, contentores syllogismorum formalium opposituros, per eos nihil inveniri posse, quod antea cognitum non erat, cum conclusio, quæ inveniri debet, cognita atque perspecta

*Syllogismus  
formalis  
in  
inveniendo  
usus.*

esse debeat, antequam syllogismus formari possit. Quod igitur inveniendum est, cognitum esse debet, antequam inveniri possit: id quod manifesto absurdum est. Enimvero nonne Syllogismorum origo in superioribus (§. 89. 91.) tradita & quotidiana, immo momentanea ipsius vulgi experientia (§. 334. *Met.*) aperte loquitur, præmissas nobis perspectas esse & simul animum nostrum subire posse, antequam de conclusione cogitemus? Non jam dicam de eo, calculum algebraicum universum, quo non modo in Mathesi, sed disciplinis etiam agnatis tam multa nova hodie deteguntur, ex meris syllogismis formalibus componi; sed in præsentī ostendisse suffecerit, quomodo theorema geometricum, cujus demonstrationem modo expendimus (§. III.), nonnisi per syllogismos formales olim fuerit repertum. Ponamus enim me investigare debere, quanta sit summa trium, qui triangulo sunt, angulorum 1, 2. & 3. Ars inveniendi nobis insinuat, quantitatem angulorum incognitorum per comparisonem cum angulis datæ quantitatis determinandam esse. Vi propositi liquet, angulorum, 1, 2 & 3 quantitatem esse incognitam. Unde colligimus, quantitatem angulorum 1, 2 & 3 simul sumtorum per comparisonem cum angulis datæ quantitatis determinandam esse. Quoniam itaque recorder, lineas parallelas exhibere angulos inter se æquales; duce syllogismo præcedente per verticem trianguli C

cum

cum basi AB duco parallelam DE. Hoc pacto ratiociniis liberum campum aperuimus. Procedunt autem ratiocinia eodem prorsus modo, quo in demonstratione legitime expensa (§. 111.), ut adeo eadem huc transcribi supervacaneum existimari debeat. Ecquis igitur negare audeat, præmissam utramque nobis cognitam esse posse, antequam conclusio innotuerit, & utramque nobis succurrere, ut conclusio inde inferri queat (§. 95.)? Syllogismi adeo formales sunt utique medium inveniendi veritatem, & si ea attentione utamur, quæ ad præcavendum errorem in ratiocinando sufficit, ut in errorem incidamus fieri haudquaquam poterit. Quod vero idem sit syllogismorum extra Mathesin usus, duo capita proxime sequentia aperte loquuntur.

§. 113. Ostendendum nunc porro erit, *Modus* *pervenien-*  
 uomodo syllogismi formales ad demonstra-  
 ones extra Mathesin nos manuducant. *Edi ad de-*  
 r. methodo geometrica demonstrandum est, *monstra-*  
 erem habere vim elasticam: quæ propositio *tionis ex-*  
 er experientiam nobis innotuit. Nimirum *tra Ma-*  
 pauculum aëris in vesica continetur, cuius *thesin,*  
 illum arte contractum, ne eidem ullus pa-  
 at exitus, & vesica sub campana vitrea su-  
 ensa aër ambiens ope antliæ pneumaticæ  
 moveatur; aër in vesica inclusus eam ex-  
 ndit non secus ac si plus aëris inflaretur.  
 im primum probatio ab experimento pe-  
 i in syllogismos formales resolvitur, ex-  
 mplo liquet, quomodo in formam de-

monstrationis geometricæ sit redigenda. Experimentum sequentem suppeditat Syllogismus:

Quicquid expanditur sublata resistantia, id vim elasticam habet.

Sed aer expanditur, sublata resistantia.

Ergo aer vim elasticam habet.

Propositio major novo syllogismo probanda, cujus medius terminus est definitio vis elasticæ. Vocamus autem Vim elasticam nisum continuum sese expandendi. Quare porro argumentamur:

Quicquid continuum exerit nisum sese expandendi, id vim elasticam habet.

Quicquid sese expandit resistantia sublata, id continuum conatum exerit sese expandendi.

Ergo quicquid sese expandit resistantia sublata id vim elasticam habet.

Propositio major est definitio nominalis, quæ cum sit arbitraria ulterius probari nequit. Propositio equidem minor ulterius probari potest: quoniam tamen per experientiam innotescit & probatio ad ambages deduceret; *Euclidis* exemplo tanquam notio communis sine probatione instar axiomatis assumi potest.

Propositio minor syllogismi primi, quod aer sublata resistantia expandatur, hoc pro syllogismo probatur:

Quicquid vesicam distendit sublata resistantia, id & ipsum eadem sublata sese expandit.

Sed aer vesicam distendit, sublata resistantia.

Ergo

Ergo aër sublata resistentia sese expandit. Propositionis major perinde ac in prosyllogismo anteriore instat axiomatis absque probatione *Euclidis* exemplo sumi potest. Propositionis minor est iudicium intuitivum ab experimento derivatum. Habemus adeo materiam omnem ad demonstrationem mathematicam requisitam. Ducibus itaque Syllogismis, qui permittuntur, hoc ordine singula proponenda.

## DEFINITIO.

1. *Vis elastica est nifus continuus sese expandendi.*

## SCHOLION.

2. *Si ensis incurvatur, nifus continuus resiliendi ipso tactu percipitur. Ob hunc nifum vis elastica eidem tribuitur.*

## AXIOMA. 1.

3. Quicquid sese expandit, resistentia sublata, id continuum nifum exerit sese expandendi.

## SCHOLION.

4. *Patet id exemplo ensis, quod modo in medium adduximus (§. 2.)*

## AXIOMA. 2.

5. Quicquid vesicam distendit, sublata resistentia, id & ipsum eadem sublata sese expandit.

## EXPERIMENTVM.

6. Si pauculum aëris intra vesicam continetur

netur & ea collo arte obstricto, ne ullus eadem pateat exitus, sub campana vitrea suspenditur, ac ope antliæ pneumaticæ aër ambiens removetur; aër intus contentus vesicam distendit.

### COROLLARIUM.

7. Quoniam aër intus contentus vesicam distendit, ambiente externo remoto; aër externus ambiens impedit, quo minus intus contentus vesicam distendat, consequenter is vesicam distendit resistentia sublata.

### THEOREMA.

8. *Aër vim elasticam habet.*

### DEMONSTRATIO.

Aër vesicam distendit, cui inclusus est, resistentia sublata (§. 7.), adeoque & ipse intra eandem expanditur (§. 5.) Quoniam itaque continuum sese expandendi conatum exerit (§. 3.); ideo vim elasticam habet (§. 1.) *Q. e. d.* Quoniam in singulis philosophiæ partibus propositiones singulæ ex definitionibus legitimis & judiciis intuitivis ab experientia elara derivatis continuo earum nexu probantur; haud difficili labore plura exempla in eandem formam rediget, cui volupe fuerit in demonstrando vires suas periclitari.

*Usus syllogismorum  
in evitanda  
errore.*

§. 114. Quod denique ope syllogismorum formalium error quicunque evitari ac detegipossit, in quonam consistat, evidenter admodum demonstratur. Etenim si probatio in syllogismos formales resolvitur, extemplo patet, num ratiocinia sint in forma legitima; num

numquædam sine probatione sumantur, quæ probari debent; num termini sufficienter explicantur, num denique judicia intuitiva ab experientia clara deriventur.

§. 115. Quamvis vero usum syllogismo-<sup>Cur in di-</sup>  
rum formalium commendaverim, quemad-<sup>scursu syllo-</sup>  
modum decet; non tamen hæc ita capienda<sup>gismis for-</sup>  
sunt, quasi syllogismi formales in continua<sup>malibus</sup>  
serie constanter sint recensendi Sufficit<sup>non sit u-</sup>  
enim nihil afferri, nisi quod legitima forma<sup>tendum.</sup>  
colligitur, præmissis omissis, quæ per cetera  
in discursu obvia in memoriam revocantur:  
quemadmodum exemplum paulo ante (§. 113.)  
propositum docet, ubi demonstrationem ex  
syllogismis formalibus præmissis deductam  
perpendimus.

§. 116. Subinde *syllogismi criptici* occur-<sup>Cryptis</sup>  
runt, qui cum sint legitimi forma ta-<sup>syllogismo-</sup>  
men omni destitui vel regulis syllogismo-<sup>rum.</sup>  
rum adversari videntur (§. 10. 12.) Syllogismi  
criptici exemplum sequens est:

Virtus est laudanda.

Taciturnitas in virtutum numerum recte  
refertur.

Taciturnitas itaque constanter commen-  
danda.

Non multa enim attentione usus intelligit,  
in propositione minori & conclusione ter-  
minos æquivalentes substitui iis, quos forma  
syllogismi postulat, atque syllogismum cry-  
pticum huic in forma legitimo æquipollere.

Virtus est laudanda.

Taciturnitas est virtus.

F 5

Ergo

Ergo Taciturnitas est laudanda.  
Ad syllogismos Crypticos hic quoque referendus:

Virtus est habitus promovendi salutem suam.

Temperantia est habitus promovendi salutem suam.

Ergo Temperantia est virtus.

Æquipollet enim sequenti:

Omnis habitus promovendi salutem suam est virtus.

Temperantia est habitus promovendi salutem suam.

Ergo Temperantia est virtus.

Plures dantur syllogismorum crypticorum species, quos in arte syllogistica exercitatus facile dijudicat, ubi eos ad formam legitimam reducit.

*Consequentia immediata.* §. 117. Subinde ex unica præmissa conclusio colligi videtur: quod argumentandi genus *consequentia immediata* appellatur. E. gr. Si quis ita ratiocinatur:

Triangulum est figura.

Ergo qui triangulum describit, is figuram describit.

tum ex præmissa unica conclusio inferri videtur. Facile autem apparet, ope propositionis prioris ad posteriorem perveniri non posse, cum alias posterior animum subire deberet, dum primam auditu percipimus. In quibusdam casibus consequentiarum immediatarum idem evidentius patet. E. gr. Si ita ratiocinamur:

Omne



Omne animal sentit.

Ergo. Quædam animalia sentiunt: consequentia immediata, quæ dicitur, est enthymema, in quo propositio minor, quædam animalia sunt animalia, omittitur. Obiter hic observo, propositionem, quæ omittitur, esse identicam (§. 86.), sicque apparere propositionum identicarum inevitabilem in ratiocinando usum. Si quis plures demonstrationes in syllogismos formales resolvit, is cum in Mathesi, tum extra eandem exempla istiusmodi plura deprehendet. Logomachia evitanda gratia monemus, tum propositionem unam ex altera stylo nostro sequi, si fieri potest, ut altera mentem nostram subeat, dum unam cogitamus. De consequentiis hisce immediatis plura traduntur in Cogitationibus rationalibus de Deo, Mundo & Mente humana (§. 354. & seqq.) atque in Logica Latina (§. 445. & seqq.)

## C A P U T V.

*De Experientia & judiciis ac notionibus  
a posteriori eruendis.*

§. 118.

**E**xperiri dicimur, quicquid ad perceptio-  
nes nostras attenti cognoscimus. E. gr. quid dicas  
Candela accensa corpora circumjuncta in con-  
spectum prodire; aqua effusa mentam made-  
fieri, flamma candelæ chartam accendi &c.  
experimur. *Judicium*, quod experientia  
duce

duce formatur, *intuitivum* appello, ut distinguatur ab altero, ad quod ratiocinando pervenitur, quodque *discursivum* nuncupo.

*Officium ad  
experien-  
tiam pro-  
vocantis.*

§. 119. Quoniam nonnisi singularia percipimus; experientia singularium est seu propositionibus singularibus constat, quarum subiectum est individuum quoddam. Ad experientiam adeo provocans casum singularem in medium afferre debet, nisi talis vel obvius sit vel alteri, cum quo nobis res est, notus, ut rem alias sæpius perceptam facile sibi in memoriam revocare possit. Ratio duplex est, nimirum ut appareat, quænam alteri fuerint perceptiones, cum experientiam consequeretur, utque intelligatur, quomodo perceptionibus istis ducibus iudicium formaverit. Utrumque maxime necessarium est, cum nihil sit frequentius, quam ut in terminis contradictoriis ad experientiam provocent dissidentes.

*Exem-  
plum.*

§. 120. Exemplo dicta illustrare lubet. Si quis affirmat, se gravitatem aëris experientia didicisse; non cuilibet manifestæ sunt perceptiones, ad quas attentus aërem gravem esse cognovit. Quamobrem necesse est, ut casum singularem in medium afferat, quo gravitatem aëris cognovit, veluti quod globum vitreum vel cupreum magnum operantiæ pneumaticæ ab aëre evacuatum ad bilancem appenderit, & aëre in eum admissio, æquilibrium tolli didicerit. In hoc enim experientia proprie loquendo consistit: propositio yero, quod aër sit gravis, inde collecta fuit.

fuit. Quod si vero quis experientia fretus sumit, aqua effusa mensam madefieri; superfluum utique ac inutile foret casum singularem commemorari. Cum enim id ipsum quotidie accidat nemo sane erit, qui idem non aliquoties fuerit expertus. Et, si vel maxime fuerit aliquis, qui idem nondum sit expertus; nullo negotio aquam super mensa effundere potest visurus, quomodo madefiat.

§. 121. Ex exemplo modo allato liquet, *Quomodo experientia a judiciis inde illatis distinguenda.* non omnes propositiones, quas ex experientia collegerunt, ab experientia distinguere, sed illas sæpissime pro hac venditare. Illi profecto, qui in terminis contradictoriis ad experientiam provocant, non experientiam experientiae, sed propositiones inde deductas sibi invicem opponunt: id quod fieri haud debebat. Etenim quod quis has habuerit perceptiones, non nisi per testes probare valeret, si qui adfuerint atque adeo jure exigit, ut ipsi fidem habeamus. Illud autem a nobis exigere nequit, ut ipsi credamus, quod legitime fuerit ratiocinatus: etenim quomodo ratiocinatus fuerit, per leges syllogismorum dijudicari debet, cum nihil sit frequentius, quam ut in formandis judiciis a posteriori *vitium subreptionis* committatur, quonobis experiri videmur, quod minime experimur. Dedimus ejus exemplum in *Metaphysica* (§. 529.)

§. 122. Experimur vero vel res ipsas easque attributa, aut mutationes, quibus *Experientia casus varii.* subjiciuntur, aut mutuas in se invicem atti-

ones. In casu primo notiones rerum perceptarum formamus, quemadmodum supra (§. 5. & seqq.) docuimus, vel etiam propositiones de earum attributis, veluti quod aër sit elasticus: in casu altero propositiones de mutationibus, quæ rebus accidere possunt, veluti quod aër calore rarefiat; in tertio denique propositiones de potentiis rerum veluti quod aër hemisphæria evacuata comprimatur, obtinemus. Et hoc pacto iudicia intuitiva formantur (§. 118.)

*Modus  
attributa  
rei agno-  
scendi.*

§. 123. Per *attributum* intelligo id, cujus ratio sufficiens in essentia rei continetur, cur eidem insit, seu quod ei ideo convenit, quia hanc essentiam vel definitionem habet. E. gr. attributum trianguli est, quod tres habeat angulos. Numerus enim ternarius angulorum triangulo propterea convenit, quia tribus lateribus terminatur. Ex eo liquet, rebus tamdiu sua convenire attributa, quamdiu essentia ejus subsistit, consequenter quamdiu ipsa mer existit. Ne igitur in attributorum numerum referamus, quod ex eodem eximendum de mediis cogitandum est, quorum ope attributa a ceteris, quæ rebus insunt, distinguantur. Primo loco hic repetenda sunt quæ supra (§. 42.) inculcavimus, cum de definitionibus nominalibus ageremus. Interdum scilicet in nostra potestate positum est, ut res istas, de quarum attributis quæritur, ex contiguitate rerum ceterarum alium in locum transferamus, ubi ipsis res aliæ a prioribus prorsus diversæ contiguæ fiunt. Atque tum haud difficulter patet, utrum ratio ejus,

3, quod rei ex uno loco in alterum trans-  
e convenit, extra eam, an in ea contine-  
r. E. gr. Si ceram Soli aut calori cui-  
que expositam mollem deprehendo, ex-  
turus utrum mollities ejus sit attributum,  
vero modus, eam ex loco calido in fri-  
lum, in cellam puta, transfero: ubi eam  
ram fieri observo. Recordatus itaque in-  
merum attributorum referri minime pos-  
sue rei constanter non insunt, inde colligo  
(104.), mollitiem non esse ceræ attribu-  
n, consequenter ubi mollis ea fuerit, cau-  
i mollitiei inter res eidem contiguas quæ-  
dam esse, veluti in nostro casu in radiis  
aribus quibus ea exponitur. Ex adverbo  
is durus est, quamdiu lapidis essentiam  
det, quemcunque in locum deferatur.  
are cum durities eidem constanter insit,  
ordatus in attributorum numero esse, quæ  
stanter insunt, inde colligo (§. cit.), du-  
em esse attributum lapidis.

§. 124. Quod si fieri non possit, ut res *Modus*  
loco uno in alterum transferatur; an alio *secundus.*  
npore, quo res contiguæ aliæ a prioribus  
prehenduntur, idem adhuc insit quod ali-  
inerat, dispiciendum est. E. gr. Si quis  
lem orientem, vel occidentem ovalem ob-  
vat, expectandum est, donec supra hori-  
item ad aliquam altitudinem ascenderit: in  
t enim altiori figuram ovalem cum rotunda  
nmutari eamque perdurare experietur.  
ne autem colliget, figuram ovalem, quæ  
i i horizontem constituto subinde conve-  
nit,

nit, non esse ei propriam : etenim eo ipso tempore, quo nobis in horizonte apparet, alibi verticalis est, cumque nostro vertici propius accessit, alibi in horizonte constituitur, quemadmodum ex Geographia constat. Eadem est ratio, ubi ceram in aëre calido mollem, alio deinde tempore in frigido duram deprehendo.

*Modus tertius.*

§. 125. Nonnunquam ratiociniis dirimendum, utrum quid sit rei attributum, nec ne. Investigandæ sunt notiones distinctæ tum prædicati, de quo quæstio, tum rerum cæterarum contiguarum (§. 19.) Ex illarum enim notionum collatione patebit, an a contiguis pendeat, quod rei inesse deprehenditur. Palam nimirum fiet, utrum ratio, cur quid rei insit, in ipsa, num extra eam in re quadam alia contineatur. Sæpius sufficit notionem distinctam ejus, quod rei inesse deprehenditur, atque rei, cui inest, investigari, ut manifestum sit, quod quærebatur. E. gr. observans lignum findi perpendo, quid hoc sibi velit, nimirum quod lignum plus dividatur, quam culter aut cuneus adactus dividit. Quodsi jam porro lignum considero, ipsum ex fibris secundum longitudinem protensis compositum deprehendo. Atque ita facile perspicio rationem, cur lignum findi possit in ipso ligno reperiri, consequenter quod lignum findi possit inter attributa referendum esse. Ut plurimum non multa meditatione opus est, ut idem dijudicetur sed per se liquet, rationem in rebus contiguis minime.

conti-

contineri, cur quid rei cuidam insit. Exempli loco est gravitas corporum & elasticitas aëris. De utroque patet, res alias circumstantes, quæ una cum istis in sensus occurrunt, ad eam nihil conferre. Fieri tamen potest, ut casus offerantur, in quibus regularum usus indispensabilis.

§. 126. Si qua res in altera mutationem causatur & mutatio oritur, quamprimum una alteri sit contigua, aut materia una alteri commiscetur; dubium nullum superest, quin una sit causa mutationis in altera factæ. *Quando causas mutationum experiamur.* E. gr. Si tempore æstivo cera Soli exposita liquefcit; nullum dubium superest, ceram calore Solis fuisse liquefactam: Si oleum vitrioli cum aqua miscetur & limatura Martis injecta solvitur, bullis & vapore sulphureo ascendentibus; dubium nullum superest, oleum vitrioli esse causam solutionis Martis. Similiter si quid Cajus narrat & Titius vultum mutat, quemadmodum ab indignabundo fieri solet; dubium nullum superest, quin Caji Sermo sit causa vultus ac gestus rædiosi Titii. Eodem modo experimur, aërem calore rarefieri (§. 133. T. I. Exper.), Diabolos sic dictos Cartesianos compressione ad descensum in aqua adigi (§. 17. T. II. Exper.)

§. 127. Enimvero ut certi reddamur, rem *Causa*, quandam mutationis in altera factæ causam *qua hic solitariam esse; omni cura inquirendum, an utendum.* non earum, una, vel utraque jam ante mutationem aliquam passa fuerit, sine qua præ-  
(*Wolffii Logica.*) G via

via altera non fuisset subsecuta; immo num alia præterea causa ad mutationem istam concurrat. Exemplum afferre lubet, quod experientia domestica suggerit. Pervulgatum est, ex ligni Brasiliensis frustulis aquæ injectis extrahi colorem rubrum. Enimvero cum aliquando uterer vitro, in quo aliquando solutio Martis ab oleo vitrioli facta fuerat, non ruber, sed violaceus quidam color extrahebatur. In aqua igitur mutatio insolita accidebat, propterea quod jam antea mutationem quandam passa fuerat a particulis soluti Martis, quæ parieti vitri adhæserant. Similiter fieri potest, ut Titium verba Caji offendant, vel quia jam habet animum ad indignationem dispositum, atque adeo ad iram pronior est quam alias foret, vel quod alius quidam præsens sit, quem ignorare ea vult, quæ a Cajo narrantur, vel aliis etiam de causis. Apprimè igitur necessarium est, ut status rei exploretur: id quod variis modis præstatur, quos pro diversitate circumstantiarum singularium in dato casu facile agnoscit in meditando exercitatus. Neque hic negligendum est, quod sæpissime cum vires causæ, tum effectus exacte metiri debeamus, antequam constare certo possit, causam istam solam eidem producendo sufficere: id quod vero nonnisi eorum est, qui inter Geometras eminent. Exempla in Elementis Aërometriæ occurrunt, quæ primum figillatim edita deinde Elementis Matheseos universæ inserta fuere. Aliqua etiam offert



philosophia experimentalis, quam tribus Tomis complexus sum, eaque talia, quæ ab eo intelligi possunt, qui nonnisi Arithmetica & Geometriam elementarem communem didicit.

§. 128. Subinde mutationes rerum percipimus, latentibus causis. Observamus vero, ens vel constanter, vel sapissime cum rebus aliis simul existere. E. gr. Nemo non observat tempestatis mutationes; sed causæ in sensus minime incurrunt. Mutationes tempestatis cum Calendario conferentes deprehendunt, eandem tempestatem iisdem phasibus Lunæ & aspectibus planetarum coexistere. Cavendum tamen, ne inde inferatur, phases Lunæ & aspectus planetarum esse causas tempestatis. E. gr. non ita argumentari licet; Illo die pluebat, isto die pluebat, hoc die pluit. Illo die hic erat aspectus planetarum, isto die erat hic aspectus planetarum, hoc die est hic aspectus planetarum. Ergo aspectus planetarum est tempestatis causa. Fieri enim potest ut duo coexistent constanter, vel quia a communi causa pendent, vel casu. Ranarum coaxatio & gemmarum ex arboribus protractio verno tempore eandem habent causam, calorem æmpe aëris, atque ideo constanter conjunguntur. Ecquis vero inde colliget, ranas corcando ex arboribus folia protrudere? Similiter vigilēs nocturni semper in plateis obambulant, dum noctu incendium suboritur, et gladio quis interimitur. Ecquis vero

*Quid ex rerum quarundam coexistentia colligendum?*

hinc colliget, vigiles nocturnos esse incendii vel cædis causam? Sit itaque ita, ut vel centies pluat, eodem planetarum adspectu; nullo tamen ratiocinio legitimo inde inferes, adspectus planetarum esse pluviae causam, Hæc tamen consequentia legitima est: Si duo sæpius coëxistant & eorum uno existente alterum simul existere non observetur, nullo licet præsentē obstaculo, quod effectum prioris, impedire potuisset; prius posterioris causa esse nequit. Idem facilius colligitur, si effectus quidam contingit, altero tamen, quod causa ejus esse perhibetur, absente. E. gr. Adspectum non esse causam tempestatis datæ apparet, quod eadem tempestas observetur adspectu alio, vel nullo.

*Cautio circa experientiam adhibenda.*

§. 129. Apprime autem necessarium est, ut, qui experientia duce rerum cognitionem sibi comparare studet, quæ minime quotidiana experitur in diario circumspicte consignet, singulasque circumstantias probe perpendat. Inprimis si pro arbitrio nostro combinavimus res alias non concursuras, hoc est, si experimentamur, certi esse possumus, nos omnes determinaciones subjecti quam accuratissime observasse, ubi experimentum alio tempore repetimus sive ipsi, sive per alios. Exempla huc spectantia reperies in Experimentalī philosophia, quam tribus tomis explicatam dedimus.

§. 130. Quodsi in experimento quodam *Quid in*  
 res plures concurrant; utriuscuque attri- *experimen-*  
 buta primum sigillatim expendi juvat, ut ap- *sando uti-*  
 pareat quid ex iis sequatur: quo facto inter *liter obser-*  
 se conferenda, quæ sigillatim deducta fue- *vetur.*  
 re. Hac ratione innotescet, an inter causas  
 numeretur, quod ex earum numero exulare  
 debeat, & quidnam unaquæque illarum ad  
 effectum conferat. E. gr. Pulvis pyrius ex  
 sulphure, carbonibus & sale petrae invicem  
 permixtis præparatur. Inquisiturus, num  
 tria hæc simul ad pulverem pyrium præpa-  
 randum sint necessaria & quid unumquodque  
 ad effectum pulveris pyrii conferat, primum  
 examinare debet, quid Sulphuri, carboni-  
 bus & Sali petrae ab igne accidat. Mox  
 Sulphur cum carbonibus, sulphur cum sale  
 petrae & Sal petrae cum carbonibus permisce-  
 tur, ut intelligatur, quid singulis mixtis ab  
 igne accidat. Tandem denique tribus si-  
 mul commixtis reperio, quemadmodum in  
 Elementis Pyrotechniæ docui, singula ista  
 miscibilia mixtum ingredi debere, & quid  
 unumquodque eorum ad effectum pulveris  
 pyrii conferat; nimirum carbo instar fomitis  
 ignem concipit atque cum Sulphure sal pe-  
 trae liquefacit, flamma sulphuris in causa est,  
 ut sal petrae in vaporem resolutum eidem  
 permisceatur & una ascendat, Sal denique  
 petrae flammæ vim elasticam confert.

§. 131. Neque hic prætermittendum, *Modus*  
 res sæpissime alias esse, alias apparere. Ca- *evitandi*  
 vendum itaque, ne judicium deproperantes *fallacias*  
*sensuum.*

sumamus res tales esse, quales apparent. Ex hoc enim fonte plurimi propullularunt errores, incremento scientiarum valde noxii & a viris eruditissimis acerrime defensi, quod experientiam penes se stare arbitrarentur. Manavit hinc præconcepta plurimorum opinio, quod terra in centro mundi collocata sit unicum creaturarum rationalium habitaculum; quod cælum fornicis vicem sustineat & Sol cum stellis universis 24. horarum intervallo circa illam revolvatur. Quamobrem utile est addisci leges quas sequuntur sensus: quo fine Opticæ ac Astronomiæ haud proleteria danda est opera. Multus quoque est philosophiæ experimentali usus, quam me tribus tomis explicatam dedisse paulo ante monui (§. 129.)

*Modus  
eruendi a  
posteriori  
propositio-  
nes univer-  
sales.*

§. 132. Licet autem experientiæ non sine nisi singulare (§. 119.); propositiones tamen singulares haud difficulter in universales convertuntur, modo ad omnes circumstantias, sub quibus aliquid factum est, sollicitè attendamus (§. 78.) Quicquid enim in natura rerum existit, id agit & patitur vi essentiae & circumstantiarum extrinsecus superadditamentorum. Quando itaque essentia & circumstantiæ extrinsecæ eadem sunt, idem & agunt, & patiuntur. E. gr. Si expertus sum, ex fonte saliente aquam vi aëris compressi ejici; non est quod dubitem, idem quoque in alio casu futurum, ubi aër compressus aquam urget. Similiter si semel expertus sum, ex judicio de bono sibi præ-

senti

sente enasci gaudium ; non est quod dubitem, idem quoque in alio casu simili even-  
turum. Quodsi enim parum circumspe-  
ctus exempla in contrarium proferre conaretur, haud difficulter ostenderetur, judi-  
cium de bono præsente non esse certum, sed  
dubiis obnoxium. Cui philosophiam no-  
stram experimentalem attenta mente perlu-  
strare volupe fuerit ; is abunde perspiciet,  
quomodo ex iis, quæ experimur, veritates  
universales deduxerimus.

C A P U T VI.

*De propositionibus ex definitionibus  
inveniendis & resolutione  
problematum.*

§. 133.

**A**Xiomata & postulata ex unica definitione  
deducuntur (§. 86.) Non alia igitur *Modus in-  
veniendi a-  
xiomata &  
postulata.*  
re opus est, quam ut notiones distinctas eo-  
rum venemur, quæ in definitionibus conti-  
nentur, easque tum in se consideremus, tum  
inter se conferamus. E. gr. Si definitionem  
gaudii perpendo, quod sit affectus ex con-  
victione vel persuasione de bono nobis præ-  
sente ortus ; in notionem convictionis & per-  
suasionis atque notionem boni inquirendum.  
Quoniam itaque ex definitione intelligo, si  
quis agnoscit iudicium de bono sibi præsen-  
te esse falsum, ejus gaudium expirare, &  
ad notionem convictionis attentus perspicio,

si quis sibi convictus videtur, cum non sit eum agnoscere posse suam in judicando præcipitantiam; ex ipsa statim definitione colligo (§. 104.) Si quis sibi de bono præsentē convictus videtur, cum non sit, ejus gaudium expirare potest. Hæc igitur propositio in axiomaticum numerum reponitur. Eodem modo patet postulatum: Si quis, qui de bono præsentē convictus non est, dubius redditur; ejus gaudium expirat.

*Cur propositiones istæ demonstratione nulla habeant opus.*

§. 134. Quoniam itaque illarum propositionum veritatem perspicit ad definitionem attentus; ut demonstrentur opus non est. Ac ideo dicitur, quod demonstratione non indigeant, quod sua luce radient, seu per se claræ sint, quam primum scilicet definitionem intelligimus, unde mediante simplici quodam ratiocinio colliguntur. Negari tamen non potest, si summum tenere volueris rigorem, eos demonstrari posse, ut ut prolixa non sit demonstratio. Enimvero nimius rigoriis molestus esse solet, qui in demonstrationibus rigidis aut parum aut prorsus non sunt versati, hoc est, plurimis.

*Modus inveniendi theorematum.*

§. 135. Theoremata ex plurium definitionum collatione oriuntur (§. 87.) Accidit hoc, si notiones distinctas pervestigemus eorum, quæ in definitionibus continentur, nobisque in memoriam revocamus, quæcunque de rebus istis, ad quas definitiones spectant, vel a posteriori vel a priori alias cognovimus. Ita enim patebit, quid novi hinc colligere detur. E. gr. Gaudium est affectus,

fectus; qui in nobis excitatur, si de bono præsentē convicti nobis videmur. Tristitia vero affectus est, qui in nobis oritur, si de malo præsentē nobis convicti videmur. Ex definitione gaudii intelligitur: Qui gaudio afficitur, eum de bono præsentē actu convictum esse non debere. Ita dum judicamus, memoriam nostram subit, quod, qui de bono præsentē actu convictus non est, malum pro bono reputare queat. Inde colligimus: Qui gaudet, eum malum pro bono reputare posse. Quodsi jam porro nobis succurrat, qui malum præsens pro bono reputat, eum convinci posse, quod malum sit, quod pro bono reputat; hinc inferimus, qui gaudet, eum convinci posse, quod sit malum, quod pro bono reputat. Vi definitionis tristitiæ patet, qui convincitur, malum esse, quod pro bono reputat, is tristitia corripitur. Hinc infertur: Qui gaudet, is tristitia corripitur potest. Hoc modo manifestum est, theorema: Si qui gaudet convinci potest, quod pro bono reputat, pro malo potius habendum esse; ejus gaudium in tristitiam converti potest. Neque vero opus est, ut theoremata inventurus semper a definitionibus exordiar: sumi enim possunt theoremata ex definitionibus, vel observationibus ac experimentis ante deducta. In singulis philosophiæ partibus hac methodo theoremata eruo & si quis demonstrationes mathematicas, in opere præsertim, Latino, ita resolvit, quemadmodum a me in Ratio-

ne Prælectionum Sect. I. c. 2. §. 38. docetur, is abunde perspiciet, ibidem quoque theoremata non alio pacto ex definitionibus derivari.

*Quomodo  
habitus in-  
veniendi  
theorema-  
ta compa-  
retur.*

§. 136. Habitus inveniendi theoremata sibi comparaturus, ab istiusmodi definitionibus Initium capere debet, in quibus pauca continentur & ex quibus deducta theoremata exemplo examinari possunt. Si enim definitiones pauca continent, minore meditatione opus est, quam ubi plura comprehendunt. Et si veritas theorematum inventorum statim examinari potest, inde elucescit, utrum meditando legitime ratiocinati fuerimus, nec ne. Enimvero non alibi reperies definitiones, quibus ista requisita conveniant, quam in Arithmetica & Geometria. Ab his igitur disciplinis initium capere debebant, qui artem inveniendi curæ cordique habent. Si quis elementa Matheseos Latina a nobis conscripta hoc studio pervestigare voluerit (§. 136.) & idem deinceps ad philosophica transtulerit; eum successum spe sua maiorem experturum esse confidimus. Sed tempori committenda sunt omnia, nec quicquam præcipitandum.

*Modus per-  
veniendi  
ad proble-  
mata.*

§. 137. Problema resoluturus investigare debet modum, quo aliquid fieri possit, vel quo quid agendum. Semper adeo præsupponitur tanquam cognitum aliquid efficiendum, vel agendum. Ad ejus vero cognitionem quadruplici modo pervenitur. Et enim ad similitudinem ante cognitorum

tage



tanquam possibile sumitur, de quo nondum constat, utrum fieri possit, nec ne, sed quod demum inveniendum; aut interdum effectus ex aliis veritatibus cognitis deducitur; aut experientiæ fide sumitur.

§. 138. Si quod efficiendum vel agen- *Modus*  
dum pro arbitrio sumitur; notio ejus evol- *primus solu-*  
venda est, ut appareat, quid ad idem requi- *vendipro-*  
ratur. Quo facto in memoriam nobis *blemata,*  
revocanda sunt, quæ de rebus istiusmodi nobis alias innotuere, ut appareat, num in iis occurrat quidpiam, a quo ea præficisci possunt, quæ requiruntur. E. gr. In Ethica sumimus, excitandam esse in homine fiduciam erga Deum. Quod si jam inquisivero, in quonam fiducia erga Deum consistat; eam ex eo eriri reperio, quod convicti simus nosse Deum, quomodo nobis opem ferre debeat, eumque opem nobis ferre posse ac velle. Ea igitur in memoriam revoco, quæ mihi de Deo innotuerunt, ac inter ea reperio, eum esse omniscium, sapientissimum, potentissimum & in creaturas summe bonum. Atque adeo hinc colligo (§. 104.): Nosse Deum, quomodo opem ferre debeat, eum opem ferre posse ac velle. Ex his igitur non multo labore intelligitur: Si quem ad fiduciam erga, Deum perducere volueris, ei ingenerandam esse notionem distinctam omniscientiæ, sapientiæ, potentiæ ac bonitatis divinæ, eumque convincendum, Deo competere attributa ista. In philosophia morali & civili multa admodum problemata hac methodo solvuntur.

*Ejus in  
Mathese  
usus.*

§. 139. Huc etiam referenda sunt problemata mathematica, in quibus ex numeris pro arbitrio assumtis, vel ex punctis & lineis, quæ data supponuntur, inveniuntur numeri alii, aut puncta alia, lineæ aliæ. In istis casibus notiones distinctas numerorum datorum & determinationes punctorum & linearum datas expendimus & ad ea, quæ de iisdem alio tempore cognita fuere attendimus. Ita enim vel in resolutionem quæsitam incidimus, vel eam in potestate nostra positam non esse reperimus. E. gr. Ponamus me sollicitum esse de modo ex Summa duorum numerorum & eorum differentia numeros ipsos inveniendi. Primum itaque perpendo, Summam oriri ex duorum numerorum additione & differentiam ex eorum a se invicem facta subtractione. Hinc porro colligitur, numerum majorem constare ex minore & differentia; Summam ex minore bis sumto & differentia; Unde statim liquet, si differentia a Summa subtrahatur relinqui minorem bis sumtum, consequenter si residuum bisegetur, numerum prodire minorem. Et hoc modo inventa est resolutio sequens:  $\alpha$ ) a Summa subtrahatur differentia;  $\beta$ ) residuum dividatur bifariam: quotus est numerus minor quæsitus. Quamvis itaque problemata istiusmodi per Algebram facilius solvuntur; methodus tamen præsens contemnenda non est, tum quia demonstrationes eorum, quæ per Algebram eruta sunt, more veterum ab  
sol.

solvendæ per eam investigantur; tum quia istiusmodi exempla omnium commodissime tyronibus artis inveniendi exercitia præbent, quæ olim valde proficua expertus cum ad artem inveniendi animum primum applicarem. Probe tamen notandum est, minime consultum esse, ut hic problemata spectemus tanquam ab aliis prorsus independentia: alias enim in ambages incidimus, nec solutiones optimas offendimus. A facillimis itaque capiendum initium, ad difficilia deinceps progrediendum, in his autem dispiciendum, annon illorum in solutionibus horum usus esse possit. In eo enim præsens methodus ab algebraica differt, quod in Algebra problemata considerentur extra nexum cum aliis, aut perpaucis saltem veritatibus; in hac autem methodo solutio ex nexu cum aliis deducatur. Atque ea ratio est, cur celeres dentur per Algebram progressus. Veteres eam ingressi sunt viam, quam hic monstro, & ideo eo usque minime perungere potuerunt, quo modernis pervenire datum.

§. 140. Hactenus dicta qui perpendit si- *Modus*  
mulque ad animum revocat, quæ superius *secundus.*  
(§. 135.) de inventionem theorematum dicta sunt; is me tacente intelliget, resolutionem multorum problematum ex definitionibus & theorematis deduci, etsi nobis non sit propositum eam inveniendi. Nec est, quod miremur id fieri posse, cum quodlibet problema in theorema facillime convertatur.

Etenim

Etenim si resolutio fiat hypothesis, ipsa problematis enunciatio thesis; problema in theorema degenerat. Patet id in exemplo modo proposito (§. 139.) ubi problema in hoc abiit theorema: Si a Summa duorum numerorum differentia eorundem subtrahatur & residuum bifariam dividatur; quotus numerus minor est. In philosophia morali & civili resolutionem multorum, immo plurimorum problematum hoc modo erui. Ita huc pertinet voluntatis emendatio ex natura voluntatis derivata (§. 373. *Mor.*); mores in cibo ac potu capiendi observandi, qui ex aliis principiis antea stabilitis deducuntur (§. 484. *Mor.*); modus docendi liberos pecuniæ administrationem, ex quibusdam principiis moralibus erutus (§. 110. *Polit.*) Immo problema generale, per quod reperi, quæ de liberorum educatione & de Reip. administratione in Politica (c. 3. part. 1. & c. 3. part. 2.) dicta sunt, eodem modo solvi.

*Casus modi  
tertii.*

§. 141. Si naturæ quendam aut artis effectum experientia didicimus; aut præsentem sumus, dum is contingit, eidemque attendimus; aut præsentem quidem sumus, sed non attendimus; aut denique absentes sumus.

*Modus investigandi  
causas efficiendum.*

§. 142. In primo casu causas ad effectum concurrentes omnes cognoscimus, si singulæ in sensum incurrunt: aliquot earum cognoscimus, si tantummodo aliquot in sensum incurrunt. Nullam vero cognoscimus, si nulla in sensum incurrat. E. gr. Si vesica

paucø

o aëre inflata, collo firmiter constricto, i carbonum candentium exponitur; valide distenditur; ut tandem rumpatur.

In hoc casu causas effectus admirandulas oculis usurpo, scilicet carbones dentes & aërem vesicæ inclusum. Quodcui ex polo magnetis australi suspensæ us australis alterius magnetis admovetur; s fugit, non secus ac si impetu quodam i pereretur, cum tamen nihil appareat, od eam abripere possit. Quotiescunque tur causam prorsus nullam sensu percipimus, vel quod nulla in sensum incurrit, l quod attentionem nostram desiderapassi, vel denique quod absentes fueris; status rei ante mutationem & status isdem a mutatione facta probe considerndus; ex eo enim colligitur, quænam adutationem inducendam requisita fueritio, atque adeo minimum constat, talesisse causas, a quibus actio ista proficisci omitt. Quod si ergo animo res nobis conitas recolamus & tales deprehendimus, uibus actio istiusmodi minime repugnat, ratereaque demonstrare valemus ab iis solis, n casum minimum præsentem, mutationem datam proficisci potuisse; non modo causas deeximus, verum etiam quid ad datum effectum contulerint, sicque problema solvimus. E.gr. videmus acum ferream initio more gravium ad horizontem esse perpendicularem, dum polo magnetis adhæret. Quampri- mum vero magnetem alterum admovemus;

ex situ verticali attollitur & in situ ad horizon-  
tem obliquo detinetur. Extemplo adverti-  
mus, opus esse aliqua causa, quæ acum at-  
tollit & in aëre suspensum tenet, ne in situm  
verticalem recidere possit. Quoniam corpus  
solidum nullum adest, cui actiones istæ tri-  
bui possint; causa effectus hujus alia esse ne-  
quit quam fluidum quoddam sensui imper-  
ceptibile, quod flumine suo acum situ ver-  
ticali dimovet impeditque ne in eum recidat:  
recordamur enim, quod corpus solidum e  
fune suspensum a flumine abripiatur, quan-  
tum funis permittit. Observamus porro, a-  
cum in oppositum poli appropinquantis ra-  
pi, atque hinc colligimus subtilissimum il-  
lud fluidum ex polo magnetis acui admoti  
prodire ac rapiditate sua acum abripere, ita  
ut impetus fluminis hujus superet gravita-  
tem acus, minor tamen vi, qua polo alte-  
rius magnetis adhæret. In re difficili exem-  
plum alterum facilius priori superaddo. Ce-  
ram juxta fenestram æstivo tempore colloca-  
tam aliquot horis elapsis ad eam redeuntes  
ita immutatamprehendimus, ut sit in la-  
tum diducta, superficie plana ac lævi prædi-  
ta, atque ligno tenaciter adhæreat. Quod si  
ergo memini me alias expertum fuisse, quod  
materiæ liquefactæ diffuant & superficiem  
planam ac lævem induant, ubi vero congelan-  
tur, superficiem, quam induerunt, retinent &  
corporibus præterea asperis tenaciter adhæ-  
reant, ac insuper in mentem venit, ceram  
facile liquefieri rursusque congelari; haud

obscurè colligo, ceram juxta fenestram collocatam fuisse liquefactam ibi, ubi est (§. 104). Quoniam itaque novi Solis meridiani radios ad fenestram pertigisse & lignum in quo cera posita, colore obscuro illitum esse; confidenter tandem concludo, ceram juxta fenestram collocatam a Sole fuisse liquefactam & hoc recedente rursus congelatam (§. cit.)

§. 143. Cognitis causis, influxus earum detegitur, si partim notiones earundem distinctas perpendamus, partim cetera omnia animo recolamus, quæ de iisdem nobis sunt perspecta, eodem prorsus modo, quo in theorematis investigandis fieri solet (§. 135). E. gr. Si vitrum collo exigui orificii instructum, aqua non prorsus repletum, invertitur, pauculo aëre super aqua relicto; initio guttæ quædam elabuntur, postea vero ne minima quidem ulterius sequitur. Quæritur, quomodo idem fiat. Causæ ad hunc effectum concurrentes sunt aër in vitro super aqua inclusus, aqua in vitro contentus, exiguum vitri orificium & aër externus. De aëre iuccluso in mentem venit, vim ejus elasticam esse in æquilibrio cum pondere totius atmosphæræ, ubi spatium liberum nanciscitur, expandi &, dum expanditur, vim ejus elasticam imminui. De aëre externo meminimus, aquam vel materiam fluidam aliam per vitri orificium exiguum elabi non posse, ut aëri in locum ejus successuro juxta se spatium relinquat, prouti experimur, dum ex vitro pleno guttæ destillant. Porro recordor

*Modus detegendi influxum causarum.*

aërem externum gravitate sua sustinere aquam in tubo vacuo ad altitudinem 32. circiter pedum. Hæc ordine expendens, quem ratiocinandi forma præscribit, reperio, vim elasticam aëris inclusi & gravitatem aquæ simul superare gravitatem aëris externi ad orificium vitri inversi descensui aquæ resistentis, consequenter aquam elabi: dum aqua elabitur aërem inclusum fieri rariorem, sicque vim elasticam imminui, consequenter tantum in vitro aquæ relinqui debere, quantum sufficit ut gravitas ejus vi elasticæ aëris juncta cum gravitate aëris externi æquilibrium constituat, atque adeo cum fieri non possit, ut per orificium exiguum aqua elabatur & aër externus simul irruat, ne minimam quidem guttulam ulterius elabi posse. Prolixitatis evitandæ gratia non eo ordine singula proponimus, quo ex uno colligitur alterum. Quodsi tamen volupe fuerit idem facere, usus syllogismorum formalium palam eria. Notandum tamen (id quod alibi ex instituto trademus) ratiociniis similem inesse confusionem, qualis in notionibus deprehenditur, quæ impedit, quo minus forma syllogismorum perspiciatur. Ceterum qui plura exempla desiderat, is philosophiam nostram experimentalem evolvat: experimentorum enim rationem redditurus eadem utor methodo, quam hic commendo. Quomobrem qui ibidem tradita attenta mente ruminatur, hoc exercitio habitum regulas applicandi sibi comparabit.



§. 144. Ex hæcenus dictis omnibus intel-<sup>Inventoris</sup>ligitur, quo quis plura cognovit, eo plura<sup>requisita,</sup> ab eo inveniri posse. Absit igitur ut tyrones inventorum numero intempestive accedant, antequam ab aliis inventa didicerint! Ad inveniendum tamen utiliter sese præparaturi, aliorum inventa probe intellecta sibi invenienda proponant disquisituri, quomodo ope regularum, quæ præscribuntur, inveniri potuerint. Quod ab uno inventum est, alteri ad ulteriora invenienda inservit, neque adeo contemnendi sunt veteres, qui inter inventores eminent, quod nobis perspecta ignoraverint. Etenim absque illorum inventis ad ea nunquam pervenissemus, quæ ipsis non fuere explorata. Immo si nos ipsorum loco fuisset, ipsi vero nostro fuissent, nos forsan cum ipsis paria non præstitissemus, ipsi vero nobis palmam dubiam reddidissent. Quibus adeo ars inveniendi curæ cordique fuerit, iis suadeo, ut non modo singula in Elementis Mathematicos universæ, sed singulis quoque philosophiæ partibus obvia juxta regulas nostras examinent. Neque vero hic quicquam præcipitato studio agendum, neque de progressu anxios nos esse oportet; sed temporis omnia permittendum. Neque etiam putandum est, in scriptis meis ubivis quæ ad accuratam discussionem necessaria sunt disertis verbis indicari, cum non pluribus utamur verbis, quam quæ sufficiunt ceteris in memoriam revocandis.

CAPUT VII.

De Scientia, Fide, Opinione ac  
Errore.

§. 147.

**I**N Prolegomenis (§. 2) monui, per scien- *Scientia*  
tiam intelligi habitum intellectus, asserta ex *notio*.  
principiis certis & immotis per legitimam  
consequentiam inferendi. Quoniam itaque  
principia ista immota sunt definitiones, axio-  
mata & experientiæ claræ (§. 36. 86. 118),  
demonstrationes autem legitima consequen-  
tia ex iis tandem deducant propositiones per  
se non manifestas (§. 90. 92. 109); scientia in  
habitu demonstrandi consistit & ea scimus,  
quæ demonstrare valemus.

§. 148. Quamobrem cum hactenus de- *Medium*  
monstrationes, quæ nomen suum tueantur, *ad scientia*  
non occurrant, nisi in Mathesi; medium ad *amperue-*  
scientiam perveniendi certissimum est, accu- *niendi.*  
rata & indefessa Matheseos tractatio & me-  
thodi ibidem observatæ ad alia extra Mathe-  
sin, obvia applicatio, quantum quidem da-  
tur. Studio dico: quantum datur. Ne-  
que enim applicatio, methodi scientificæ ubi-  
vis in potestate est, & subinde, ubi in po-  
testate est, ad ambages ducit summum ri-  
gorem observaturos. Quoniam itaque in  
scriptis meis, quæ de singulis philosophiæ  
partibus publici juris feci, sequentia ex ante-  
cedentibus continuo nexu deduco; qui illa  
legitimo ordine, quemadmodum in præfa-

tionibus docetur, legant & relegunt, hoc medio ad scientiam perveniendi secure utuntur.

*Fidei definitio.*

§. 149. Per *Fidem* intelligo assensum propositioni alicui propter testimonium alterius datum. E. gr. Cajus narrat, Sempronium & Titium factos fuisse inimicos: si mihi persuadeo id contigisse; verum esse credo, quod Cajus narrat.

*Objectum fidei.*

§. 150. Fides adeo eorum est, quæ vel facta fuere, vel fieri debent. Reliqua enim demonstrari, atque ideo sciri possunt. Quod vero aliquid factum sit, demonstrari nequit. Testimonio igitur alterius habenda est fides, hoc est, credere id debemus.

*Præcipitantiæ in credendo quomodo evitetur.*

§. 151. Ne tamen fidem præcipitantes decipiamur; duo nobis certa & explorata esse debent, nimirum 1. quod narrans factum ipsemet noverit, nec deceptus fuerit, 2. quod idem non aliter narret, quam quomodo ipsum sese habere novit, ne ipse sit propositum decipiendi alios.

*Requisita ad hoc, ut quis noverit facti veritatem.*

§. 152. Primum inde agnoscitur, si narrans fuerit præsens, cum factum contingeret, omnibus ejus circumstantiis attenderit, nec iis destituatur animi dotibus, quæ ad illud accurate observandum, memoriæ firmiter imprimendum & ordine ac distincte narrandum requirantur; aut si, quod narrat, a teste istiusmodi acceperit certusque fuerit ab ipso procul fuisse propositum fallendi.

*Causæ probabilitatem.*

§. 153. Quoniam nil quicquam facilius accidit, quam ut a narrante quædam adjiciantur,

antur, quædam omittantur, quædam im-<sup>imminuen-</sup>  
mutentur, quemadmodum experientia do-<sup>tes.</sup>  
cemur; probabilitas narrationis decrescit,  
si per plures testes propagatur viva voce, an-  
tequam ad nos perveniat.

§. 154. Inprimis probabilitas decrescit, *Causæ*  
si per longum tempus narratio propagatur, *plures.*  
antequam ad nos perveniat: longo enim  
tempore facile præterea nonnulla oblivioni  
traduntur.

§. 155. Si quis sciens ac volens falsa nar- *Cur quis,*  
rat, ratio aliqua adesse debet cur id faciat: *vera nar-*  
neque enim voluntas per nihilum determi- *rare velit.*  
natur. Jam vero experientia constat, vo-  
luntatem hominis nil appetere nisi sub ratio-  
ne boni, nec adversari quicquam nisi sub ra-  
tione mali. Quamobrem si quis sciens ac  
volens falsa narret, is falsa narratione vel bo-  
ni quidpiam consequendum, vel mali quid  
avertendum intendit.

§. 156. Bonum illud, quod intenditur, *Quomodo*  
vel animi est, vel corporis, vel fortunæ, *integritas*  
idque sive verum, sive apparens: eademque *testis exa-*  
mali ratio est. Inquirendum itaque, num- *minanda.*  
quis ex falsa narratione boni quid sperare,  
vel ex mala mali quid sibi metuere potue-  
rit. Enimvero nemo facile negaverit, id  
exploratu subinde difficile, nonnunquam  
prorsus impossibile esse, cum lateant cir-  
cumstantiæ, ex quibus talia colliguntur.  
Facilior tamen hujus rei evadit dijudicatio,  
ubi habuerimus animum principis morali-

bus ac politicis probe imbutum, quæ in philosophiâ morali ac civili a nobis traduntur.

*Uteriq;*

*anteriorum  
confirmatio,*

§. 157. Præterea probe notandum est, bonum sperari posse malumque metui vel a personis, quibus quid narratur, vel a personis, de quibus quid narratur, aut de personis quæ utrisque certa quadam ratione conjunctæ sunt & lucrum quoddam commune cum ipsis habent. Quamobrem qui sibi cavere studet, ne sit nimium credulus; circumstantias omnes summo cum studio perpendere tenetur; quo denuo principia moralia & politica intimius perspecta conducunt, utpote per quæ bona cum vera, tum apparentia, pro datis circumstantiis determinare licet.

*Quando te-  
stis sit sus-  
pectus,*

§. 158. Quodsi ergo deprehendamus, ex narratione falsa sperari potuisse lucrum quoddam sive verum, sive apparens, ostendere tamen nequeamus, quod, qui quid narrat, ad id animum adverterit; suspicioni minimum locus est, annon falsa narraverit.

*Quando  
suspicio au-  
geatur.*

§. 159. Quodsi ex quibusdam circumstantiis colligatur, probabilius esse, quod ad illud adverterit animum, quam quod de eo non cogitaverit; suspicio major evadet.

*Quando  
suspicio o-  
mnis absit.*

§. 160. Enimvero si nullum prorsus lucrum apparuerit, quod ex falsa narratione sperari potuerit, neque circumstantiæ adsint, ex quibus colligere licet, quod sibi lucrum quoddam imaginatus fuerit; suspicioni nullus prorsus locus superest.

*Requisita.*

§. 161. Probabilitas autem historica non tantum

tantummodo ab autoritate narrantis pendet, <sup>intrinseca</sup> sed sæpissime a circumstantiis quoque rei <sup>probabili-</sup> narratae. Fieri enim potest ut circumstantiæ <sup>tatis histo-</sup> sibi invicem adeo repugnent, ne dubium su- <sup>rice.</sup> perfit ullum, rem ita factam non esse, prout narratur, aut ut minimum veritas narratio- nis merito sit suspecta. Istiusmodi rerum narratarum dijudicatio & discussionem exa- ctam, & circumstantiarum notitiam accura- tam requirit.

§. 162. Quodsi definitiones condamus, <sup>Origo er-</sup> quæ contradictionem involvunt; qualis est <sup>roris.</sup> bilinei rectilinei, quod sit figura plana dua- bus lineis rectis terminata; aut pro iisdem habeamus, quæ diversa sunt, propterea quod per præcipitantiæ differentiam non adver- tamus; aut in syllogismis legitimis utamur præmissis, quæ contradictionem involvunt, aut ex præmissis veris condamus syllogismos illegitimos seu formæ vitio laborantes; pro possibili habemus, quod non est, adeoque *errorem* committimus.

§. 163. Errorem adeo evitaturus notioni- <sup>Media er-</sup> bus distinctis assiduam operam naver, nul- <sup>rorem evi-</sup> lam admittat definitionem nisi ejus realitate <sup>tandi.</sup> evicta, nec concedat præmissam in syllogi- smo, nisi veritatis ejusdem fuerit convictus: caveat sibi præterea, ne in regulas Syllogi- smorum ratiocinando impingat (§. 93. 100.).

§. 164. Secus qui agit, periculo errandi <sup>Vnde peri-</sup> sese exponit & judicium deproperat. Præ- <sup>culum er-</sup> cipiantia ista in judicando commune docto- <sup>randi ori-</sup> rum, multoque magis discipulorum vitium <sup>atur.</sup>

est, partim ex ignorantia verioris Logicæ, partim ex neglectu disciplinarum solide pertractatarum, partim ex impatientia ad rationem attendendi, num in forma legitima sint, oriri solitum (163).

*Origo opinionum.*

§ 165. Quodsi definitiones sumamus, quæ possibiles videntur, & in Syllogismis præmissas admittamus, quæ veræ videntur, etsi eas nec demonstrare, nec experientia indubia confirmare valeamus, in *opiniones* incidimus. E. gr. Quoniam corpora omnia in longum, latum atque profundum extensa sunt & extensio sola superesse videtur, ceteris omnibus præcisis; plerique hodie cum *Cartesio* sentiunt, essentiam corporum consistere in extensione. Ista vero sententia in opinionum numerum referenda: Sumunt enim, quod probare nesciunt, si a corpore removeantur omnia, quæ singulis communia non sunt, nil quicquam superesse præter extensionem; propterea quod præter eam quid relinquatur non videant. Sed quænam, quæso, consequentia est: ubi nil video præter extensionem, ibi quoque præter eam nil esse potest: Similiter plerorumque de causis mutationum in barometro & cum iis connexis tempestatum mutationibus sententiæ, nonnisi opiniones sunt. Immo plerique in Physicis ultra opiniones non progrediuntur: quamobrem & *Hartsockerus* Principia sua Physicæ sub Conjecturarum physicarum titulo recudi iussit.

*Diversi*

§. 166. Quod tamen uni nonnisi opinio est,  
id

id idcirco non omnibus talis habetur. Et <sup>cognitionis</sup> enim quod unus nonnisi probabiliter cognoscitur <sup>gradus.</sup> id alteri evidens esse potest, ut idem vel sciat, vel erroneum esse agnoscat. Ita acumine præditi agnoscunt, opinionem communem de essentia corporis esse errorem, cum potentiam resistendi corporibus omnibus communem esse reperiant, quæ ab extensione minime pendet.

§. 167. Similiter fieri potest, ut opinio- <sup>Gradus a-</sup> nes pro veritatibus demonstratis venditen- <sup>lii,</sup> tur ab iis, qui formam genuinæ demonstrationis animo comprehensam minime habent, neque in meditationibus exercitati sunt, vel rebus discutiendis non temporis spatium sufficiens impendunt. Ita non desunt, qui more geometrico demonstratum esse existimant, essentiam corporum in sola extensione consistere, etsi discussione accurata facta contrarium deprehendatur.

§. 168. Quoniam opinionum demonstra- <sup>In opinio-</sup> tio nobis nulla est, sed in probationibus ea- <sup>nibus ani-</sup> rum quædam sumuntur, quæ sufficienter <sup>mus acqui-</sup> probare non possumus; semper utique ve- <sup>escere ne-</sup> rendum, ne contrarium verum sit. <sup>quit,</sup> Quamobrem in illis acquiescere nequit animus, ubi intelligens ac veritatis cupidus fuerit.



## CAPUT VIII.

*De Viribus tam propriis, quam aliorum æstimandis, utrum veritati investigandæ aut examinandæ sufficiant, nec ne.*

§. 169.

*Dijudicatio virium ad inveniendum requisitarum.* QUoniam nihil inveniri potest nisi ex quibusdam datis & aliis jam cognitis, & ex datis ope jam cognitorum eruitur quod latet juxta regulas, donumque meditandi ad hoc negotium requiritur, quemadmodum ex iis intelligitur, quæ in capitibus præcedentibus de veritate investiganda passim tradita fuere; vires nostras ad veritatem investigandam vel examinandam sufficere agnoscimus, si 1. singula nobis fuerint perspecta, quæ tanquam cognita præsupponuntur; Si 2. regulæ meditandi nobis fuerint cognitæ & 3. in istiusmodi rebus discutiendis jam sæpe fuerimus versati. E. gr. Si machina invenienda sit certæ cuidam functioni destinata; hic quidem præsupponitur non modo ex Matheſi machinarum simplicium theoria sed etiam adæquata variarum machinarum compositarum notio, prætereaque notitia artificiorum, quibus in partibus compaginandis ac alio fine utuntur; inprimis etiam distincta effectus notio, quem machina producere debet. Prærequiritur etiam aliquod in machinis inveniendis exercitium, minimum

num tale, quo quis machinam distincte perceptam sibi inveniendam proposuit, facta disquisitione accurata, quomodo ex fine per eam intento deduci potuerit. Similiter quaestionem decisurus, num natura propria hominem obliget ad aliqua committenda & omittenda, ne aggrediatur opus viribus suis superius, perpendere tenetur, utrum naturam animæ, præsertim appetitus rationalis seu voluntatis, & rationem actionum liberarum earumque differentiam probe perspexerit, nec ne, & in rebus moralibus juxta regulas superius traditas examinandis plurimum jam versatus fuerit. Denique differentiam naturæ & gratiæ expositurus ac utrique terminos suos præfixurus probe considerare debet, num facultates animæ intimius cognoverit & ex Scriptura Sacra gradum perfectionis distincte perciperit, ad quem homo viribus gratiæ adjutus pertingere valet, & num habitum notiones distinctas formandi ac veritates inter se connectendi sibi comparaverit.

§. 170. Fieri equidem potest, ut veritati *Verum veritatis investi-* propositæ investigandæ pares non simus, nil *gatio sit in potestate nostra nec ne.* tamen obstat, quo minus pares evadamus. Ne igitur de facultatibus nostris desperemus, quando quid in iis est; quomodo ad ea perveniatur, quæ præsupponuntur, & num status noster ferat, ut ad ea perveniamus, seria attentione disquirendum. E. gr. *Lockius*, cujus etiam inter nostros celebre nomen est, cum in opere de intellectu humano

mano (a) monuit, tum in litteris ad *Guil-  
elmum Molyneux*, Mathematicum Hiber-  
num aliquoties asseruit, philosophiam mo-  
ralem more geometrico demonstrari posse:  
nec dissensit *Leibnitius* in Animadversioni-  
bus in opus *Lockianum* de intellectu.  
Quamvis vero *Molyneux* serio eum adhorta-  
tus fuerit, ut laborem tam utilem aggrede-  
retur; ipsum tamen ad eundem minime per-  
ducere potuit. Quamobrem si quis alius  
huic oneri humeros suos submittere vellet,  
ne irrito conatu aggredieretur opus ma-  
gnum, juxta nostras regulas ad hæc animum  
advertere teneretur. Philosophiam mo-  
ralem more geometrico demonstraturus me-  
thodum Geometrarum intimius perspectam  
atque cognitam habere, nec ignorare debet,  
quomodo in iis disciplinis applicetur, ubi  
Geometria ad res naturales explicandas  
transfertur, veluti in Optica, Mechanica & A-  
stronomia, in eaque ad res minime mathe-  
maticas applicanda plurimum jam operæ col-  
locaverit necesse est. Quod si ergo perpen-  
dat demonstrationem non fieri, nisi propo-  
sitiones ex notionibus distinctis de quarum  
veritate dubium nullum superest, per syl-  
logismos legitimos continuo nexu deducan-  
tur (§. 109); haud difficulter intelligit, huic  
instituto non sufficere observationes ex con-  
suetudine cum hominibus & historia colle-  
ctas, sed quoniam nobis cum voluntate fle-

ten.

---

(a) lib. 3. c. 4. §. 3. f. m. 251.

Standa negotium est, notiones distinctas facultatum ac operationum mentis requiri. Qui ergo secum habitans novit, se in Mathesi ac veriori Metaphysica, ex quarum illa methodus, ex hac mentis humanæ notitia petenda, prorsus hospitem esse; hinc statim colliget, se tanto labori non esse parem. Quodsi jam porro viderit, rerum suarum statum non permittere, ut tantum in Mathesi ac veriori Metaphysica studium collocet, quantum hic requiritur, tum quod ab aliis negotiis tempus nullum superfit, tum quod destituatur patientia a seriis meditationibus non sejungenda, tum quod ignoret, quomodo de rebus ab imaginibus abstractis meditemur; is profecto abunde convictus est, se oleum & operam perditurum, si opus illud aggrederetur, quod *Molyneux* nullo modo *Lockio* persuadere poterat. Simili modo regulas hic propositas ad exempla anteriora (§. 169) applicare licet.

§. 171. Inprimis si qua a posteriori investiganda, probe considerandum, num in potentia nostra sint experimenta, vel observationes, & num ea dexteritate gaudeamus iisque mediis instructi simus, quibus ad illa opus habemus: id quod regulæ experientiarum superius (§. 122. seqq.) expositæ & circumstantiæ singulares facile insinuant. E. gr. Si investigari debet, utrum fibræ lignæ quotannis ex succo inter corticem ac lignum ascendente generentur, an a reliqua ligni sub-

substantia separentur & a succo nutritio tantummodo dilatentur; variae arbores ad manus esse debent, ex quibus per annum integrum, quoties e re videtur, furculi refecari possunt; observator in anatomia plantarum versatus & microscopiis diverso gradu objecta amplificantibus instructus esse debet. Si cui istiusmodi observationes in potestate non fuerint; is impotentiam suam agnoscat opus est. Eadem tenenda sunt, quando de notionibus distinctis sermo fuerit, quæ reflectendo super rebus praesentibus comparantur, veluti si quis judicare debet, num libro de horologiis scribendo vires sufficiant.

*Num definitiones reales sint in potestate.*

§. 172. Absque hæsitacione definitiones reales aggredi valemus, si per anatomiam & microscopiorum ope structuram corporum organicorum examinare valemus (§. 56). vel rebus praesentibus attendere licet, dum formantur (§. 57). E. gr. Qui microscopiis melioris notæ instructus est, medullam arborum, structuram ligni, modum circulationis sanguinis aliaque similia detegere valet. Qui sibi metipsi attender, dum animus affectu quodam corripitur vel dum actionem virtuosam edit; affectus & virtutis notionem formare valet, si notiones distinctas a rebus perceptis abstrahere didicit (§. 19). Verosimile est, definitiones reales esse in potestate nostra, si non modo definitiones nominales nobis fuerint perspectæ & eorum, quæ in iisdem continentur, notio-

nes

nes distinctas habeamus, sed præterea alia rei datæ præsertim agnata, familiaria experiamur (§. 54), nec desit nobis donum meditando. E. gr. si novero, tumorem esse intumescentiam extraordinariam musculosarum partium corporis, atque intelligam, quales sint illæ corporis partes, & quomodo intumescere queant; causa intumescentiæ ac humoris genesis haud difficulter detegetur.

§. 173. Axiomata & postulata in potestate habemus, si attentione uti didicerimus ac definitionibus fuerimus instructi (§. 133). Quodsi in rebus discutiendis fuerimus versati & definitionibus ac propositionibus multis instructi, theoremata in potestate sunt (§. 135).

§. 174. Problematum resolutio in potestate est, si causarum effectus dati notiones distinctas habemus, ac præterea alia agnata nobis fuerint cognita (§. 138. 143). De resolutione non prorsus desperandum, si notiones distinctas status rerum habemus, qui fuit ante mutationem & post eandem, ac præterea aliorum, quæ iisdem agnata sunt, notitia sumus instructi (§. 142). Exempla capite sexto proposita dicta illustrent. Ceterum hic quoque donum meditando præsupponitur & principia adeo familiaria esse debent, ut quasi sua sponte succurrant, quoties iisdem opus est (§. 169. 172).

§. 175. Eodem modo, quo in vires proprias inquirimus, in vires quoque aliorum inquirendum. Subinde tamen virium alie-

narum dijudicatio impossibilis. Quod enim in nobis intuitive cognoscimus, de aliis per ratiocinia, vel ex eorum scriptis, vel discursu, vel aliorum de ipsis relationibus eruendum.

*Usus regulatum.*

§. 176. Vitandus autem est regularum hætenus expositarum abusus. Id solummodo intendimus, ne jactura temporis facta impeditoque in scientiis progressu aggrediamur onus humeris nostris ferendis impar, utque successus spe frustrati rationem, cur id fiat, detegere valeamus. Absit autem ut quis de facultatibus suis statim desperet, ubi difficultates obijciuntur, quæ quomodo superari debeant non apparet. Audendum enim est aliquid & continuanda industria, donec ope regularum generalium a nobis explicatarum rationes speciales detegantur, cur ad scopum optatum pervenire nobis non detur.

## C A P U T IX.

*De dijudicandis inventis cum propriis, tum alienis.*

§. 177.

*Inventorum ad certas classes reducio.*

CUM quæ cogitari possunt vel definitiones sint ac descriptiones (§. 36.), vel propositiones (§. 75. 76.) vel experientiæ (§. 118.) & propositiones vel axiomata & postulata, vel theoremata & problemata (§. 86. 87.); omnia inventa ad has classes reducuntur &

ex

ex definitionibus supra traditis (§. 36. 89.)  
judicium fit, ad quamnam quod datur sit re-  
ferendum. E. gr. Si quis calorem congeri-  
em esse dicat particularum exiguarum, figu-  
ra admodum acuta præditarum ac motu ce-  
lerrimo agitararum; is definitionem realem  
caloris dare intendit (§. 48.); Quodsi vero  
affirmer, calorem esse ad vitam hominis ne-  
cessarium; quod enunciat, theorema esse  
pater (§. 87.) Similiter si quis dicat, hono-  
rem esse opinionem de perfectione alterius,  
haud obscurum est, ab eo definitionem pro-  
ferri. Quodsi vero affirmer, honorem non  
esse in potestate nostra; ab eo theorema  
enunciari liquet: si denique asserat, Deum  
honoraturos perfectiones divinas solide co-  
gnoscere ac de iis continuo cogitare debere;  
extemplo claret, solutionem problematis  
proferri.

§. 178. Quodsi quis essentiam rei declarare *Definitio*  
intendit, nec nisi proprietates ejus recenset, *num rea-*  
quibus ab aliis sui similibus distinguitur; is *lium & no-*  
definitiones nominales cum realibus confun- *minatum*  
dit (§. 41.) Ita Cartesiani falluntur, sibi per- *confusio*  
suadentes se essentiam animæ declarasse, ubi  
quandam ejus proprietatem in medium affe-  
runt, eam substantiam cogitantem appellantes.  
Non minus falluntur, ubi sibi essentiam cor-  
poris explicasse videntur, ipsum substantiam  
extensam appellantes. Nec melior est Istorum  
conditio, notionem obligationis sibi esse no-  
tam existimantes, dum eam juris vinculum ap-  
pellant,



pellant, quo ad aliquid faciendum vel omit-  
tendum adstringimur.

*Verba are-* §. 179. Qui effectus rerum observant &  
*bus qui di-* causam latentem peculiari nomine insigniunt  
*stinguere* mox nomen loco causæ prolaturi; verba a  
*possit.* rebus discernere nequeunt. Quoniam enim

nomini causæ notio nulla respondet, nisi  
quæ effectus est, cujus causa quæritur; no-  
men causæ, si ab effectu discesseris, est sine  
mente sonus (§. 60). Quoniam vero quis  
sibi persuadet, se causam nosse, ubi nomen  
novit; quod inter res earumque nomina di-  
stinguere nondum didicerit ecquis dubitet?  
E. gr. Scholastici plantarum phænomena  
observabant; scilicet quod nutriantur, quod  
crescant, quod sui simile generent. Cum  
igitur anatomiam plantarum minime intelli-  
gerent; causam illorum animam vegetati-  
vam appellabant. Quot ergo diversos natu-  
ræ effectus in plantis observabant; tot ani-  
mæ huic facultates tribuebant, veluti facul-  
tatem nutrimentum per radices attrahendi,  
facultatem succum nutritium per plantam di-  
stribuendi, facultatem folia & surculos for-  
mandi, facultatem plantulas in seminibus effi-  
giandi. Ablatis notionibus, quæ vi expe-  
rientiæ effectibus responderet, præter verba  
inania cum nihil relinquatur; verba pro re-  
bus venditabant. Postquam vero *Cartesius*  
voces inanes ex philosophia haud infeliciter  
ejecit; viros intelligentes hodie pudet, ani-  
mam pro causa mutationum in corporibus  
plantarum, animalium atque hominum alle-  
gare.

gare. Non dispar est ratio temperamento-  
rum in philosophia morali & in Physica.  
Scholasticorum qualitates occultæ in nume-  
rum terminorum inanum merito referun-  
tur. E contrario sine mente dant sonos, qui  
harmoniam præstabilitam pro termino ina-  
ni venditant (§. 766. *Met.*).

§. 180. Quomodo de notionibus judican-  
dum sit ex capite primo intelligitur. Inpri-  
mis autem considerandum, num quis no-  
tionem pro possibili venditat, antequam  
possibilitatem evicerit (§. 31. & seqq.). Ita  
*Cartesiani* sumunt notionem Dei, quod sit  
ens perfectissimum, antequam ostenderint,  
eam esse possibilem, ut adeo quæ hinc infe-  
runtur omnia sufficienter probata non sint.  
Similiter in Ethica temperamenta sumunt  
multi, antequam ostenderint, talia possible  
esse, qualia describunt.

§. 181. Si quis rem definiturus talia sumit,  
quorum possibilitas nondum evicta, vel et-  
iam talia, quæ num simul eidem subje-  
cto inesse queant nondum constat; definitio in-  
certa est. Quodsi impossibilia sumi contin-  
gat, vel talia conjungantur, quæ simul ei-  
dem subje-cto inesse nequeunt; definitio fal-  
sa est. *Incertum* enim dicimus, quod utrum  
possibile sit, an impossibile nondum de-  
monstratum: *falsum* dicimus, quod possi-  
bile esse affirmatur, cum sit impossibile. E-  
gr. Quidam essentiam aquæ declaraturi par-  
ticulis figuram cylindricam tribuunt. Fi-  
guram hanc sumunt; sed eam illis revera in-

esse demonstrare nequeunt. Ipsorum itaque Definitio incerta est & inter conjecturas referenda. Veteres concoctionem ciborum in ventriculo definituri supponebant tantum in ventriculo calorem, quantus eis in pulvẽm digerendis sufficit. Experientia autem loquitur istiusmodi calorem ventriculo minime inesse. Quamobrem definitio ipsorum falsa est. Si non singula recensentur, quæ ad formationem rei concurrunt, vel quid unumquodque eorum ad eam conferat, non satis distincte exponitur; definitio realis incompleta est. E. gr. Dum in *Bæckleri* Theatro Machinarum omnes quidem machinarum partes distincte delineantur, in earum vero descriptione nonnisi nomina partium recensentur, de earum vero rationibus sive proportionibus, dentium numero rebusque aliis huc spectantibus alium ubique silentium deprehenditur; Illas machinarum descriptiones admodum incompletas esse intelligimus. Denique si in definitione reali nihil occurrit, quod sit impossibile; quicquid ad eam formandam concurret, in ea recensetur, nec quid unumquodque eorum ad eandem confert omittitur; definitio suis numeris absoluta. E. gr. Si quis affirmat, cognitionem intuitivam perfectionis esse voluptatem; paucis hisce verbis omnia indigitat, quæ in mente nostrâ contingunt, dum voluptas in ea oritur, & cui notio perfectionis distincta fuerit, is illum animæ statum alteri explicare valet.

§. 182. Si quid esse aut esse posse cogita-<sup>3. De pro-</sup>  
 mus, quod est aut esse potest, cogitationes<sup>positioni-</sup>  
 nostræ *veræ* sunt. Monuimus vero jam ante<sup>bus.</sup>  
 (§. 181.), in casu opposito eas esse *falsas*.  
 Quoniam eadem certitudo inest conclusioni-  
 bus, quæ inest definitionibus ac experienciis  
 unde inferuntur; propositiones *veræ* sunt, quæ  
 ex definitionibus ac experienciis veris; *falsæ*,  
 quæ ex falsis; incertæ, quæ ex incertis colli-  
 guntur. Fieri autem etiam potest, ut pro-  
 positiones sint *falsæ*, si lateat vitium in for-  
 ma syllogismorum, quibus ex principiis ve-  
 ris illatæ. In examinandis adeo propositioni-  
 bus in id potissimum inquirendum, num  
 Syllogismi, in quos illarum demonstrationes  
 resolvuntur, sint in materia & forma legiti-  
 mi. Materia sunt propositiones, ex qui-  
 bus constant: forma ex regulis dijudicanda  
 (§. 95. & seqq.) Si quis propositionem ve-  
 ram demonstrare nequit; eam insufficienter  
 probat (§. 109.), ubi probationem aliquam  
 dare intendit. Exemplis propositionum ve-  
 rarum & demonstratarum Geometria univer-  
 sa abundat, ut de aliis partibus Matheseos  
 non dicamus. Exempla propositionum in-  
 certarum, falsarum ac insufficienter proba-  
 tarum prohdolor! extra Mathesin nimis ob-  
 via sunt. In singulis philosophiæ partibus id  
 ago, ut propositiones singulæ sufficienter  
 probentur. Quamobrem nostra quoque phi-  
 losophia offert exempla propositionum de-  
 monstratarum, si eam justo ordine perlegeris.

*Theorema-  
sum cum  
axiomatis  
confusio.*

§. 183. Non desunt qui propositiones ex observationibus vel experimentis derivatas cum axiomatis confundunt. Enimvero hæc confusio haud difficulter evitatur, modo consideremus, an ducibus rebus sensu perceptis in propositiones istas inciderimus (§. 118). Quomodo vero experientiæ dijudicari debeant, ex iis intelligitur, quæ capite quinto integro docuimus.

*Casus judi-  
ciorum de  
problematis.*

§. 185. In resolutione problematis docetur, quomodo quid sit agendum vel faciendum, vel etiam quomodo fieri debeat (§. 87. c. 3.). Occurrunt itaque casus sequentes. Nimirum aut ad rem ipsam respicimus, aut in veritatem ejus inquirimus. In casu priore aut regulæ, quibus resolutio continetur, ad id quod fieri debet, sufficiunt, aut non, aut ad idem prorsus non conducunt. In posteriore vel experientia, vel demonstratione innotuit, singulas regulas non præscribere nisi quæ fieri possunt, aut præscribere talia, quæ fieri nequeunt, aut quod hac ex parte ferendum sit judicium nondum constat, aut denique si ea, quæ fieri jubentur, fieri quidem possunt, non tamen patet modus, quo id actu fieri queat. Hisce de causis multa de resolutionibus problematum judicia nascuntur.

*Resolutio-  
nis legiti-  
ma ab ille-  
gitima dif-  
ferentia.*

§. 186. Si vel experientia, vel demonstratione convicti simus, factis iis solis, quæ in resolutione problematis continentur, illud etiam fieri, quod erat faciendum vel agendum,

dum, nec minus patet modus, quo singula, quæ præscribuntur fieri possint; *resolutio vera est, completa & accurata*, hoc est, non destituitur successu, quæ necessaria sunt in eadem continentur, quæ vero sunt superflua, ex eadem exulant. Exempla resolutionum istiusmodi magno numero offerunt Elementa mea Matheseos ac scripta mathematica alia; offert etiam philosophia nostra moralis ac civilis. Exemplo etiam esse possunt, quæ de consequendis notionibus distinctis (§ 21.) & de resolutionibus problematum aliorum passim in hoc libro diximus. In casu opposito *resolutio falsa est, incompleta & minus accurata*, hoc est, resolutio nullius momenti. Huc pertinet problema, quo præscribitur modus efficiendi ut flores evadant pleni, dum scilicet, semen terræ committi & plantæ inde enatæ transplantari jubentur, Luna crescente & in signo quodam Zodiaci dato versante, dataque hora sive diurna, sive nocturna: immo in hunc censum veniunt omnia Astrologorum problemata totaque ars themata natalitia condendi.

§. 187. Si, quæ in resolutione problema-  
tis præcipiuntur, fieri possunt, sed quædam  
ad id faciendum vel agendum minime requi-  
runtur, quod faciendum vel agendum est;  
*resolutio equidem vera, nec incompleta, sed minus accurata est.* E. gr. Si quis cum *Vitrutio* ligna cædi jubet primo autumno incisa arboris crassitudine ad mediam medullam, & *Alberto* suadente ramis refeetis vulnereque in  
I 5 fasti-

gio luto oblito, circa medium tandem Decembris usque ad medium Februarii arboribus deji-  
ciendis, decresciente quidem Luna, quemadmodum *Vegetio* videtur; resolutio hæc problematis architectonici vera quidem est ac completa, sed minus accurata, cum superflua contineat, scilicet quod arbores deji-  
ciendæ sint Luna decrescente.

*Quando  
sit incom-  
pleta.*

§. 188. Quodsi minime fiat, quod erat faciendum vel agendum, factis iis omnibus, quæ in resolutione continentur, etsi singula fieri a nobis possint, *resolutio* equidem vera est & a superfluis libera, sed *incompleta*. Exempli loco est, si quis alterum ab ebriositate avocare conetur, non aliis usus motivis, quam quod opes profundat & tempus perdat. His enim solis negotium istud non perficitur.

*Casus  
alius.*

§. 186. Quodsi equidem regulæ, quibus resolutio continetur ad id sufficiunt, quod erat faciendum, vel agendum, modus tamen ea exequendi ipso opere quæ præscribuntur, latet; *resolutio* vera quidem est, sed *incompleta*. Exempli loco foret, si quis alteri præscripturus modum ditescendi commendaret laboris quoddam genus, non tamen modum præscriberet lucrum inde percipiendi. Huc pertinet *Lockii* consilium de libris utiliter legendis, dum nexum notionum in propositionibus scrutandum & in rationem inquirendum esse inculcat, cur prædicatum tribuatur subjecto, cum non doceat modum investigandi nexum notionum, atque

quæ rationem ob quam prædicatum subiecto tribuitur. Præscribit adeo juvenibus, quæ ipso opere exequi non valent. Resolutiones problematum incompletæ hujus generis extra Mathesin frequentissimæ, hoc tamen non obstante respectu ceterarum optimæ.

§. 190. Si fieri nequeunt, quæ resolutio-  
ne problematis præcipiuntur; ea *impossibilis sit impos-*  
est. Exempli loco foret, si quis medium *fibilis*  
gratiam Principis sibi conciliandi inventio-  
nem perpetui mobilis commendaret. Probe  
autem notandum est, non ideo problema im-  
possibile est, si resolutio, quæ in medium  
affertur, impossibilis: antequam enim id affir-  
mare datur, demonstrandum est, alio mo-  
do problema resolvi non posse. Ita in casu  
præcedente alius superesse potest modus  
Principis gratiam sibi conciliandi, quem ipso  
opere exequi licet. Notandum vero hic in-  
ter impossibilia referri, quæ in potestate agen-  
tis non sunt, etsi simpliciter non repugnet ta-  
le quid fieri.

§. 191. Quando ea, quæ in resolutione *Quando*  
problematis præscribuntur, fieri quidem pos- *falsa*  
sunt, sed ad præsens negotium nihil condu-  
cunt, immo prorsus eidem impedimento  
sunt; *resolutio falsa* est. E. gr. Si ei, quem  
rerum suarum status confundit, ad fugan-  
dam tristitiam vinum commendatur; ut vi-  
num bibat impossibile non est, sed ita tristiti-  
am fugari animoque tranquillitatem restitui  
verum non est. Equidem fieri potest, ut  
quis illo temporis intervallo, quo cum aliis



Baccho litat, animum ab eo avocet, quod eum perturbat: ubi vero sibi fuerit redditus, tristitia redit, quam adeo sublatam non esse hinc intelligitur. Falsa igitur est problematis hujus resolutio de tristitia fuganda.

*Cautio adhibenda circa resolutiones a posteriori repertas*

§. 192. Cavendum vero; ne experientia edocti medio quodam finem aliquem obtineri, absque ratione sufficiente ab uno casu ad alterum argumentemur: neque enim succedit argumentario, nisi ubi demonstrare volueris, nullam hic adesse circumstantiam, quæ non in aliis quoque casibus locum habeat. Ita subinde in libellis de Geometria practica conscriptis reperiuntur problematum resolutiones, quæ in minoribus quidem figuris, quas in charta delineamus, succedunt, in majoribus vero errori assignabili obnoxie sunt. Cumque plerorumque hominum prudentia imitatione aliorum vel sui ipsius in casibus similibus tota contineatur; experientia quotidiana plurima pro dolor! exempla suppeditat, quæ regulæ nostræ contrariantur. Similiter in arte Medica non sine præsentissimo ægrotorum periculo a casu quodam particulari ad universalem argumentantur, si de usu medicamentorum judicium fieri debet, vel de methodo curandi sermo est.

*Quando quid pro incerto haberi debeat.*

§. 193. Cavendum præterea, ne statim pro incerto venditemus, quod nobis incertum est. Id enim affirmandum non est, nisi probare potueris, præmissarum, quibus in Syllogismis utimur, veritatem non modo a nobis, sed etiam aliis probari non posse, aut,

si notio quædam desideretur, perinde aliis ac nobis impossibile esse ut eruatur. Enimvero nihil fere communius est, quam ut alios ex se unusquisque judicet.

§. 194. Omnium maxime vero cavendum, <sup>*Usum rerum*</sup> ne ea inter inutilia rejiciamus, quarum usum <sup>*quomodo*</sup> non statim pervidere nobis datur. Quoni- <sup>*dijudican-*</sup> am enim cognitio veritatis utilis censetur, <sup>*das.*</sup> quando commoditatibus vitæ humanæ infervit, hæc autem partim ex perfectione animæ, partim ex perfectione corporis, partim ex perfectione status externi æstimanda venit, quatenus ea vel obtinetur, vel facilius comparatur, vel amplificatur, quemadmodum in philosophia morali fusius docetur; tum demum inutilis dicenda erit cognitio, ubi ostendatur, impossibile prorsus esse ut aliquo in casu sive mediate, sive immediate ad aliquam illarum perfectionum quid conferat. Demonstratio hæc tam vastam præsupponit rerum cognitionem, ut non facile quis eam aggredi audeat. In certis casibus tantummodo affirmare licet, usum nobis esse ignotum, vel nos ignorare, quomodo eandem in usum nostrum convertere debeamus, vel eandem in usum nostrum converti non posse.

## CAPUT X.

*De dijudicandis Libris.*

§. 195.

*Librorum  
divisio.*

**L**ibri vel facta recensent, vel dogmata proponunt. Priores, qui *historici* appellantur, vel facta naturæ, vel hominum enarrant: Posteriores *dogmatici* vocantur.

*Requisita  
scripti hi-  
storici.*

§. 196. In scripto historico nil quicquam amplius requiritur, quam ut singula eo ordine iisque circumstantiis enarrentur, quibus contigerunt: ut adeo tria sint scripti historici requisita, veritas, sufficientia & ordo.

*Judicium  
de verita-  
te.*

§. 197. Quoniam veritas historica sciri nequit, sed credenda est; de ea judicium fertur applicatis illis, quæ superius (§. 151. & seqq.) de fide inculcata fuere.

*Judicium  
de sufficien-  
tia.*

§. 168. Sufficientia libri historici ex fine Autoris dijudicatur: qui cum varius esse possit, ut in dato quolibet casu appareat, utrum historia sit completa, ne cne, non inconsultum judicamus, fines istos in genere hic recenseri.

*Fines histo-  
ria natu-  
ralis.*

§. 199. Historiæ naturalis conditor vel rerum viventium aut non viventium, quæ in mundo existunt, aut phænomenorum naturæ, præsertim rariorum notiones animo lectoris ingenerare; aut effectus rerum naturalium recensens principia cognitionis accuratæ suppeditare intendit. In casu priori scopo suo potitur, ubi ea observaverit, quæ de no-  
tioni-

tionibus adæquatis docuimus (§ 16): in posteriori minimas quascunque experimenti aut observationis circumstantias annotare tenetur. Exempli loco in hoc casu posteriori esse possunt experimenta, tribus tomis a me descripta, ex quibus simul intelligitur, quomodo hæc pars cognitionis historicæ crescente scientia crescat.

§. 200. Historia facta hominum enarrans *Finis histo-*  
finem illum sibi proponere potest, quem *ria ingens-*  
omni actione nostra intendere tenemur, et.<sup>re.</sup>  
iamsi non nisi rationem consulamus, nostram scilicet perfectionem, a qua gloria Dei & boni publici promotio sejungi nequit, utpote ambæ indissolubili nexu eidem junctæ, cum perfectio nostra non consistat, nisi in consensu adæquato actionum omnium cum naturalium, tum liberarum, qui eo ipso obtinetur, dum actiones liberæ per easdem rationes finales determinantur, per quas a Deo determinatæ sunt naturales in arbitrio nostro minime positæ: qua de re notionem adæquatam ex philosophia nostra morali consequi licet. Historia virtutem ac vitia, inprimis prudentiam ac stultitiam hominum per exempla docere debet. Quamobrem ut finem hunc consequamur, ita conscripta sit necesse est, ut collatione actionum cum statu hominum facta, regulæ providentiæ divinæ inde agnoscantur, ut de attributorum divinorum veritate continuo magis magisque convicti voluntatem dirigamus ad actiones cum divinis attributa-

tributis, tum naturæ nostræ conformes: quod ut rectius intelligatur, legenda sunt, quæ in philosophia morali de officiis erga Deum & in Metaphysica de attributis divinis dicta sunt. Ex aliorum quoque actionibus & casu regulas prudentiæ discere debemus, ut tum bonum publicum, tum privatum promovere valeamus. Virtutes atque vitia, quantum datur, unacum eorum causis & occasionibus, necnon eventu, in exemplis exhibenda: quod ut fiat, adjumenti loco erunt, quæ in philosophia morali & civili a nobis traduntur.

*Finis historia ecclesiastica.*

§. 201. In primis historia ecclesiastica ita sese habere debet, ut prudentia salutem ecclesiæ pro virili promovendi inde hauriri possit: id quod fieri poterit, si sufficienter refertur, quibus mediis ecclesia floruerit, quibus de causis status ejus collapsus, quibus denique remediis vel cum successu: vel frustra instauratio tentata fuerit. Juvabunt ea, quæ de studio virtutis in Rep. promovendo (§. 317 *Polit.*) de templis & feriis (§. 320 & seqq. *Polit.*) & de usu religionis in Republica (§. 366 & seqq. *Polit.*) dicta sunt.

*Finis historia civilis.*

§. 202. Similiter historia civilis ita comparata esse debet, ut ex ea appareat, quibus mediis Respublica floruerit, quibus de causis collapsa, quibus remediis instaurata fuerit; quibus consiliis responderit successus, quænam eodem destituta, & quomodo impedimenta e medio sublata fuerint: quænam sint summorum imperantium jura, quænam

nam prætensiones. Juvabunt hic quoque, quæ de statu civili in philosophia civili docuimus, cum singulorum, quæ in Rep. occurrunt, rationem sufficientem reddiderimus, non ubivis obviam.

§. 203. In historia litteraria gradus inprimis perfectionis annotandi, ad quem scientiæ sunt perductæ. Indicandum præterea, ubinam sit eorum sedes, quæ jam inventa prostant, ne cognitione rerum utilium privemur, ubi ipsimet in inveniendis non fuerimus exercitati, neque si arte inveniendi pollemus, tempus in iis inveniendis fallamus, quæ jam ab aliis inventa sunt, longe utilius iis impendendum, quæ adhuc latent. Immo ostendendum, quomodo ex jam inventis alia ulterius deducta fuere, ut ars inveniendi incrementa capiat. Haud difficulter assequimur, historiam litterariam hoc pacto conscripturos non modo egregios in scientiis profectus habere, sed multos quoque libros possidere ac legere debere.

§. 204. Ordo historiæ cum civilis, tum ecclesiasticæ; tum privatæ ex circumstantiis, præsertim temporis colligitur. In historia naturali detegitur, si experimenta vel observationes repetuntur. A priori idem nobis innotescit, ubi in causas phænomenorum inquirimus (§. 142. 143.)

§. 205. De libris historicis regulas speciales tradere nostri non est instituti, cum ex hætenus dictis facile deriventur, nec ultra terminos Logicæ præfixos evagemur, cuius (Wolffii Logica) K jus

*Finis histo-  
ria littera-  
ria.*

*Judicium  
de ordine,  
historia.*

*Casus libro-  
rum dog-  
maticorum  
dijudican-  
dorum.*

jus usum multiplicem edocere jam nobis propositum. Ad libros igitur dogmaticos pregedimur. De iis judicaturi vel ad res in iisdem pertractatas, vel ad methodum seu modum, quo proponuntur, respicimus. Casus primus in plures abit. Aut enim propositiones ex principiis suis demonstrantur, aut sine probatione afferuntur. Præterea vel omnia traduntur, quæ hætenus reperta sunt, vel pauciora. Ubi propositiones demonstrantur, partim ad principia, partim ad formam demonstrationum animum advertere tenemur. Illa vel evidenter vera, vel manifesto falsa, vel dubia sunt. Si vera sunt, vel autor libri veritatem eorum ipsemet stabilit, vel ea aliunde citat, vel neutrum facit. Si utrumque prætermittitur, aut ea sunt principia, quorum veritatem quivis facile perspicit, modo attentionem afferre velit; aut lector facile recordatur Autorum a quibus ea demonstrata fuere; aut neutri horum locus est. Si in formam demonstrationum ingenii aciem intendimus, aut sequentia ex antecedentibus concatenato rationum nexu colliguntur, aut non satis apparet, quomodo alia ex aliis sequantur. Similiter aut nullis Autor utitur principiis, nisi in antecedentibus stabilitis, aut cuilibet propositioni peculiariter destinantur principia.

*Quando  
scriptum  
fuerit*

§. 206. Si omnia traduntur, quæ de ob-  
jecto dato pro temporis conditione tradi  
possunt, liber illo minimum tempore comple-  
tus

tus est: quod iudicium ut ferri possit, histo- <sup>comple-</sup>  
riae litterariae cognitio praesupponitur. <sup>tum.</sup>

§. 207. Absit autem, ut autorem libri re- <sup>Cautio,</sup>  
prehendamus, si successu temporis opus ejus <sup>qua hic</sup>  
fiat incompletum, ubi plura fuere detecta, <sup>opus.</sup>  
quæ illo, quo scribebat, tempore latebant;  
vel etiam si omisit a scopo suo aliena. In  
priori itaque casu nosse debemus, quo quis  
tempore scripserit & quænam illo tempore  
inventæ fuerint; in posteriori autem finis ab  
autore intentus vel ex titulo, vel ex præfatio-  
ne, vel aliunde addiscendus.

§. 208. Si eorum, quæ inventa sunt, <sup>Nimia</sup>  
plura ab Autore proponuntur, quam quæ <sup>prolixitas</sup>  
scopo ejus conveniunt; in libro superflua  
continentur, qui adeo prolixitate peccat.

§. 209. Si Autor non alias affert propo- <sup>Certe cum</sup>  
sitiones, quam quæ a posteriori derivatæ fue- <sup>incerto</sup>  
runt; in nuda experientia acquiescere dicitur. <sup>confusio.</sup>  
Quodsi propositiones ultra universalitatis  
gradus profert, vel vitium subreptionis com-  
mittit; incerta cum certis confundit.

§. 210. Quodsi minime apparet, num <sup>Libri accu-</sup>  
Autor in propositionibus a posteriori deriva- <sup>rata me-</sup>  
tis rite determinaverit subjectum; num sine <sup>thodis.</sup>  
probatione sumat, quæ absque ea sumi non  
possunt; num in probationibus praesupponit,  
quæ lectori cognita non sunt, vel minus fa-  
miliaria deprehenduntur; liber accurata me-  
thodo conscriptus non est. In casu opposi-  
to omnia sufficienter explicantur & proban-  
tur, adeoque liber accurata methodo con-  
scriptus.



*Solida re-  
rum tra-  
ctatio.*

§. 211. Quodsi termini omnes perspicue definiantur & propositiones ex principiis indubiæ veritatis legitime demonstrantur; omnia solide pertractata sunt. Quodsi vero principia vel falsa, vel dubia sumantur, nec probationibus legitima sit forma; tractatio solida non est, sed superficialia.

*Compilatio  
sine iudicio  
facta.*

§. 212. Si inter principia & deductas inde propositiones nullus nexus necessarius compareret & nexus in sola vocabulorum agnatione quæritur; Autor librum sine omni iudicio compilavit.

*Obscuritas  
& perspi-  
cuitas libri.*

§. 213. Si termini vel indefiniti adhibentur, vel non satis perspicue definiuntur, neque nexus propositionis cum principiis distincte ostenditur; ut librum rite intelligamus fieri nequit (§. 60.), atque adeo obcurum merito appellamus. Hinc vero simul elucet, qualis esse debeat liber, ut perspicuus dici possit.

*Lapsus cir-  
ca iudi-  
cium de ob-  
scuritate  
libri.*

§. 214. Vulgo obscuritatis & perspicuitatis alia notio frequentatur. Obscurum dicere solent, quod maiorem attentionem requirit ea, quam ad res alias addiscendas attulerunt; perspicuum vero, cui consuetus attentionis gradus sufficit. Tale potius esse debebat ipsorum iudicium; Hæc mihi difficultia, vel facilia sunt, quia sunt insolita, vel consueta. Hoc præiudicio capti haud pauci scripta Mathematicorum & omnem solidam tractationem obscuritatis accusant.

*Connexio  
realis.*

§. 215. Quodsi denique propositiones sequentes ex antecedentibus concatenata ratio-

cinio-

ciniorum serie deducantur, quemadmodum in disciplinis mathematicis fieri solet; omnia optime connectuntur. In casu opposito connectio rerum nulla est.

§. 216. Nostrum esse arbitramur, ut præjudicio occurramus, quod *Arnaldus Ramum* secutus nostro ævo disseminavit, quasi tum demum ordine proponantur dogmata, si singula ad idem objectum spectantia eidem capiti inserantur; confusioni autem locus datur, ubi in iis ordinandis non alia habetur ratio, quam ut unumquodque eo loco proponatur, quo ex anterioribus commodè intelligi ac demonstrari potest. Primus ordo scholæ est, qui vulgo eruditorum sese commendat: alter autem naturæ ordo est, qui Mathematicis maxime placuit. Ille memoriæ servit, ut facilius eidem insigantur, quæ discimus; hic intellectui conducit, cum efficiat, ut collustretur & convincatur. Illum si sequaris, singula rigore demonstrari nequeunt, testibus Elementis Geometriæ *Arnaldi & Bernhards Lamy*; hoc si utaris, nulla unquam necessitas cogit, ut a rigore recedas, testibus scriptis Geometrarum veterum. Vulgo igitur eruditorum & tyronibus relinquitur ordo scholæ: qui vero veritatem intimius introspicere gestiunt, naturæ ordinem seligunt. Et hunc nos sequimur in scriptis, quæ de Mathesi ac Philosophia publici juris fecimus.

§. 217. Hucusque de casibus simplicibus locutus. Quemadmodum vero ceteri ex istis

*notæ qui-  
nam sint.*

componuntur; ita nec difficile est in casu composito iudicia simplicia componere. Sufficit itaque hic monuisse, librum in suo genere omnibus numeris esse perfectum, si fuerit completus, si omnia sufficienter definiantur & probentur; si perspicuus fuerit & omnia optime connectantur; pessimæ contra notæ esse, si incompletus fuerit, si nihil sufficienter definiatur ac probeatur, si fuerit sine iudicio compilatus atque obscurus, neque sequentia cum antecedentibus connectantur. Utrumque per ea patet, quæ in præcedentibus de iudiciis casuum simplicium dicta fuere.

## CAPUT XI.

### *De Libris cum fructu legendis.*

§. 218.

*Finis le-  
ctionis li-  
brorum.*

**L**egimus libros eo fine, ut nobis innotescant, quæ in iis traduntur. Ad eorum itaque lectiones requiritur 1. ut Autoris mentem assequamur, 2. ut res propositas memoriæ infigamus.

*Lectio li-  
brorum hi-  
storiarum.*

§. 219. Cum in scriptis historicis tantummodo facta narrentur (§. 195.); non multa arte nec meditatione opus est ad ea legenda: sufficit attentio & animus ab aliis cogitationibus liber. Quodsi lecta memoria retinere volueris; lectio nec festinanter fiat, nec sit nimis multa (§. 24.) Aliter vero sese res habet, si de histriæ probabilitate, ordine ac per-

perfectiōne judicari volueris (§. 197. & seqq.) vel etiam cognitionem historicam ad varios, quos habet, usus transferre volueris (§. 200. & seqq.) Hic utique intellectu bene instructo ac meditatione opus est. Et quo quis in meditando exercitator, eo feliciores experietur successus.

§. 220. Libros dogmaticos lecturus ante omnia in finem libri, singulorumque capitulum & articulorum inquirere debet, ne sit nescius, quānam Autor in singulis libri partibus docere intendat (§. 1.)

*Cur finis libri & singulorum partium constare debeat.*

§. 221. Finis totius libri partim ex titulo, partim ex præfatione innotescit, in qua plerumque docet Autor, quod ipsum ad scribendum impulerit, quemnam sibi finem consequendum proposuerit, cur hanc, non aliam securus fuerit methodum.

*Quomodo innotescat.*

§. 222. Quicquid Autor docet, vel in numerum definitionum, vel experientiarum, vel propositionum harumque demonstrationum seu probationum, vel denique Scholiorum refertur: quod ut facilius appareat, propositiones singulæ terminis communibus ex contextu extrahendæ & a ceteris separandæ, quæ vel illustrationis, vel explicationis vel demonstrationis gratia in medium afferuntur. Quod si constiterit, ad quamnam classem id, de quo agitur, referre debeat; judicium porro fit secundum ea, quæ capite decimo docuimus. Ut autem memoriæ firmiter impressa hæreant, quæ expenduntur; ea aliquoties distincte expendi juvat.

*Veritatis cujuslibet ad classem suam reducio & distinctio.*

*Quomodo  
sensus ver-  
borum  
ernatur.*

§. 223. In primis probe notandum est, si auctoris mentem ex asse assequi velimus, (§. 258), cum verbis ejus non alias jungendas esse notiones, quam quas ipsemet jungit (§. 59.) Alias sensum verborum fingimus, qui menti Auctoris non respondet, ipsique tribuimus sententiam ab eadem alienam: id quod sæpissime fieri solet.

*Uterior  
ejusdem  
expositio.*

§. 224. Enimvero vel Autor ipse sensum verborum suorum declarat, vel terminis utitur non definitis. In priori casu non alia re opus est, quam ut definitiones iterata lectione ac reflexione nobis familiares reddamus, quæ veluti sponte sua nobis succurrant, quoties termini occurrant. In casu posteriori inquirendum est in vocis significatum, quem habere potest (§. 73.), isque eidem tribuendus, qui sensum commodum parit: etenim cum nemo defendat, nisi quod verum esse ipsi videtur, ad illum significatum autor respexisse præsumitur, nisi demonstrari possit, quod tantummodo scripserit, quæ memoria eidem suggestit, vel ex aliorum libris sua compilaverit.

*Diversus  
ejusdem  
vocis signi-  
ficatus in  
eodem  
libro.*

§. 225. Quoniam inconstantia loquendi fert plures ejusdem vocabuli significatus, non infrequens est, ut Auctores eidem diversos significatus tribuant in diversis locis, etiam si eundem sibi rueri videntur. Cavendum itaque ne Autori contradictionem impingamus, si retenta eadem significatione contradicere sibi videtur.



## CAPUT XII.

*De interpretanda Scriptura sacra, nec  
non libro cum judicio conscripto.*

§. 226.

**L**iber cum judicio conscriptus, adeoque *Quando*  
& Scriptura Sacra non continet *verba* sine  
mente sonos: alias enim nullus foret ejus usus.  
Cum quovis igitur vocabulo notio quædam  
conjungi debet (§. 59.) & qui sensum verbo-  
rum assequi voluerit, cum quovis vocabulo  
eandem notionem jungere tenetur, quam  
cum eodem conjungi voluit Autor. (§. 223.)

§. 227. Jam quod in specie Scripturam sa- *Notiones*  
cram attinet, Spiritus S. non immediate in ani- *non imme-*  
mo lectoris excitat notiones cum verbis ipsius *diat exci-*  
jungendas: alias enim inutiles forent textus *tat Spiri-*  
authentici in alias linguas versiones, cum *tus S.*  
sufficeret lectio cum desiderio Scripturam sa-  
cram intelligendi & ad statum suum appli-  
candi facta, ut Spiritus S. illas in nobis pro-  
duceret notiones. Enimvero experientia  
contrarium loquitur.

§. 228. Verba igitur ipsa apta esse debent *Modus quo*  
ad eas in nobis excitandas notiones, quæ *excitantur.*  
ipsis respondent, nisi vel præjudicium ali-  
quod, vel defectus attentionis impedimen-  
to sit.

§. 229. Hinc consequitur, Deum in Scri- *Notiones*  
ptura sacra, perinde ac quemvis autorem in *quam in*  
telligentem, vel docere debere, quasnam *S. S. præ-*  
*supponan-*

notiones verbis suis jungi velit; vel non alias præsupponere debet, quam quas jam habemus.

*Uterior  
ejusdem  
explicatio.*

§. 230. Quamobrem cum notiones alias habere nequeamus, quam quæ a rebus præsentibus derivantur (§. 5.); nec alias cum verbis Scripturæ notiones conjungere licet.

*Termini  
quinam  
non expli-  
candi in S. S.*

§. 231. Hinc ulterius consequitur, Deum uti posse de rebus supernaturalibus terminis, cum quibus solis naturæ viribus notionem nullam jungere possumus.

*Notio-  
nes super-  
naturalis  
in S. S. non  
explican-  
da.*

§. 232. Hinc porro intelligitur, Deum de rebus supernaturalibus, quarum notiones naturæ viribus formare non licet; terminis uti posse non definitis. Quod si enim ope dogmatum intellectuum mutatio quædam in nobis facta fuerit, notionem ejus consequimur, dum eam percipimus, etsi nomen, quo in Scriptura sacra denotatur, distincte ibidem non explicetur. Immo idem in scriptis humanis procedit.

*Modestia  
in S. S. in-  
terpretan-  
da adhi-  
benda.*

§. 233. Quod si vero Deus rerum quarundam notiones prorsus distinctas aut adæquat per verbum suum nobiscum minime communicat; in incompletis acquiescere debemus; absit autem ut cum irrisoribus vocabula, quibus eadem indignantur, dicantur sine mente sonus (§. 69.) Nostrum enim est in eo cognitionis gradu acquiescere, ad quem nos Deus perducere voluit, certo persuasi, eum ad finem istum sufficere, quem nobis Deus in verbo suo consequendum proposuit.

§ 234. Ceterum veritates in Scriptura sa- *Modus di-*  
 cra nobis propositæ ad easdem classes reduci *judicandi*  
 possunt, in quas distribuuntur beneficio ra- *veritates*  
 tionis agnitæ. Quamobrem non sine utili- *revelatas.*  
 tate insigni eodem modo discutiuntur, quo  
 naturales examinare docuimus (§. 181.)  
 Quoniam enim ex opere redemptionis sapien-  
 tia Dei colligitur Eph. III. 10; veritates reve-  
 latæ eodem modo inter se connexas esse oportet,  
 quo naturales connectuntur, ut ex eorum  
 notionibus pateat, cur uno posito ponatur  
 alterum. Præterea in Scriptura sacra longe  
 plurima occurrunt, quæ Deum tanquam  
 creatorem, conservatorem & gubernatorem  
 universi, hominemque tanquam creaturam  
 respiciunt. Quoniam itaque hæc recto fa-  
 cultatum naturalium usu cognosci possunt,  
 quemadmodum ex cogitationibus nostris ra-  
 tionalibus de Deo, mundo & anima, item-  
 que de actionibus humanis satis superque ap-  
 paret; multo minus dubitari potest, has  
 quoque veritates inter se esse connexas.

§. 235. Interpretatio itaque Scripturæ Sa- *Interpre-*  
 cræ, sicuti scriptorum ceterorum hisce duo- *tatio S. S.*  
 bus absolvitur, nimirum 1. ut ostendatur *quid sit.*  
 genuinus vocabulorum significatus (§. 229.  
 230. 231.) & 2. nexus rerum seu veritatum  
 (§. 233.)

§. 236. Neque autem verendum est, ut  
 hac ratione fides cum scientia confundatur.  
 Quoniam enim in syllogismo admittimus  
 conclusionem ob præmissas (§. 90. 92.); con-  
 clusio



clusio creditur, si præmissæ fidei objectum fuerint, vel saltem earum alterutra.

*Utilitas interpretationis exposita.*

§. 237. Multo minus autem inutilis censeri debet hic labor. Quodsi enim veritates de creatione ac conservatione universi simulque actionum nostrarum perfectione & credimus, & scimus; hostes veritatis revelatæ validius refutare, aliisque scrupulos, qui animum anxium tenent, felicius eximere valemus: id quod nostris præsertim temporibus apprime necessarium est. Quodsi porro nexum veritatum revelatarum introspeciamus, quæ opus redemptionis concernunt; attributorum divinorum nova ratione convincimur & ad gloriam divinam illustrandam vitamque Christiano dignam agendam impellimur: id quod clarius ex iis elucet, quæ de officiis hominis erga Deum & differentia virtutis christianæ ac naturalis in Moralibus docuimus (§. 650. & seqq. §. 676. *Mor.*)

*Usus linguarum authenticarum in interpretatione S. S.*

§. 238. Usus linguarum authenticarum in eo consistit, ut intelligamus versionem bene factam esse. Ultra fines autem, quos habere eadem possunt, eum extendimus, si ex grammatica vocabulorum analysi notiones rerum derivare velimus, vel emphasin eorum declarare conemur: neque enim Grammatica, si ad summum gradum extenderis ejus usum, docere potest, nisi quæ ratio fuerit olim hominibus, cur rem istam hoc nomine compellarint. Quodsi vero iudicium fieri debet, utrum ratio ista fuerit veritati consentanea, nec ne; notio rei aliunde comparan-

paran-

paranda, antequam iudicare possis, num rite eam conceperint. Immo hic quoque subinde non ultra conjecturas progredi datur. Etsi enim ratio denominationis ex notione rei dari possit; non tamen repugnat, ut ab errore denominandi ansam desumerint nominis conditores. Nulla vero prorsus ratio est, cur asseramus, Deum respexisse ad rationem, ob quam primi vocabulorum conditores res iisdem denotare voluerint, aut cur defendamus, eum nulla usum fuisse voce, cui significatus vi erroris tributus. Ratio enim denominandi non influit in significatum vocabuli, neque rei erronei quid admiscet, si eodem utimur.

## CAPUT XIII.

*De modo alios Convincendi.*

## §. 239.

CONVICTURUS alterum efficere conatur, ut *Quid sit* propositio aliqua ipsi certa evadat, *Convictio.* scilicet ut immoto assensu teneat propositionem datam esse veram vel falsam, probabilem vel minus probabilem, e. gr. in hac propositione, Luna est lumen seu luminare, prædicatum recte jungi subjecto.

§. 240. Primo igitur loco explicandi sunt *Quomodo* termini, qui in data propositione occur- *explicandi* runt, ut eandem intelligat convincendus (§. *sint termi-* 59.), nisi satis superque constiterit, notiones *ni.* illis jungendas eidem esse familiares. Ita in *prope-*

propositione, quam modo exempli loco adduximus, ut explicetur, quid sit luna, opus non est, cum nemo non noverit, illud corpus mundi totale hoc nomine designari, quod inter sidera universa nocturno tempore plurimo lumine terram perfundit. Quid vero luminis nomine insigniatur, doceri utique potest, nempe istiusmodi corpus, cui tribuendum, ut corpora circumjecta videre valeamus, cum non quivis notionis hujus recorderetur.

*Quomodo  
demonstra-  
tio propo-  
nenda.*

§. 241. Explicationem propositionis excipit demonstratio. Hæc autem eo usque continuanda, donec in syllogismis perveniatur ad præmissas convincendo non modo cognititas, verum etiam certas. Quodsi nihil adhuc eorum intelligit, quæ ad rem præsentem spectant, demonstratio continuanda est, donec perveniatur ad definitiones, experientias claras & alias propositiones identicas (§. 109.) Etenim in nobis effecta est convictio, dum a definitionibus & experientiis ordine ad propositionem istam progressi fuimus. Quamobrem nec fieri potest, ut alium alio pacto convincamus. Quemadmodum vero nos a definitionibus & experientiis exorsi sumus & inde ad istiusmodi propositiones progressi, quibus tanquam præmissis in propositione data demonstranda utimur; ita eodem modo agendum, ubi alterum convincere volueris.

*Media a  
Masbesi*

§. 242. Numquam igitur satis laudari potest institutum Mathematicorum in demonstratio-

strationibus nullam propositionem sumentis <sup>suppedi-</sup>  
um, nisi in anterioribus stabilitam, & lo-<sup>tata.</sup>  
cum citantium, ubi ea stabilita fuit. Et  
enim ex citatione discimus, quænam præ-  
supponi debeant, antequam veritatis con-  
vinci possis in casu dato. E. gr. In demon-  
stratione theorematum decimi Elementorum  
Geometriæ Germanicorum §. 101. citantur  
§. 97. & 59. Porro §. 97. citantur §. §. 25.  
20. 56. 96. 61. & 59. *Geom.* atque §. 28.  
*Arithm.*) & §. 56. citantur §. §. 19. 17. 54.  
& §. 96. ulterius §. §. 49. 12. 41. 50. tan-  
demque §. 61. *Geom.* §. 28. & *Arithm.* §. 31.  
nec non §. 59. citatum reperies §. 56. & in  
hoc §. 19. 54. 17; in §. 50. vero §. 5. Quam-  
obrem si quis demonstratione ista ad assensum  
cogendus; is ordine didicerit necesse est §. 28.  
& 31. *Arithm.* atque §. §. 5. 12. 17. 19. 20.  
25. 41. 49. 50. 54. 56. 59. 61. 96. 97.  
*Geom.*

§. 243. Extra Mathesin difficillimum est <sup>Defectus</sup>  
singula determinare, quæ supponenda sunt, <sup>hujus mo-</sup>  
antequam assensus plenus sperari possit, qua- <sup>diis extra</sup>  
lis convictionem parit. Cumque in medi- <sup>Mathesin,</sup>  
tando plurimum exercitatus esse debeat, qui  
omnium eorum reminisci jubetur, quæ ad  
convictionem quidpiam contulerunt, immo  
plerisque idem prorsus impossibile fit; pau-  
cissimi profecto tantæ disquisitioni sufficiunt.  
Optandum itaque foret, ut etiam extra Ma-  
thesin reciperetur mos nihil assumendi, nisi  
quod in anterioribus fuisset stabilitum,  
& locum citandi vel in præcedentibus libri  
capi-

capitibus aut articulis, vel in libro quodam alio, ubi id evictum supponimus. Enimvero id non ante sperare licet, quam ubi plures studio Matheseos severius incumbant. Ego in diversis philosophiæ partibus, quas hucusque edidi, morem istum meum feci, neque adeo in probationibus sumo principium, quod non in anterioribus fuerit stabilitum, vel a lectore parumper attento ex experientia derivari potest, atque in priori casu loca ex antecedentibus diligentissime cito. Quamobrem si quis loca citata continuo evoluit, donec inciderit in paragraphos, in quibus nulla citatio amplius comparet; is similiter addiscere valet, quasnam veritates & quo ordine sibi familiares reddere teneatur, ut eodem modo vincatur, quo ego me convictum esse sentio. Quod vero nonnulli aliis persuadere conentur, quasi in locis, quæ citantur, demonstratum non sit, quod ex iis citatur, non alii causæ tribuendum, quam quod veritates continuo nexu coherentes nunquam antea perspexerint. Neque alia ipsis viderentur *Elementa Euclidis*, si ad ea legenda animum appellentes a propositione initium facerent, quæ in medio libro vel circa finem extat, sibi persuadentes se demonstrationis vim percepturos, ubi ex antecedentibus citata evolverent.

*Aptitudo  
convin-  
cendi.*

§. 244. Neque id silentio prætereundum præcipuum intellectum vi cognitionum præcedentium aptitudinem quandam contrahere debere, antequam convinci possit. Quam.

Quamobrem si quis ab eodem adhuc procul remotus fuerit: oleum & operam perdimus eum convicturi veritatis. E. gr. Beneficio Matheseos eo modo tractatæ, quæ eam in opere inprimis Latino exhibui, & aliis explicatæ per annos complures ea methodo, quam in Ratione Prælectionum sect. I. c. I. §. 38. & seqq. descripsi, aptitudinem quandam veritatem comprehendendi conciliavi. Non itaque absolum, si qui fuerint, qui, cum in Mathesi ac scientiis non sint exercitati, sed tempus in talibus consumserint, quæ memoria comprehenduntur, sibi persuadeant concipi non posse, quæ a me optime concipiuntur.

§. 245. Hactenus dicta perpendens non *Vfus regu-* indignabitur aliis, quod se convinci non pa- *larum præ-* tiantur: agnoscat enim, nec se convictum iri, *scripta-* si alterius sit loco. Cavebit sibi præterea, ne *rum.* sermones cum aliis misceat de rebus, de quarum veritate convinci nequeunt & quæ non dant nisi materiam ridendi vel calumniandi.

§. 246. Si cum definitionibus res fuerit, *Quanam* eas rite sese habere alterum convincimus vel *de definiti-* res ipsas, a quibus abstractæ, sensui obji- *onibus te-* cientes, vel saltem in memoriam revocantes *nenda sint.* (§. 5.), vel ad notiones alias provocantes alteri perspectas, a quibus ea, de qua sermo est, derivata fuit (§. 26. 30.). Si definitiones fuerint reales, sola sæpe attentio ad res præsentis sufficit (§. 56. 57.), aut eorum, quæ in genesi rei sumuntur (§. 49) possibilitas vel a priori, vel a posteriori adstruenda.

(Wolffii Logica.)

L

§. 247.

*Quanam  
circa expe-  
rientias.*

§. 247. Quodsi cum experientiis negoti-um nobis fuerit, nec in nostra sit potestate ad easdem alterum perducere, veluti si de corona lunari in eclipsibus Solis totalibus aut ad eas proxime accedentibus sermo fuerit, vel de figura fixarum in occultationibus a Luna factis, quam Astronomus celeberrimus *Cassinus* observavit, sermo fuerit; ad eas provocantes afferre tenemur, quæ probabilitatem veritatis historicæ stabiliunt (§. 151. & seqq. In hoc autem casu convictio major expectanda non est, quam quæ gradibus credibilitatis respondet.

*Requisita  
convincen-  
di.*

§. 248. Inprimis autem in convincendo requiritur attentio ad singula, quæ proferuntur, & si is eadem nondum familiaria experiatur, aliquoties repetenda discussio juxta regulas supra præscriptas capite nono: quam qui ipsum convincere studet pro virili juvare debet. Tempori etiam in hoc casu dandum aliquid, ita ut lento gradu progressus tyronum instar singulis diebus aliquod pensum absolvat & sequentibus repetat, quæ præcedentibus didicit, quo notiones familiares fiant. Quodsi hæc notarent, qui alios impugnando inclarescere student; aut tennes, quæ ipsis sunt, facultates agnoscerent, aut iis prorsus assensum præberent, quæ tanquam erronea atque periculosa traducunt.

*Qui sua  
culpa con-  
vinci ne-  
quit.*

§. 249. Quodsi quis fuerit impatiens, ubi lento adeo gradu in cognitione veritatis procedere, tanta attentione tantaque discussione uti ac præterea tempori successum omnem

com-

committere debet; in eo convincendo operam & oleum perdimus. Sua igitur culpa non vincitur.

§. 250. Enimvero nostra quoque esse potest culpa, cur alter non vincatur, si nempe sumimus possibile vel impossibile id, quod esse possibile vel impossibile alter nondum cognovit, quem convincere volumus, vel etiam si terminos, quibus utimur, non satis distincte explicamus (§. 240. 241.)

§. 251. Cavendum vero, ne (quod quotidie accidit) persuasio, hoc est, falsa opinio, quasi veritatem certo pervidere nobis detur, a qua tamen pervidenda procul absumus, cum convictione confundatur. Oritur autem istiusmodi persuasio 1. quando rebus solide discutiendis non sumus adfueri atque ignoramus, quænam ad convictionem requirantur; 2. quando præiudicio auctoritatis imbuti tantum nonnullis tribuimus acumen, ut in omni casu veritatem perspiciant, ac ideo tanquam verum amplectamur, quod dicitur, quia ab ipsis dictum fuit, & rationes admittamus tanquam sufficientes, quod ab ipsis fuerint prolata; 3. quando ex nimia confidentia in facultates nostras non ea diligentia discussioni rerum vacamus, qua ad convictionem opus est; 4. quando denique ex præcipitantia, cujus variae esse possunt causæ singula ea, qua convenit, diligentia non perpendimus, etsi quod fieri debet sit in potestate nostra.

§. 252. Primo defectui occurritur assidua



*Quanam  
circa expe-  
rientias.*

§. 247. Quodsi cum experientiis ne-  
um nobis fuerit, nec in nostra sit potestas  
easdem alterum perducere, veluti si de c  
na lunari in eclipsibus Solis totalibus au  
eas proxime accedentibus sermo fuerit  
de figura fixarum in occultationibus a I  
factis, quam Astronomus celeberrimus  
sinus observavit, sermo fuerit; ad eas  
vocantes afferre tenemur, quæ probabi-  
tem veritatis historicæ stabiliunt (§. 15  
seqq. In hoc autem casu convictio m  
expectanda non est, quam quæ gradibus  
dibilitatis respondet.

*Requisita  
convincen-  
di.*

§. 248. Inprimis autem in convince  
requiritur attentio ad singula, quæ pr  
runtur, &, si is eadem nondum famili  
experiatur, aliquoties repetenda discussio  
ta regulas supra præscriptas capite n  
quam qui ipsum convincere studet pro v  
juvare debet. Tempori etiam in hoc casu  
dum aliquid, ita ut lento gradu progressu  
ronum instar singulis diebus aliquod pen  
absolvat & sequentibus repetat, quæ pr  
dentibus didicit, quo notiones familiari  
ant. Quodsi hæc notarent, qui alios in-  
gnando inclarescere student; aut tenues,  
ipsis sunt, facultates agnoscerent, au  
prorsus assensum præberent, quæ tanq  
erronea atque periculosa traducunt.

*Qui sua  
culpa con-  
vinci ne-  
quit.*

§. 249. Quodsi quis fuerit impatiens,  
lento adeo gradu in cognitione veritatis  
cedere, tanta attentione tantaque discuss  
uti ac præterea tempori successum om

committere debet; in eo convincendo operam & oleum perdimus. Sua igitur culpa non vincitur.

§. 250. Enimvero nostra quoque esse potest culpa, cur alter non vincatur, si nempe sumimus possibile vel impossibile id, quod esse possibile vel impossibile alter nondum cognovit, quem convincere volumus, vel etiam si terminos, quibus utimur, non satis distincte explicamus (§. 240. 241.)

§. 251. Cavendum vero, ne (quod quotidie accidit) persuasio, hoc est, falsa opinio, quasi veritatem certo pervidere nobis detur, a qua tamen pervidenda procul absumus, cum convictione confundatur. Oritur autem istiusmodi persuasio 1. quando rebus solide discutiendis non sumus adfueri atque ignoramus, quænam ad convictionem requirantur; 2. quando præjudicio auctoritatis imbuti tantum nonnullis tribuimus acumen, ut in omni casu veritatem perspiciant, ac ideo tanquam verum amplectamur, quod dicitur, quia ab ipsis dictum fuit, & rationes admittamus tanquam sufficientes, quod ab ipsis fuerint prolata; 3. quando ex nimia confidentia in facultates nostras non ea diligentia discussioni rerum vacamus, qua ad convictionem opus est; 4. quando denique ex præcipitantia, cujus variae esse possunt causæ singula ea, qua convenit, diligentia non perpendimus, etsi quod fieri debet sit in potestate nostra.

§. 252. Primo defectui occurritur assidua

*quæ in casu primo.* Matheseos tractatione, qua intellectum perficere datur, quantum libuerit, & ubi nunquam hæret aqua, propterea quod propositiones singulæ accuratis demonstrationibus munitæ; tum etiam studio Logicæ verioris, regulas suppeditantis quibus intellectus in veritate cognoscenda dirigitur, magno numero in hoc Tractatu obvias.

*Remedium in secundo.* §. 253. Præjudicium autoritatis, cui in primis juvenes disciplinis operam dantes indulgent, etiamsi ore idem detestentur, omnium felicissime tollitur, præjudicio ignorantie sublato (§. 258.): enimvero quoniam haud raro ignorantie patrocinantur illi, quorum interest autoritate sua occæcari alios, exemplis doceri debet manifestis, quomodo viri, magni adeoque multo magis ii qui sibi tantummodo magni videntur, erraverint, ut confidentia in acumen ipsorum nos a rigido examine veritatis liberari non posse intelligamus.

*Remedium in tertio.* §. 254. Certo autem persuasi, bonum etiam interdum dormire *Homerum*, & viros, quorum maximum est acumen, non esse a præcipitantia alienos, postquam successus in inveniando felix nimiam erga seipsos confidentiam ipsorum animis ingeneravit, ac præterea ad animum revocantes, quoties nos falli contigerit, quando verum vel jam inventum existimabatur, quod nobis ita videbatur, a præjudicio quoque nimie confidentie liberabimur.

*Remedium* §. 255. Quodsi denique præcipitantie evitari

rari debet, ubi eam evitare possumus, iis <sup>in quarto.</sup> dotibus instructi, quas accurata Matheseos tractatione ac verioris Logicæ studio comparamus (§. 238.); eos ad animum revocare debemus casus, in quibus in errorem incidimus; quem evitare licuerat, & in rationes sedulo inquirendum, cur id factum fuerit, ut discamus, sæpe fieri non posse, ut absque accurata ratiociniorum analysi, quæ puerilis videtur exercitatis ac ideo tædiosa, ad veritatem liquidam perveniatur, & in istiusmodi casu fortunæ, non ingenio tribuendum sit, quod in veritatem potius inciderimus, quam in errorem.

## CAPUT XIV.

*De refutandis aliis.*

## §. 256.

**A**lterum refutaturus ostendere intendit, <sup>Refutatio-</sup> esse falsum aut minimum incertum, <sup>nis definitio.</sup> quod altero pro veritate demonstrata venditatur.

§. 257. Logomachiam itaque evitaturus <sup>Quomodo</sup> sibi cavere debet, ne aliis tribuat sententiam <sup>Logoma-</sup> a mente ipsorum alienam: id quod plerum- <sup>chia evite-</sup> que fieri solet, inprimis ubi quis viros egregios impugnando inclarescere studet. <sup>tur.</sup> Quomodo vero genuinus verborum significatus sit eruendus, ex iis intelligitur, quæ capite præcedente eam in rem diximus (§. 240). Qui studio nocendi alterius verba pervertit,

ut sententiam periculosam eidem tribuere ac penes imperitos aliosque, quibus examini accurato vacare non datur, invidiam creare valeant; a logomachia evitanda alienum habet animum, nec regulis logicis coërcetur, quibus intellectus emendatur, non voluntas.

*Monitum  
de incon-  
veniente  
verborum  
significatu.*

§. 258. Et si autem refutationi locus relinquatur nullus, ubi in verbis tantum datur dissensus, minime autem in re ipsa, veluti si quis affirmaret, animam perficere omnes motus in corpore vivo, per animam vero intelligeret fluidum nerveum aut vim corporis; interdum tamen non absque ratione metuimus, ne inconveniens verborum significatus parum cautis imponat eosque in errorem seducat, eum non desint vocabula alia, quibus multo clarius rem exprimere da-  
~~mus~~ In eo igitur casu modeste monendus est alter, ut ab incommoda dictione absteat terminisque usitatis utatur. Ut monenti præbeat aurem benignam, doceri debet, idem suaderi prudentiæ regulis, electionem illorum mediorum urgentis, quibus tutissime ad scopum ducimur, nunquam vero ad avia deducimur.

*Modus  
refutandi  
aliterum.*

§. 259. Quod si in re fuerit dissensus, dissentientem erroris convincere tenemur eo modo, quem capite præcedente exposuimus. Id autem duplici modo contingit. Aut enim ostendimus, sumi principia falsa vel minimum incerta, aut ex principiis certis illegitime colligi conclusiones (§. 162.), aut demon-

demonstratur, propositionem, quæ pro vera venditatur, esse impossibilem, hoc est, contradictionem involvere (§. 12. Met.): id quod tum demum fit, ubi propositio sumitur tanquam vera & inde vi principiorum certorum legitima ratiociniorum concatenatione colligitur propositio, quam falsam esse largitur, qui illam amplectitur (§. 109.) propterea quod propositioni manifesto contradicit, quam veram esse ultro profitetur. Etenim cum in nullo ratiocinio lateat vitium formæ; vitium in materia adesse debet. Quare cum principia cetera omnia sint exploratæ veritatis, quibus in demonstrando uti sumus, sola propositio controversa tanquam vera fuerit assumpta absque præbatione; hanc ipsam falsam esse, debere liquido constat.

§. 260. Refutatione indirecta, quæ dicitur, posteriori loco a nobis descripta, <sup>Abusus probationis indirectæ consequentiaris fami-</sup> vulgarè abutuntur, cum ea plurimorum animos obsederit opinio, quasi alteri, quem refutandum esse decreveris, errores invidiosi sint tribuendi, tanquam ex dogmatis ipsius vel hypothesebus fluentes, aut ipsi imputandum esse, quasi omnem religionem, virtutem omnem ac honestatem tollat, immo universam Remp. pessundet. Etenim demonstratio per indirectum, quam Mathematici appellant, seu probatio evidens contradictionis in propositione latentis, a studio alteri invidiam conflandi imputatione errorum invidiosorum tanquam ex sententia

impugnata fluentium. Cumque consequentarii ut plurimum sint imperiti earum, quas argumento, ab invidia ducto impugnant, rerum atque adeo in principia, quibus ea nititur, inquirere non possunt (§. 265), præterea quoque satis prodant animum a veritate alienum aliisque nocendi propositum, cum non in una consequentia absurda acquiescant, sed consequentias consequentiarum continuant, quamdiu odiosa occurrunt; hasque consequentias consequentiarum toties repetunt, quoties earum prima aliqua specie adversus eum, quem impugnant, urgeri posse videtur; a praxi consequentiariorum abhorrent viri rerum intelligentes ac virtutis amantes, nec alius ejus usus conceditur, nisi qui in eo consistit, ut alterum invisum reddas imperitis atque illis, quibus rem discutere non vacat, vel deridendum propines, prout tibi majus minusve fuerit nocendi studium. Atque hæc ratio nos impulit, ut omnem praxin consequentiariorum cum aliis Sophistarum artificis ex Logica proscriberemus.

*Refutatio-  
ni conveni-  
entia.*

§. 261. Quoniam in eo, qui convincendus est, requiritur animus ad singula, quæ proferuntur, attentus (§. 207); ab iis omnibus abstinendum, quæ adversarium ad iram provocare poterant: Hic itaque utendum est verbis, quibus amovetur suspicio omnis contemptus, præsertim ubi sua ipsi sint merita. Immo in genere notandum est refutationem nostram sapere debere candorem

ver i-

veritatisque & errantis amorem: absit autem, ut invidiam, ambitionem, animum adversario nocendi prodat. Ut paucis dicam, quid hic conveniat, refutatio tota virtutis, nullius autem vitii indicia præbere debet.

§. 262. Si quis aliter agit, is se aut stultum probat, aut vitiis deditum. Etenim *Causa ver-  
borum in-  
juriosorum  
in refutan-  
do.* aut studio ita agit, non aliter, probe gnarus se hac ratione adversarium non adducturum ad mutandam sententiam; aut animus ipsi est contrarium persuadendi adversario. In casu igitur priori non aliud intendit, quam ut alterius famam penes imperitos in contemptum aut contumeliam adducat, ipsemet autem aliquam inter eos adipiscatur auctoritatem, vel persecutionis fundamentum ponat. Prodit adeo animum alteri nocendi, eique famæ qua fruitur, gloriam invidet, immo per calumnias fortunæ alterius insidiatur. Ecquis non videt, hominem istiusmodi totum vitiis esse immersum, cum careat studio inserviendi aliis & sensuum, imaginationis atque affectuum imperio subsit. In casu posteriori media eligit, quibus a scopo ad avia deducitur. Alterum erroris convincere intendit, sed utitur mediis, quibus convictio impeditur. Ecquis vero est qui nesciat, hoc ipso stultos a sapientibus ac prudentibus distinguere?

§. 263. Experimur quoque hodie viros *Mos eorum  
qui sunt re-* doctrinam solidam cum virtute conjungen-



*rum intel-  
ligentes ac  
virtutis a-  
mantis.*

tes cum istiusmodi adversariis negotium habere nolle, qui in controvertendo a virtutis tramite deflectunt, imprimis cum iidem ut plurimum rerum sint parum intelligentes, quas impugnant, & ubi intelligentibus, qui affectui quid dederunt, ob rationes singulares respondent; quæ a rei discussione aliena sunt, minime attingunt, pravo alterius exemplo se a virtutis tramite abduci nunquam patientes. Hoc exemplum ut unusquisque imitetur æquum est. Non minor virtutis, quam scientiæ ac eruditionis gloria, præsertim ubi virtus ex scientia ortum trahit, nec sola consuetudine contracta fuit.

*Quando-  
nam duro  
cuneo opus  
sit.*

§. 264. Accidit subinde, ut necessitas ferat legem adversariis ambitione turgidis & rerum parum intelligentibus ostendendi, quanta ignorantia laborent, quam ventosa sit, qua animus inflatur, ambitio, quodque ratio nulla sit, cur semetipsum extollentes aliorum se longe meliorum famam laceessant, & quæ sunt hujus commatis alia. Nihil tamen in hisce præsidii reperiet, facta a vitio ortum trahentia excusaturus: etenim in præsentem quoque casum utendum est rationibus firmis, nihil dandum affectibus litandumque modestiæ.

*Quomodo  
persecuto-  
ribus re-  
sponden-  
dum.*

§. 265. Nonnunquam etiam ipsa exigit necessitas, ut adversus criminationes, atque calumnias adversariorum famam defendamus, quas sub specioso refutationis titulo in publicum protrudunt. Quoniam itaque in præsentem casum non sufficit sententiam a  
falsis

falsis imputationibus liberari, cum illi, qui convitiis ac calumniis aurem præbent, de re ipsa iudicium ferre non possint, sed id inprimis agendum est, ut fides eorum reddatur sublesta; evidentissime omnino demonstrandum, quænam ipsis sit imperitia, quantus candoris defectus (§. 151. & seqq.) & ut idem intelligant, qui ipsis aurem adeo benignam præbent, unumquodque proprio suo nomine efferendum. Neque enim persecutiones, quibus alterius famæ, fortunæ ac vitæ insidiæ struuntur, confundendæ sunt cum controversiis eruditorum; sed defensione hic opus est ad avertendum quod intenditur, damnum. Quare cum inculpatæ tutelæ locus sit, ex moralibus principiis dijudicandum, quid hic conveniat.

## CAPUT XV.

*De modo disputandi.*

## §. 266.

**Q**ui cum altero disputat, is eum coram *Disputare* erroris, quem defendit; convincere *quando disputat* studet: ut adeo nostris moribus disputatio sit *canon*. mutua propositionis alicujus impugnatio ac defensio coram facta.

§. 267. Unus itaque negare tenetur, *Contradictio* quod alter affirmat; ex adverso autem affirmare debet, quod negat alter. Si ille aliquid esse ajat verisimile, hic idem pronuntiare debet certum; si ille certum esse affirmat.

met, hic idem incertum pronunciet necesse est. Atque adeo disputantes in terminis contradictoriis versentur necesse est.

*Quomodo  
logomachia  
evitentur.*

§. 268. Ante omnia igitur termini singuli, qui propositionem ingrediuntur, sunt explicandi, ne in logomachiam incidatur (§. 59). Quamobrem si sensus verborum fuerit obscurus, ex respondente quærere debet opponens, quemnam iis significatum tribuat.

*Quomodo  
a respon-  
dente ex-  
plicatio  
termino-  
rum extor-  
queatur.*

§. 269. Subinde respondens explicationem terminorum dare recusat, vel quod per ignorantiam iudicet, eandem sese dedecere, vel quod notionibus distinctis mentem suam explicare non possit. Ut igitur illam, si quadrare possit, ab eo extorqueamus, propositio impugnanda est tanquam obscura, quia termini destituuntur determinato significato. Quod si enim affirmet, esse iisdem fixum significatum, eum exponere teneretur, cum verborum significatus sit arbitrarius, nec conjectando eundem assequi detur.

*Officium  
opponen-  
tis.*

§. 270. Quod si circa significatum verborum nihil amplius dubii supersit; opponens probationem thesios, quam contra respondentem defendit, proponit, eamque tamdiu continuat, donec nullis utatur præmissis, nisi a respondente concessis (§. 109). Quoniam vero respondens & præmissarum veritatem, & formam legitimam in syllogismis singulis agnoscere teneretur (§. 241); probatio in syllogismos formales redigenda, ita tamen ut subinde alterutra præmissa omitta, enthymemate

utamur (§. 105.), ubi nempe satis liquet, eam a respondente non negatum iri. Initium vero fieri debet a syllogismo ultimo, cujus conclusio propositioni respondentis contradicit.

§. 271. Respondens syllogismos singulos *Respondentis officium* assumere (§. 248) &, ut appareat eum eos rite percepisse, eosdem repetere debet. Quod si syllogismus in forma peccet, vitium formæ ostendere; si vero forma sit legitima, aut totum concedere, aut alterutram præmissam, aut subinde utramque negare debet. Negat autem præmissam vel absolute, vel distinguendo, seu sub certa conditione.

§. 272. Quam respondens negat præmissam, opponens porro syllogismo novo probare tenetur, in quo ea conclusionis locum, & si respondens limiter, præmissam syllogismi tuetur: prioris contra limitationem argumentari, vel ejus nullitatem ostendere (§. 276). *Opponentis officium ulterius.*

§. 273. Qui eorum recordatur, quæ de *Cur per syllogismos formales sit disputandum.* forma demonstrationis in superioribus dicta & exemplo geometrico confirmata sunt (§. 109. III); eum syllogismorum formalium in disputando usus minime offender, nec idem discursus vulgo iis substitutos rejici improbabat. Etenim quamprimum disputantes absque syllogismis formalibus sermones miscant, a scopo dilabuntur nec disputando quicquam conficitur.

§. 274. Quia Præses vices respondentis *Præsidii officium.* tuetur, ubi opponenti imparprehenditur, nequa-

nequaquam autem, quæ perversa nonnullorum opinio est, iudicis loco est; non diversum ejus ab officio respondentis officium est. Ambo simul nonnisi unam eandemque repræsentant personam.

*Formula  
invitationis & gratiarum actionis.*

§. 275. Quibus verborum formulis respondens uti debeat opponentem invitans; & quænam convenient opponenti pro invitatione gratias agenti; Logici non est docere. Etenim consuetudo talium optima magistra.

*Modus disputandi per quæstiones.*

§. 276. Sunt qui existimant methodum disputandi per quæstiones ea præstare, quæ formalibus utitur syllogismis. Atat! Si quis per quæstiones apte disputare voluerit, is in disputando per syllogismos formales ante se artificem probare debet. Neque enim aliæ moveri possunt quæstiones quam de eo, num respondens hoc vel istud principium concedat, quod tanquam præmissa ingreditur syllogismum, & num concedat conclusionem, quæ inde colligitur.

## CAPUT XVI.

### *De habitu in praxi Logica comparando.*

§. 277.

*Media ad praxin Logicæ ducenda.*

**O**Mnis habitus exercitio comparatur. Quamobrem nec habitus regulas Logicæ applicandi alia ratione acquiritur, quam crebro exercitio. Neque alia ratio est, cur  
non

non quilibet habitu illo potiatur, homini erudito cuicunque apprime necessario, quam quod exercitia ista negligantur, vel in regulas Logicas continuo impingendi consuetudo contrahatur.

§. 278. Non defunt, qui Logicam natural<sup>Objectio-</sup>em præferunt artificiali: immo non defunt, qui omnem Logicam artificialem damnant, naturalem ad omnes operationes intellectus dirigendas abunde sufficere existimantes. Facultatibus mentis nos legitime uti posse in veritate cognoscenda atbitrantur, etsi non didicerimus, quomodo iisdem sit utendum.

§. 279. In hisce objectionibus multa est <sup>Responsio</sup> confusio, quæ iisdem quandam veritatis speciem conciliat. Quodsi confusa separentur, <sup>ad primam</sup> species, quam præ se ferunt, veritatis sua sponte veluti in fumum abijt caduntque objectiones. Nemo negaverit, hominem a natura esse dispositum ad operationes mentis elicendas & intellectui suas esse regulas, quas sequitur, etsi easdem non intelligat, quemadmodum corpora juxta certas regulas moventur ac homo ipse in incessu aliisque corporis motibus voluntariis regulas observat, quas ignorat. Regulæ illæ a Deo intellectui præscriptæ atque naturalis ista dispositio ad agendum juxta eas Logicam naturalem absolvunt, & posterior imprimis est id, quod Logicæ naturali utenti respondet. Quemadmodum itaque dispositiones naturales qualescunque tandem fuerint, gradu differunt  
in

in diversis subiectis; ita idem obtinet in intellectu, ut unus magis sit dispositus ad operationes altero. Quamobrem utut duo, in quibus illa dispositio diversa deprehenditur, Logicam artificialem sibi familiarem reddunt & eandem diligentiam adhibent ad habitum eam applicandi acquirendum; unius tamen profectus majores erunt quam alterius. Non est quod in intellectu miremur, quæ in omni habitu non aliter se habere experimur. Quod ergo præstantia Logicæ naturalis præ artificiali distincte explicari debet, propositio ita enuncianda: Si quis natura magis fuerit dispositus altero ad operationes naturales, & uterque in Logica addiscenda atque applicanda eandem adhibeat diligentiam, prior majorem consequitur habitum, operationes mentis in veritatis cognitione dirigendi quam alter; Hinc autem nullo modo consequitur, Logicam naturalem artificiali præferendam esse. Logica artificialis regulas naturalis distincte explicat ac modum præterea docet, dispositionem naturalem ad habitum evehendi.

*Responsio  
ad objectionem  
alteram.*

§. 280. Multo minus autem affirmandum, studium, quod impenditur Logicæ artificiali addiscendæ, omni prorsus destitui utilitate omnemque in ea applicanda operam frustra collocari. Etenim ubi quis regulas, quas sequitur intellectus, distincte non cognoscit; facultatibus mentis facile abutitur: id quod sophismata eruditorum, quibus ad errores seducuntur, satis superque loquuntur.

tut. Sunt etiam oculo suæ leges, juxta quas perficitur visus: enimvero juxta easdem regulas fallaciæ opticæ contingunt. Qui ergo ex Optica illas distinctæ agnovit, is fallacias prompte detegere sibi ab errore cavere solet. Eadem prorsus intellectus, quæ oculi nostri ratio est. Subinde Logica artificialis inutilis existimatur, vel quod nullius usus eam experiamur, quam didicimus, vel quod alii, qui eam nunquam didicere, non infelicius nobis in veritate cognoscenda versentur. Enimvero primo omnium loco dispiciendum est, an Logica artificialis, quam didicimus, sit veri nominis, cum hodie plurimis Logica dicatur, quæ non est. Et si vel maxime veram didicerimus, nondum tamen ejus applicatio in potestate est (§. 283.) Neque minus falluntur, qui in ea sunt opinione, quasi omnes in universum, quotquot vel Logicam didicere nullam vel de ea applicanda nunquam cogitarunt, nullis exercitiis logicis vacaverint. Etenim logicis exercitiis incumbunt, quoties alios, qui operationibus mentis legitime usi, in variis casibus sibi obviis imitantur.

§. 281. Quodsi ejusmodi exercitiis vacare decreveris, quibus Logicæ applicatio redditur expedita, istiusmodi libri legendi sunt, in quibus conscribendis autores regulas Logicæ sancte custodiverunt, singula juxta illas regulas examinanda, quas capite nono & undecimo exposuimus. Etenim hoc pacto non modo regulas logicas rectius, quam

*Media comparandi habitum Logicam applicandi*

(*Wolffii Logica.*) M an



antea, intelliguntur, dum verbis respondentes notiones in nobis ipsis experimur; verum etiam veritatis earum convincimur & modum eas applicandi addiscimus. Quod si lectio istiusmodi librorum sola nobis sufficit, neglecto examine logico, ex quo rationes methodi manifestæ evadunt; habitus equidem aliquis meditandi ac res discutiendi acquiritur, nunquam tamen obtinetur, ut invitus in regulas logicas non impingas, neque iisdem eo in casu uti dabitur, ubi applicatio distincto ratiocinio fieri debet.

*Qualia  
exercitia  
adhuc desi-  
derantur.*

§. 282. Introducendum itaque foret ali- quod exercitiorum genus, quod hætenus desideratur, scilicet ut docentium manu- ductione libri ea lege legerentur, ut singu- lorum analysis logica institueretur, ratione ubivis ex regulis logicis data. Hoc pacto si- mul logica genuina a spuria distingueretur: quod nostro inprimis tempore apprime ne- cessarium, quo sub prætextu libertatis phi- losophandi talès sæpius præscribuntur regu- læ cogitandi, juxta quas cogitationes diri- gi impossibile est, ita ut ingenia ad optima quævis nata corrumpantur, in perversis re- gulis applicandis desudantia, feliciora uti- que futura, ubi in Logica naturali acquie- vissent.

*Quanam  
Mathesis  
afferat ad-  
jumenta.*

§. 283. Nemo facile negaverit, præter scripta veterum Geometrarum hætenus de- fuisse alia, quorum commodus foret hac in parte usus. Quamobrem ut Mathesin huic instituto accommodatiorem efficere, omnes disci-

disciplinas in eum ordinem digessi, ut verba tacite menti insinuent ordinem, quo cogitationes animum subire debent, ubi ex assumptis colligendum est quaesitum. In ipso Matheseos compendio methodi verioris leges eustodivi, quantum datur, ut, qui scripta mea legit, non modo brevi temporis spatio solidam Mathematicarum notitiam sibi compareret: verum etiam absque multo labore ea lege perlustrari possunt, quam fert amplificatio intellectus ejusdemque preparatio ad genuinum facultatum mentis in veritate cognoscenda usum.

§. 284. Si quis sibi persuadet, Mathesin *præjudi-* quocunque modo tractatam acuere intelle- *cium sola* ctum; is oppido fallitur: neque enim qua- *litur.* in Mathesi docentur, sed methodus, qua ea traduntur, tantum nobis beneficium praestant, accedente ad leges methodi seria mentis attentione. Qui veritates mathematicas vulgari modo expositas addiscit, quae aliae disci vulgo dicuntur, is ex Matheseos studio nullum expectare potest in applicanda logica adjumentum, multo minus autem idem sperare debet, si sub specioso Matheseos titulo discursus de objectis mathematicis minime mathematicos sibi obtrudi patitur. Accidit potius e contrario; ut confusa & incompleta tractatione intellectus corrumperetur, tantoque majus censeretur debet detrimentum, ubi quis hoc præjudicio laborat, quasi studio Matheseos intellectum exacuisset.

*Quomodo  
Mathesis  
ad perfici-  
endum in-  
tellectum  
inprimis  
accommo-  
detur.*

§. 285. Ut Elementa mea Matheſeos uni-  
verſæ eorumque compendium, quæ patrio  
ſermone conſcripſimus, ad tam præclarum  
uſum adhuc accommodatiorem efficerem,  
nec quicquam ea in re deſiderari poſſet;  
methodo analytica, hoc eſt, ea ſingula pro-  
poſui, qua ſi non eruta fuerunt, erui ta-  
men poterant. Eriſi enim non ignorem,  
multa poſt pœnitendas ambages tandem in  
lucem protracta & ſucceſſive occasione ſic  
ferente emendata fuiſſe; dubium tamen mi-  
hi nullum ſuper-eſt, quin eadem illa metho-  
do eruta fuiſſent, ſiquidem accuratus facul-  
tatum mentis uſus ſemper in poteſtate fuiſ-  
ſet. Quamobrem hunc uſum, non am-  
bages inutiles docturi alios ea uſi ſumus  
methodo, quam præſens inſtitutum poſtulat.

*Medium  
aliud.*

§. 286. Ex diſtis patet, non veritatibus  
mathematicis tribuendum eſſe habitum ap-  
plicandi Logicam ſtudio Matheſeos aſqui-  
ſitam, ſed methodo, quod ſcilicet regulæ  
verioris Logicæ ſanctiſſime fuerunt obſerva-  
tæ. Quare ſi in aliis diſciplinis eadem me-  
thodo utaris; earum quoque ſubſidio atten-  
tione ad methodum uſus habitum illum tibi  
comparabis. Eo ſine operam dedi, ut  
omnes philoſophiæ partes continuo verita-  
tum nexu inter ſe copulatos exhiberem.  
Quodſi quis ſcripta noſtra philoſophica at-  
tente perlegens definitiones ac probationes  
juxta regulas Logicæ a nobis traditas exami-  
naverit; iſ eorum ope etiam conſequetur,  
quod

quod a sedula mathematicorum tractatione expectatur.

§. 287. In Experimentis inprimis, quibus ad solidam naturæ cognitionem via sternitur, seu in *Philosophia*, quæ dicitur *Experimentalis* singula eo ordine proposui, quomodo unum ex altero a meditante erui potuerit, continuo sensuum ac intellectus connubio. Ea autem intentione hoc feci, ut lectorem sensim sensimque ad meditandum manu ducerem, illo tandem habitu feliciter positurum, quo propositiones determinatæ a posteriori eruuntur, & nonnullorum ope ceteræ a priori demonstrantur, consequenter ratio cum experientia connectitur. Habitus iste non modo Medicos mirifice juvat, quos eodem modo ex observationibus sapere decet; sed viris etiam Politicis suppetias fert, immo singulis quotquot veritates morales & politicas ex experientia hauriunt & in negotiis suis prudenter gerendis ex alieno casu sapere decreverunt. *Philosophiæ* itaque *experimentalis*, quam tribus tomis comprehendere, lectio illis etiam proderit, quibus alias naturæ cognitio curæ cordique non est, falso sibi persuadentibus, talia in spem futuræ oblivionis addisci. Ponamus enim necesse esse, ut omnes ex *philosophia experimentalis* haustas notiones ac propositiones oblivioni rursus tradant, ubi negotiis olim admovebuntur, quibus cum istis nihil est negotii, quod tamen minime largimur; restat tamen habitus experi-

rientia utiliter utendi & ex ea sapiendi, quæ feliciter per omnem vitam data quavis occasione utuntur.

*Uſus Scri-  
ptorum  
philosophi-  
corum La-  
tinorum  
Auctoris in  
praxi Lo-  
gica pro-  
mouenda.*

§. 288. Quemadmodum vero elementa Matheseos Latina ita conſcripſi, ut exercitiis Logicis eſſent accommodatiora iſiſ Germanicis; ita quoque ſcripta philoſophica Latina ad eundem uſum magis adhuc ſerviunt quam Germanica, quoniam non ſolum termini omnes, præſertim technici, accurata definitione explicantur & ex iſiſ atque propoſitionibus anterioribus ſequentes deducuntur; verum etiam propoſitiones a probationibus, probationes a ſcholiis, quæ vel illuſtrationis gratia, vel alio fine adjiciuntur, ipſa characterum diverſitate diſtinguuntur, propoſitiones non aliæ niſi determinatæ exhibentur, & neque definitionibus, neque probationibus admilcentur, quæ illuſtrationi ſerviunt, inprimis vero cum propoſitiones, tum definitiones exemplis ita illuſtrantur, ut pateat modus eas in dato caſu dextre applicandi. Hunc morem in ipſa Logica tenui, ut Logicam docentem addiſcendo utens ſimul acquiratur, ipſaque Logica ſuppeditet exempla, quibus regulæ ejus illuſtrantur & rectius intelliguntur. Sufficit itaque ſcriptorum meorum philoſophicorum, quæ ſucceſſive in lucem prodeunt ſermone Latino, attenta lectio, qua ſingula intelliguntur & optime comprehenduntur, ut intellectus praxi Logicæ verioris adſueſcat & ſenſim ſenſimque habitum acquirat tanto magis inexpe-

ctatum,

Etatum, quanto minus cognitus fuerat notione ejus destituitis.

§. 289. Si Scripta methodo accurata non fuerint composita, regulæ Logicæ non modo negliguntur, sed in eas etiam peccatur. Dantur adeo in iis Defectus & Errores, quorum illi ex neglectu regularum Logicæ oriuntur, omittendo eo, quæ juxta eas fieri debebant; hi autem inde manant, quod quid contrarium fiat regulæ. In praxi Logicæ usu suo non destituitur defectuum & errorum cognitio, ut illos evitemus, ab his vero nobis caveamus. Quæ experientia magistra discimus, ea & clariora nobis sunt, & altiores in mente radices agunt ceteris, quæ sola intellectus vi agnoscimus, in istiusmodi præsertim casibus, in quibus de committendis & omittendis agitur. Libri adeo minus accurata methodo conscripti eo fine legendi & juxta regulas Logicæ examinandi, ut defectus & errores methodi agnoscamus & iis dijudicandis atque evitandis aptiores evadamus. Accidit autem quam sæpissime, ut ex emendatione defectuum atque errorum simul discamus, quid fieri conveniat, ut in methodo desiderari nil quicquam possit, & in quod aliàs non facile incidissemus. Et hoc pacto scripta minus accurata methodo composita iisque inutilia, quibus solida rerum cognitio probatur, hunc habent usum, ut eosdem ad ipsam solidam hanc rerum cognitionem efficiant aptiores. Accedit insuper hic usus,

quod doctrinæ solidæ cupidi magis magisque inflammentur ad eam appetendam, defectibus & erroribus eorum intellectis, qui superficialia tractatione contenti per præcipitantiam sapissime statuunt.

*Tempus  
exercitiis  
istis conve-  
niens.*

§ 290. Enimvero antequam ad aliorum defectus & errores judicandos aptus quisprehenditur, methodum veram in potestate sua habere debet. Illos enim dijudicaturus judicium ferre tenetur de eo, quod invitis regulis logicæ verioris sive omissum, sive factum fuerit. Quodsi quis judicium istud deproperare non debet, is & regulas Logicæ omnes familiares experiatur, & modum eas in dato casu applicandi teneat opus est. Quamobrem alienæ aberrationis dijudicatio supponit, ut methodo satisfacere ipsemet possis. Quoniam itaque tum demum regulæ Logicæ plenarie intelliguntur & modus eas applicandi perspicitur, ubi libros accurata methodo conscriptos conservata continuo ad eandem attentione perleguntur (§. 281.); lectio librorum accurata methodo conscriptorum præcedere debet eam, quæ superficialiis impenditur. Logicam applicandi habitu polleat judicaturus, qua in re alii ab eadem aberraverint.

*Damnum  
ex eorum  
anticipa-  
tione me-  
tuendum.*

§. 291. Quodsi quis in aliorum a Logica aberrationes inquirere voluerit, antequam solida rerum cognitione fuerit instructus; is periculo deproperandi judicii sese exponit & peccatum ipsi videbitur, quod methodo ad amissum convenit. Certius  
erit

erit periculum, ubi quis verioris Logicæ regulas prorsus non didicit, quarum examen non rectius instituitur, quam si cum libris accurata methodo conscriptis conferantur, inprimis si cum forma demonstrationum more veterum Geometrarum conceptarum componantur, de quarum rectitudine nemo dubitat. Docet proh dolor! experientia satis superque, homines Logicæ verioris ignaros & ab ejus applicatione multo adhuc longiore intervallo remotos in liberis accurata methodo conscriptis reprehendere, quod laudare debebant, & errores fingere, ubi regulæ rigidissime satisfactum. Reprehendunt in definitionibus, quod non cumulentur ea, quæ per se invicem determinantur, quæ tamen earum summa perfectio est; & in propositionibus formandis, demonstrationibus concinnandis & veritatibus ordinandis taxant quod maximopere commendaturi fuissent, si verioris Logicæ applicandæ habitum sibi comparassent. Alii, quibus verioris Logicæ principia sunt perspecta & ope studii mathematici aliquis ea applicandi habitus accessit, tanquam tyrones verioris methodi ubivis adhuc impingunt & si qua vident sibi ignorata, in iis aberratum esse temere pronunciant. Ex omnibus istis abunde percipitur, quanta circumspectione opus sit in defectibus & erroribus methodi ab aliis admissis pervestigandis, præsertim cum aberratio a regula videri possit, quæ non est, quamdiu ipsas mentis operationes a verbis, quibus eadem efferuntur, dignoscere



nondum didiceris. Absit igitur a nobis ea in re omnis præcipitancia, ne, quod nobis dubium occurrit in scriptis virorum, qui methodi accuratæ specimina illustria dedere, inter aberrationes temere referamus. Expectemus potius paulisper, donec ad majorem habitum evecta mente viderimus, annon in majore luce constitutis alia videantur, quam nobis antea apparuerant. Hanc circumspectionem propria experientia fretus satis commendare nequeo. Si quis vero intempestive in aliorum errores inquit, is non sine maximo damno animo effertur & præclara contemnit, ut ex aliis perstringendis, quam solida rerum utilium cognitione majorem percipiat voluptatem: de quo ut dicamus disertius, ab instituto præsentis alienum.

*Successiva  
incrementa  
habitus  
applicandi  
Logicam.*

§. 292. Nemo vero sibi aliisque persuadeat, quasi facili admodum labore Logicam in dato quocunque casu applicandi habitus comparetur. Nimis multis opus est exercitiis & incrementa inde nascuntur successive. Immo si quis initio progressuum existimaverit se voti sui prorsus compotem fuisse factum; ad majorem habitum evectus demum videt, sibi adhuc deesse, quæ jam a se possideri opinatus fuerat. Apertis autem oculis alia longe rerum facies apparet, quam antea apparuerat. Expertus hæc scribo & consilium meum securus experietur, me vera scribere. Faxit Deus, ut multi id experiantur!

**F I N I S** *Logica.*

**INDEX**



# INDEX

*Rerum memorabilium, in quo numeri §. §. litera p. prolegomena denotat.*

## A.

- A** *Nalyses* notionum terminus, 18  
*Attributa* rei quid sint, 48. quomodo agnoscantur, 123. 124. 125.  
*Axiomata* quid sint, 86. quando inveniantur, 133. cur demonstratione non indigeant, 134

## C.

- Causa effectuum* quomodo a posteriori cognoscatur, 126 & seqq. quomodo a priori investigentur, 142  
*Causarum influxus* quomodo detegatur, 143  
*Certitudo cognitionis*, 193  
*Certum* cum incerto quomodo confundatur, 209  
*Cogitatio* quid dicatur, 2  
*Cognitionis* diversi gradus, 166. 167  
*Cognitio historica* qualis, 6. p.  
*Cognitio philosophica* qualis sit, §. p. ejus differentia a communi, 6. p. utilitas, 7. p.  
*Compilatio* sine judicio facta, 212  
*Conceptum* nullum habere quando dicamur, 83  
*Concipere* quid dicamur, 83  
*Con-*

*Index rerum memorabilium.*

<i>Concipi non posse</i> quid dicatur,	83
<i>Conclusio</i> quid sit, <u>94</u> ejus illatio,	<u>95</u>
<i>Connexiorum</i> qualis sit,	215
<i>Consequentia immediata</i> ,	117
<i>Consequentiarum</i> quinam sint,	260
<i>Convictio</i> quid sit,	239
<i>Convincendi</i> aptitudo, 244. requisita alia, 248	
<i>Convincendus</i> cujus culpa non convincatur,	<u>249. 250</u>
<i>Corollaria</i> quænam sint,	145
D.	
<i>Definitio</i> quid sit, <u>36</u> ejus requisita, <u>37. 38. 39. 40.</u> divisio, 41. quando in potestate est, <u>172</u> . quomodo alteri explicanda, 246. quomodo dijudicanda,	181
<i>Definitio nominalis</i> quænam, <u>41</u> . modus ad eam perveniendi, 42. vitia ejus, 43. <u>44.</u> usus, <u>45</u> . objectum,	<u>46</u>
<i>Definitio realis</i> quænam, <u>41</u> . objectum, <u>47</u> requisita, <u>49</u> . modi ad eam perveniendi, 51 & seqq. ejus cum nominali confusio,	178
<i>Demonstratio</i> . Ejus forma, <u>109</u> . modus ad eam extra Mathesin perveniendi, 113 quomodo proponenda convincendo, 241	242
<i>Demonstrationis geometrica</i> resolutio in syllogismos,	112
<i>Descriptio</i> quid sit, <u>36</u> ejus requisita,	37
<i>Disputandi</i> per quæstiones modus qualis sit,	276
<i>Disputatio</i> . Definitio, 266. regulæ, 269 & seqq.	

<i>Disputantium status,</i>	267
<b>E.</b>	
<i>Enthymema</i>	115
<i>Errandi periculum unde,</i>	164
<i>Error.</i> Ejus origo, 162. media cum evitan- di, 163. quando & a quibus errores exami- nari conveniat,	290. 291
<i>Essentia</i> quid sit,	48
<i>Ethica,</i>	13. p.
<i>Exercitia</i> intellectus acuendi adhuc desidera- ta,	282
<i>Experientia.</i> Ejus notio, 118 & seqq. casus varii, 122. quomodo ea a conclusionibus inde illatis distinguatur, 121. quando sit in potestate, 171. quomodo alteri expli- canda,	247
<i>Experimentandi ratio,</i>	150
<b>F.</b>	
<i>Fides.</i> Ejus definitio, 149. objectum, 150 regulae, 151 & seqq. quomodo probabili- tas decreascit, 153. & seqq. quando cum scientia non confundatur,	236
<i>Figura syllogismorum.</i> Earum origo,	96
<i>Figura prima syllogismorum</i> quænam 96. re- gulae ejus, 100. modi, 101. sufficientia,	102
<b>G.</b>	
<i>Generis</i> definitio,	26. 27
<b>H.</b>	
<i>Historia.</i> Ejus fines, 200. quomodo ordo, 204. & veritas dijudicetur,	197
<i>Historia civilis</i> fines,	202
<i>ecclesiastica</i> fines,	201
	hite

*Index rerum memorabilium,*

<i>litteraria fines,</i>	203
<i>naturalis fines,</i>	199
<b>I.</b>	
<i>Individui definitio,</i>	26 27
<i>Intellectus acuendi exercitia adhuc desiderata,</i>	282
<i>Interpretatio S. S. in quo consistat, 235. genuinae utilitas,</i>	237
<i>Inveniendi vires quomodo examinentur. 169. &amp; seqq. 175.</i>	169.
<i>Inventa ad classes revocata,</i>	177
<i>Inventoris requisita,</i>	144
<i>Investigatio veritatis quando in potestate,</i>	170
<i>Judicium quid sit,</i>	74. 75
<i>Judicium discursivum,</i>	118
<i>intuitivum,</i>	ibid.
<i>Jus natura,</i>	13. p.
<b>L.</b>	
<i>Liber optima nota quinam sit,</i>	217
<i>Liber pessima nota quinam sit,</i>	ibid.
<i>Libri vulgares quomodo praxin Logicæ promovere possint,</i>	289. 290
<i>Librorum divisio, 195. legendorum finis, 218</i>	218
<i>Librorum dogmaticorum lectio, 220 &amp; seqq. dijudicandorum casus,</i>	205
<i>Librorum historicorum lectio, 219. requisita, 196. &amp; seqq.</i>	196. & seqq.
<i>Linguarum authenticarum usus in interpretanda S. S.,</i>	238
<i>Logica. Ejus definitio, 10 p. praxis qualis sit,</i>	277
<i>Logica applicanda habitus quomodo comparatur,</i>	

*Index rerum memorabilium,*

retur, 281 & seqq. cur successiva habeat incrementa,	292
<i>Logica naturalis</i> an sufficiat,	278. 279. 280
<i>Logomachia</i> unde oriantur, <u>72.</u> quomodo evitentur,	257. 268

M.

<i>Matheſis</i> quid ſibi velit, 15. p. ejus utilitas,	
<u>16.</u> p. cur & quando intellectum acuat,	282. 284. 285
<i>Matheſis Autoris</i> quid conferat ad intellectus perfectionem,	285
<i>Methodus accurata</i> <u>librorum,</u>	210
<i>Metaphyſica,</i>	14. p.
<i>Microſcopiorum</i> uſus in notionibus investigandis,	22
<i>Modi ſyllogiſmorum.</i> Eorum ratio, <u>96. no-</u>	
mina,	102
<i>Mysteria</i> perperam rejiciuntur,	69

N.

<i>Notio.</i> Definitio, <u>4.</u> modus ad eam perveniendi, <u>5. 7. 26. 27. 30.</u> quando ſenſu diſtinctius ad eam perveniatur,	8
<i>Notio adequata</i> quænam ſit, <u>16.</u> modus ad eam perveniendi,	19
<i>Notio clara</i> quænam ſit,	9
<i>Notio completa,</i>	15
<i>Notio confuſa</i> quænam ſit, 13. quomodo obreneatur,	21
<i>Notio diſtincta</i> quænam, <u>13.</u> modus ad eam perveniendi,	19
<i>Notio inadæquata</i> quænam ſit, 16. ejus gradus,	15
<i>Notia incompleta,</i>	

- Notio obscura* quænam sit, **9.** ejus gradus, **10.**  
 exempla, **11.** cautio in iis dijudicandis ad-  
 hibenda, **12.** quando obtineatur, **23**  
*Notiones* quomodo dijudicentur, 180  
*Notiones abstractæ* quomodo reperiantur, **26**  
*Notiones supernaturales* quando in S. S. non ex-  
 plicandæ, 232  
*Notiones verborum Scriptura* quomodo inve-  
 stigentur, 227. & seqq.  
*Notiones universales* quænam sint, **28.** earum  
 usus, **29**  
*Notionum* differentia, **9.** & seqq. communica-  
 tio cum aliis, **14.** consensus & dissensus, **82**  
 deterioratio, **24.** quomodo ea impediatur,  
**25.** realitas unde innotescat, **32.** & seqq.  
 quomodo ea a posteriori, **34.** & priori pro-  
 betur, 35

**O.**

- Obscuritas libri* vera, 213. apparens, 214  
*Ontologia*, **14 p.**  
*Opinionum* origo, **165.** cur eadem animum  
 non tranquillunt, 168  
*Opponentis* officium, 270. 272.  
*Ordo rerum* in libris qualis esse debeat, 216

**P.**

- Persecutoribus* quomodo respondendum, 265  
*Perspicuitas* libri, 213  
*Persuasio* vana quomodo a convictione distin-  
 guatur, **257**  
*Philosophiæ* definitio, **1. 8. 9 p.** partes, **10.** &  
 seqq. p.  
*Philosophiæ Autoris* usus in acuendo intellectu,  
*Philo-*

*Index rerum memorabilium.*

<i>Philosophia experimentalis</i> usus in acuendo intellectu,	287
<i>Physica</i> definitio,	12. p.
<i>Pneumatica</i> ,	12. p.
<i>Politica</i> ,	23. p.
<i>Possibile</i> quid dicatur,	3. p.
<i>Postulata</i> quid sint, 86. quomodo reperiantur,	133
<i>Præcipitantia in credendo</i> quomodo evitetur.	151
<i>Prædicatum</i> ,	76
<i>Præjudicia</i> quomodo tollantur, 252 & seqq.	
<i>Præmissæ syllogismorum</i> ,	94
<i>Præsidis officium</i> ,	274
<i>Probabilitatis historica</i> requisita intrinseca,	161
<i>Probatio.</i> Ejus genuina forma,	109
<i>Problema.</i> Definitio, 87. quomodo dijudicetur, 185. quomodo solvatur, 237 & seqq. quando resolutio in potestate,	174
<i>Prolixitas</i> quando in scripto nimia,	208
<i>Propositio.</i> Definitio, 76. quando intelligatur, 77. divisio,	76. 78.
<i>Propositio affirmativa</i> ,	76
<i>categorica</i> , 79. ejus ad hypotheticam reduction,	80
<i>hypothetica</i> ,	79
<i>identica</i> ,	86
<i>indefinita</i> ,	78
<i>infinita</i> ,	99
<i>major in syllogismo</i> ,	94
<i>minor in syllogismo</i> ,	94
( <i>Wolffii Logica.</i> )	N
	Pre-



*Index rerum memorabilium.*

<i>Propositio negativa,</i>	76
<i>particularis,</i>	78
<i>practica,</i>	85
<i>propria,</i>	78
<i>singularis,</i>	ibid.
<i>theoretica,</i>	85
<i>universalis,</i>	78
<i>Propositiones quomodo inveniantur</i>	84. quo-
<i>modo dijudicentur,</i>	182
<i>Propositionum analysis,</i>	79. 82
<i>Propositiones universales quomodo a posteriori</i>	
<i>eruantur,</i>	32
R.	
<i>Rationis sufficientis necessitas.</i>	4
<i>Refutationis definitio,</i>	256. modi,
	259. & seqq.
<i>Refutatio indirecta qualis sit,</i>	260
<i>Resolutiones problematum quales esse possint,</i>	116 & seqq.
<i>Respondentis officium,</i>	271
S.	
<i>Scholia quid sint,</i>	146
<i>Scientia. Definitio, 2. p. notio,</i>	147
<i>modus ad eam perveniendi,</i>	148
<i>Scriptum completum quodnam sit,</i>	206. 207.
<i>Scriptura sacra interpretandæ regulæ.</i>	226
<i>Sensus quid dicatur, 3. eorum numerus,</i>	3
<i>&amp; usus in notionibus comparandis,</i>	5
<i>Sensuum fallacia quomodo vitentur,</i>	131
<i>Sentire quid sit,</i>	1
<i>Significatus vocum diversus in eodem libro,</i>	
225. inconveniens quomodo tollatur,	258
quando non expeditus,	26. non omni-
	bus

*Index rerum memorabilium.*

bus perspectus est ,	68.	quomodo reperiatur,	73
<i>Solida tractatio rerum</i> in quo consistat ,	211		
<i>Soni sine mente</i> quinam sint ,	62.	quando intelligibiles,	67
<i>Speciei definitio,</i>	26.	27	
<i>Subjectum,</i>	76		
<i>Syllogismus.</i> Ejus origo ,	89.	91.	fundamentum ,
90.	92.	evidentia ,	93.
natura ,	94.	figuræ ,	96.
modi ,	97.	regulæ ,	98.
& seqq. usus ,	108.	120.	
<i>Syllogismorum cryptis,</i>	116		
usus in demonstrationibus geometricis ,	111.	in inveniendo ,	112.
in demonstrationibus non mathematicis ,	113		
in errore evitando ,	114.	in disputando,	273
<i>Syllogismus disjunctivus,</i>	107		
<i>hypotheticus</i> five conditionalis,	106		
T.			
<i>Telescopiorum</i> usus in notionibus investigandis,	22		
<i>Termini</i> quando explicandi,	240		
<i>Terminorum</i> notiones non omnibus communes,	79		
<i>Terminus medius,</i>	94		
<i>Testis integritas</i> quomodo examinetur ,	156.		
	157		
<i>Testis fide digni</i> requisita,	152.	& seqq.	
<i>Testis suspectus</i> quinam sit,	158.	159	
non suspectus quinam,	160		
<i>Theologia naturalis,</i>	11.	p.	
	2bro-		

<i>Theorema,</i>	87
<i>Theoremata</i> quomodo inveniuntur, 135.	
136. quando cum axiomatis confundantur,	183
<i>Theorematum inventio</i> quando in potestate,	173

V.

<i>Vocabula</i> quid sint, 58. quando fine mente soni, 62. & seqq. quomodo materialiter & formaliter sumantur,	66
<i>Verba</i> quomodo a rebus distinguantur, 65. quinam distinguere possit,	179
<i>Verba alterius</i> quando intelligamus,	59
<i>Verba propria</i> quando intelligamus,	61
<i>Verba refutationi</i> convenientia,	261
non convenientia,	262. 263
<i>Verbis durioribus</i> quando in refutando opus,	264
<i>Verborum sensus</i> quomodo eruatur, 223. 224	
<i>Veritatis investigatio</i> quando in potestate, 170	
<i>Veritates</i> quomodo ad classes suas reducantur,	222
<i>Veritates revelatae</i> quomodo dijudicentur,	234
<i>Usus rerum</i> quomodo dijudicetur.	194

*FINIS Indicis.*

